

PAPATVS

ROMANVS:

LIBER

DE ORIGINE, PRO-
gressu, atque extinctione

ipsius.

[Marco Antonio de Dominis]

Cambr. Cat. 3477a



Bibliotheca Joticiensis, post in palat. sigl.

LONDINI,

Ex Officina NORTONIANA, Apud
IOHANNEM BILLIVM.

1617.



SERENISSIMO,
POTENTISSIMO ET

INVICTISSIMO IACOBO,

Magnæ Britanniae Regi.



*Ibi Defensori Fidei,
Magnæ Britanniae
Rex, libertatisq; pro-
pugnatori, omnes eo-
rum lucubrationes, qui
pro asserendâ ab Ecclesiæ Romanæ iugo
libertate scriptitarunt, optimo iure de-
bentur. Nam quantum præsidij ad
illam & reuocandam, & conseruâdam
in vestra scientia, prudentiaq; existat,
omnes Reges, Principes, & docti viri,
qui tua scripta tantum gustarunt, tu-
amq; in maximis rebus sapientiam ex-
perti sunt, optime norunt. Ut igitur vi-
deas tuâ doctrinam, cum virorū nostræ
ætatis doctissimorum, imò cum omnium*

A 2

veterum,

veterum, qui cæteris antistare existi-
mati sunt, sententijs in hac causa tuen-
da congruere; & quod Ma^{ius} Tua
quotidie exequitur, id illos antè sensisse,
faciendumq; præcepisse; atq; videaris
eorū volumina diligenter peruoluisse,
legendoque triuisse, & quicquid in eis-
dem ad libertatem à Romana Ecclesia
coppressam denuo recuperandam facit,
id omne avida hausisse aure, animoq;
condidisse fidei; libellum istum de
Papatu Romano composui, in quem
quicquid obseruatu dignum reperire
potui, quod ad ipsum Papatum suis li-
mitibus restringendum attinet, id omne
hic strictim breuiterq; compegi. Spem
sanè non dubiam animo concepi, hanc
meā lucubratiunculā à doctis, liberæq;
indolis viris prius expectatam, iamq;
euolatē, multis vel prorsus suadēdis,
vel saltem excitandis inferuiturā. Utq;
ita

ita sperare, & materia præstantia, &
mea (quod arroganter non dico) dili-
gentia, ac laboriosissima industria, mihi
persuaserunt : omnino autem hinc ad
republicam Christianam, & ad ca-
teros Principes, ac priuatos homines
utilitatem, fructumq non penitendum
rediturum, etiam aliqui, qui opusculum
hoc perlegerunt, me tacente, spondere
aufiunt. Ergo, sapientissime Rex, to-
tum hoc, quicquid est, emolumenti, quod
ad Christianos è nostra hac lucubratione
proueniet, Vestræ Maiestati volo ac-
ceptum ferant; te illos à tyrannide Ro-
mana liberasse agnoscant, tuisque au-
spicijs me hoc opusculum confecisse sen-
tiant. Ideoque te ament, ac imiten-
tur omnes boni & cordati Reges,
Principes, & liberæ voluntatis docti
viri. Totum hoc tuum esto, si quid sit
laude & gratiarum actione dignum.

*Nomen enim meum N. qui Italus
sum, publicari non patior.*

*Ego abs te, Potentissime, doctissimeq;
Rex, vicissim hoc unum peto, quâ de-
beo reuerētia & submissione, ut hoc no-
strum munus benigno, & quoq; animo ac-
cipere digneris; cui certe ornamentum,
munimentumque non leue est acces-
surum, si Rempub. Christianam cum
aliqua etiam tuæ approbationis, tutelæq;
Regiæ laureâ poterit permeare. Nos
quidē, & nostra omnia, tibi præsto esse
spondemus, si quis usus tenuitatis nostræ
esse aliquando tantæ Mⁱ possit. Inter-
rim tibi, & Illustrissimo Principi
Carolo, ac familiæ tuæ, omnibusq; eis,
qui vobis bene optant, à Deo Opt.
Max. omnia faustissima precamur,
tuæque nos clementiæ suppliciter com-
mendamus.*

E Museo nostro.

AD LECTORES.

DE præcellentia, & iuribus Papat^{us} Romani, inter summos totius orbis Christiani doctissimos viros antiquissima est controuersia, quam Theologi speculatiuo, Canonistæ vero practico modo luculentissimè tractarunt, vtrique leuissima sæpe arripiant, & planissima vt plurimum detorqueant; Iccircò qui amarum ipsius immensum mare, Canonum & Decretalium falsitatis, cum historijs, temporumq; distinctione & obseruantia in reductum sinum restinxerint; nullus hunc, & qui exiguum laborem susciperit, hætenus apparuit. Non equidem gloriæ saporem, vt habeam, Oceanum istum, paruum in gurgitem angustare exordior, cuius nauigium practicabili quadam versoria nautis, ac vectoribus facilè, ac peculiare foret. Sed quia circa vtilia studere debemus, instar *Salomonis Eccles. Cap. 2.* Cogitavi in corde meo abstrahere à vino carnem meam, vt animam meam transferrem ad sapientiam, deuitaremque stultitiam, donec viderem quid esset vtile filiis hominum;

Habebitur iste liber succinctus, authenticus, facilis, obuius, ex immenso, profundo, ac difficulter penetrabili tot sanctorum Patrum Theologorum, & Historicorum Oceano exiguum in lacum, non parvo cum labore redactus. Apum mellificantium solertiam imitari conatus sum. E magno scriptorum campo selegi flosculos, ex quibus hîc, non corollam texui, sed paucas mellis guttulas delibauî. De verbis & stylo non curate, sed quo sensu scripsi, & an vere iudicate: si enim recti sensus, quid refert in re tam ardua, quo velo, aut veste eos texerim? *Socrates* inquirenti cuidam, quomodo posset optime dicere, respondit; Si nihil dixeris nisi quod bene scieris. Hoc ego feci, perlegite, & de nomine authoris inglorio non curate.

¶ Argu-

ARGVMENTA CAPI-
TVM LIBRI.

CAP. 1. **I**N quo ostenditur Episcopos successisse in locum Apostolorum, & nullam inter eos ratione ordinis, vel iurisdictionis præminentiam dari posse.

CAP. 2. Episcopum Urbis Romæ nullam præminentiam ab Apostolis habuisse, quam ceteri Episcopi non habuerint.

CAP. 3. Valdè decipi æstimantes Papam esse Vicarium Christi immediate, nam & ipse in rei veritate Vicarium Petri se esse profitetur.

CAP. 4. Quæ fuerit Origo & progressus præminentie Papatus.

CAP. 5. In quibus Concilijs dispositum fuerit, Papam non habere præminentiam super ceteros Patriarchas, & eorum suffraganeos.

CAP. 6. Resoluuntur quæ aduersus præcedens caput ex Concilijs Lateranensi, & Florentino opponuntur.

CAP. 7. Papam nullo modo potuisse præscribere
præminentiam super ceteros Patriarchas eo-
rumque suffraganeos.

CAP. 8. Papam ex dispositione Concilij gene-
ralis esse subditum Imperatori, & ab eo inue-
stituram petere oportere.

CAP. 9. Ostenditur Pontificem Romanum
nullo modo in Reges, & Principes eorumque
subditos animadvertere posse.

CAP. 10. De Papatus diminutione, & ipsius
extinctione.

CAP. I.

CAP. I.

Episcopos successisse in locum Apostolorum, & nullam inter eos ratione ordinis, vel iurisdictionis præeminentiam dari posse.



Omnipotens desiderium meum exaudiat, & librum scribat ipse qui iudicat, ut in humero meo portem illum, & circumdum illum quasi coronam; per singulos gradus pronuntiabo illum, & quasi Principi offeram eum. Iob. Cap. 31. Si Apostolorum institutionem & acta percurrimus, (quibus Episcopos iure diuino successisse probabimus) nullam neque ordinis, neque iurisdictionis ratione, inter eos præcedentiam dari posse inueniemus: qua inuincibili ratione fatendum erit, neque inter eorum successores, quibuscumque populis præfecti fuerint, præeminentiam aliquam dari posse: Apostolis enim omnium populorum cura æqualiter demandata fuit, Matthæi cap. ult. *Euntes docete omnes gentes, baptizantes eos &c.* & ibidem, *Ego vobiscum sum usque ad consum-*
mationem

mationem seculi. Quæ verba *Origenes* interpretatur, *Apostolis simul congregatis dominum dixisse.* Item *Ioh. cap. 20. Insufflauit & dixit eis, Accipite Spiritum Sanctum, quorum remiseritis peccata, &c. Et quorum retinueritis retenta sunt.* Omnibusque æqualiter cœlorum regni clauces traditæ fuere, *Math. 18. æqualiter alios vita exemplari docere iubet, Sic luceat lux vestra coram hominibus,* pariter omnibus infirmitates curandi, dæmonesque eiiciendi potestatem dedit. *Marc. cap. 3. Math. cap. 10, & Lucæ cap. 10.* Reuersi à prædicatione *Septuaginta dixerunt, etiam demonia subiiciuntur nobis: & Ioh. cap. 20.* Volens Christus post resurrectionem potestatem Apostolis daræ confirmare, dixit, *Sicut pater misit me ego mitto vos, Accipite Spiritum Sanctum.* Ideo *Leo Papa* in sermone de Apostolis tractans illud *Math. 16. Tibi dabo clauces regni cœlorum, dicit, Transiit in omnes Apostolos ius istius potestatis,* Et *Anacletus Papa* in *Epistola 2. ad Episcopos Italie.* Cæteri vero Apostoli ait cum eodem pari consortio honorem, & potestatem acceperunt. Et *Cyprianus* in tractatu de *Unitate Ecclesiæ.* Hoc erant utique & cæteri Apostoli, quod fuit, & *Petrus* pari consortio præditi,

præditi, honoris & potestatis.

Comprobatur ex his quæ in *Actis Apost.* gesta sunt, Nam in Cap. 1. 6. 8. 15. & 21. nunquam legitur solius Petri nomine aliquid gestum esse, quamvis ipse præsens extiterit, *Iacobus* non a solo Petro, sed cum Apostolis ordinatus est Episcopus, & *Anacletus* in ipsa Epistola 2. Porro ait Hierosolymitanorum primus Archiepiscopus Beatus *Iacobus*, qui iustus dicebatur & secundum carnem Domini vocatus est frater, à *Petro Iacobo & Iohanne* Apostolis ordinatus est. Item in electione *Mathiæ* omnes Apostoli fuerunt, *Act.* Cap. 1. Quod D. *Hieronymus super Ionam*, Cap. 1. explicat & *Beda* in dicto cap. 1. *Act.* dicunt, Apostolos non nisi collecto fratrum cœtu precibusque ad Deum fufis id egisse. Præterea cum ageretur de legalibus veteris Testamenti seruandis, vel non, & quæstio fidem tangeret, *Iacobus Episcopus Hierosolymitanus sententiam dixit.* *Act.* 15. Ego Iudico. Quod igitur *Iacobus* dixit, Petro ascribi non potest, ut plurimi falsò autumant, multoque minus *Verum esse potest*, quod alij excogitant Petrum Iacobo in sua diocœsi promulgationem detulisse, litera non dicit, imo

contradicit verbis, *Ego iudico*, omnino igitur fatendum est nullam Petri in hoc auctoritatem interuenisse : Addit visum est Spiritui Sancto, & nobis, nihil ultra vobis imponere, nihil de Petro tangitur. Quod si eius auctoritate factum esset, Petro ipsi ascribi opus fuisset, vt Canonistæ profitentur, in cap. 1. & in cap. Non satis. de Simonia, & in cap. Ad Apostolica. de re iudicata, lib. 6. & in cap. Vbi periculum. de electione libro 6. Idem factum est, cum viros boni testimonij elegerunt, qui diaconorum officium excercerent, Act. cap. 6. etiam Apostoli Petrum atque Ioannem miserunt, Act. cap. 8. Et cum missi fuissent, parem potestatem habuisse dicuntur Petrus & Ioannes, cap. 8. nam seruus maior domino esse non potest. Iob. cap. 13. neque missus mittente, & in diuisione possessionum non solum Petrus interfuit. Act. cap. 4. Quod Clemens Papa in Epistola 5. declarat: Præterea Paulus parem cum Petro potestatem habuit, quod ex Epistola Pauli ad Galatas in cap. 2. deducitur; Cum cognouissent gratiam, quæ data est mihi Iacobus, & Cephas, & Ioannes, qui videbantur columnæ esse, dexteras dederunt mihi & Barnabæ societatis, Item ibi, Mihi autem,

autem, qui videbantur esse aliquid nihil contulerunt, id est principales Apostoli nihil contulerunt in notitia Euangelij, sed è contra ego contuli eis, vt exponit *Nicolaus de Lyra*. Mox clarius exprimit, *Cum vidissent quod creditum est mihi Euangelium præputij, sicut & Petro circumcisionis, qui enim operatus est Petro in Apostolatu circumcisionis, operatus est mihi inter gentes.* Ergo Paulus non à Petro sed à Christo hoc officium suscepit: & ibi glossa Augustini hoc amplius exprimens, dicit, *Qui videbantur esse aliquid, scilicet Petrus, & qui cum domino fuerunt, nihil addiderunt mihi, in quo apparet, quod illis inferior non ego sum, quia ita à Domino perfectus sum, vt nihil esset quod in collatione perfectioni adderent:* Ad hoc etiam probandum *Nicolaus* addit: *Cum vidissent quod mihi creditum est Euangelium præputij, id est officium Apostolatus ad prædicandum gentibus, sicut & Petro circumcisionis, id est officium Apostolatus ad prædicandum Iudæis, Qui enim operatus est Petro, &c. Ab eodem enim vterque ad fidem & Apostolatum euocatus est, ergo æque principaliter missi fuerunt: & cum sequitur, Cum autem*
venisset

venisset Petrus Antiochiam in faciem ei restiti,
quia reprehensibilis erat, supplet glossa, quod
 non auderet, nisi se non imparem sentiret.

D. *August.* in sermone 3. Apostolorum
 Petri & Pauli ait, Ergo Beati Petrus, & Pau-
 lus eminent super vniuersos Apostolos, &
 peculiari quadam prærogatiua præcellunt,
 verum inter ipsos, quis cui præferatur in-
 certum est.

D. *Ambrosius* in sermone 66. De Natali Pe-
 tri & Pauli eadem præcisa verba refert; Beati
 Petrus & Paulus eminent inter vniuersos
 Apostolos, & peculiari quadam præroga-
 tiua præcellunt, verum inter ipsos quis cui
 præferatur incertum est.

Idem probatur super illud ad *Galatas*, cap.
 1. Neque per hominem, sed per Iesum Chri-
 stum & Deum patrem: glossa *Augustini* di-
 cit, Non per hominem mortalem, sed per
 eum iam suscitatum, qui non vt homo ho-
 mines paulatim, sed totum simul per Spiri-
 tum docuit; *Vt per hoc sit maior qui videbatur*
esse minor: cæteri enim Apostoli videbantur maio-
res, quia priores, isle minimus, quia nouissimus,
sed inde apparet esse dignior, quia priores per Chri-
stum constituti sunt, adhuc ex parte hominem, id
est

est mortalem, nouissimus vero Paulus per Christum iam totum Deum, id est ex omni parte immortalem.

Et paulo post in eodem cap. 1. ad Galatas, subiungit, Noh̄ enim facio vobis Euangelium, fratres, quod euangelizatum est à me, quod non est secundum hominem, non enim ab homine accepi illud, neque didici, sed per reuelationem Iesu Christi, Itaque neque Petrus, neque alius Apostolus, aut homo quisquam elegit, misit, aut instituit Paulum Euangelij ministrum, ergo minor Petro non est etiam in iurisdictione, nam excommunicauit Corinthum, & 1. ad Corinth. cap. 1. asserit se quosdam tradidisse Sathanæ, & ibid. cap. 5. ego quidem absens corpore, præsens autem spiritu, iam iudicaui tanquam præsens eum, qui sic operatus est.

Ideoque illorum responsio, qui paritatem inter Petrum & Paulum intelligunt de paritate vitæ, & sanctitate conuersationis stare nullo modo potest, & Vlricus Argentinensis in lib. 6. sui operis cap. 23. hanc interpretationem Gratiani non conuenire verbis literæ probat, quoniam redarguere coram omnibus, ad officium Ecclesiasticæ dignitatis

tatis pertinet, illi peccatē coram omnibus arguunt, vt ceteri timorē habeant iuxta sententiā Pauli. 1. *Tim. ca. 5.* Quod de Paulo dicitur, idem de alijs Apostolis dicendum est, in quos nullam iurisdictionem, aut potestatem Petrus à Christo accepit, nullibi enim hoc legitur, sed contrarium; nam quæ Petrus gessit, ex communi Apostolorum voto gessisse apparet, *Act. cap. 15.* Et ex præcepto Christi apparet contrarium, *Math. ca. 23.* Ne vocemini Rabbi, vnus est enim magister vester Christus, omnes autem vos estis fratres, & *Math. cap. 20.* Scitis quod principes gentium dominantur eis, & qui maiores sunt potestatem exercent in eis; non ita erit inter vos. Et *Marc. 10.* Iesus vocans Apostolos, ait illis, Scitis quod ij, qui videntur principari gentibus dominantur eis, & principes eorum potestatem habent ipsorum, non ita autem est in vobis. Et *Luc. 23.* Reges Gentium dominantur eis, & qui potestatem habent super eos, benefici vocantur, vos autem non sic. Neque dici potest Petro super alios Apostolos potestatem datam esse à Christo. *Ioh. cap. vlt.* per illa verba, *Simon Ioannis diligis me plus his*, vbi per singula dicebat Dominus Iesus

Iesus Petro dicenti, Amore, pascue oues meas, pascue agnos meos : Nam D. *Augustinus* in sermone de vigilia Apostolorum Petri & Pauli, in *uno Petro*, ait, figurari vnitatem omnium pastorum, seu bonorum, qui sciant oues Christi pascere Christo, non sibi. Idem super Ioh. tractatu 50. cap. 12. Quodcunque ligaueris super terra, erit ligatum & in cælo: Si hoc tantum Petro dictum est, non hoc facit Ecclesia, Et paulo infra, si ergo hoc in Ecclesia fit, Petrus quando clauas accepit, Ecclesiam sanctam significauit : Si in Petri persona significati sunt in Ecclesia boni, in Iudæ persona significati sunt in ecclesia mali, qui textus in Decreto *Gratiani* posuitur est, in 24. Causa, questione prima, cap. 6. Idem *Augustinus* in sermone 10. super Ioh. loquendo de potestate ligandi & soluendi, dicit, Hoc Petrus pro omnibus, tanquam personam vnitatis accepit. Et iterum in libro de Agone Christiano cap. 30. Non sine causa, ait, inter omnes Apostolos Ecclesia Catholica personam sustinet Petrus, huic enim clauis regni cælorum data est, & cum ei dicitur, omnibus dicitur, Amas me, pascue oues meas, Et in cap. 31. Subiicit, Nec eos audiamus qui n'gant Ecclesiam Dei, omnia peccata posse dimittere,

Itaque miseri dum in Petro Petram non intelligunt, & nolunt credere esse datas claves regni caelorum, ipsi eas de manibus amiserunt. Et super Psal. 108. dicit, Sunt quidam quo ad Apostolum Petrum proprie pertinere videntur, nec tamen illustrem habent intellectum, nisi cum ad Ecclesiam referuntur, cuius ille agnoscitur in figura gessisse personam. Item in lib. 2. Quaestionum Veteris & Novi Testamenti, quaestione 79. dicit, Quod in Concilio generali per haec verba definitum est, & hoc trique sacramentum nemo potest conficere, nisi secundum claves Ecclesiae ordinatus fuerit, quas ipse concessit Apostolis, eorumque successoribus Iesus Christus. Et habetur in cap. 1. in fine de Summa Trinitate, & fide Catholica. Et Papa hoc idem confitetur in cap. 28 de Sententia excommunicationis, Ecclesiae, ait, Legitur attributa potestas ligandi atque solvendi. Idem in cap. 10. de Penitentis & remissionibus, ubi, quod licet Beatissima Virgo dignior & excellentior fuerit Apostolis uniuersis, non tamen illi, sed ipsis Dominus claves regni caelorum commisit.

Item glossa D. Hieronymi super illud, Quodcunque ligaueris in terra, &c. habent quidem, ait, hanc iudiciariam potestatem omnes alij Apostoli, quibus post resurrectionem Domi-

nus dixit, Accipite Spiritum Sanctum, quorum remiseritis peccata, remittuntur eis, &c. Petrus autem ideo specialiter accipit, ut omnes intelligant, quod quicumque ab unitate fidei & societate eius se seperauerit, nec à peccatis solui, nec cælum ingredi potest.

D. August. in lib. 7. de Baptismo cap. 31. dicit, Quæ domus claues accepit, ac potestatem ligandi & soluendi, hanc si quis corrigentem corripientemque contempserit, sit tibi tanquam ethnicus, & publicanus : Ecce quod apud Ecclesiam est potestas iudiciaria ligandi atque soluendi, quæ verba fuerunt complicata in causa 24. questione prima, & cap. Omnibus. Ex quibus satis apertè innuitur, non esse verum quod iurisdictio Ecclesiastica sit in Ecclesia tanquam thesaurus in arca, & quod Petrus receperit claues, ut aperiret arcam quando ei videretur, quasi exercitium potestatis soli Petro concessum sit, sed quod potestas in habitu Ecclesiæ concessa est, quia illa verba, Hanc domum si quis corrigentem corripientemque contempserit, &c. Ecclesiam habere exercitium clauium ostendunt quando illis vti vult. Iccirco non est vera opinio Petri de Palude in tractatu

de *Potestate Papæ, Quæst. 8. Artic. 2.* Qui voluit alios Apostolos non immediate à Christo, sed à Petro potestatem iurisdictionalē accepisse, hoc falsum esse hucusq; probatū fuit; Idem probatur per textum iuncto eo, quod dicit ibi *Cardinalis Hostiensis*, in cap. nono. de *Pœnitentijs & remissionibus*, dum licet dicit, clauēs istas datas esse Apostolis, *Hostiensis* ponit duas clauēs, alteram fori contentiosi, alteram pœnitentialis; atque vtramque Apostolis omnibus datam esse. Idem voluit, *Scotus in lib. 4. Sententiarum*, quod duplex est in Ecclesia forum, alterum occultum alterum publicum, ita vt Apostoli omnes immediate à Christo iurisdictionem habuerint.

Clarius probatur per textum Mathei cap. vltimo, Cum Christus dixit Apostolis, Euntes in mundum vniuersum prædicate Evangelium omni creaturæ, baptizantes eos, &c. colligitur potestatem etiam de alijs sacramentis datam esse, quia Baptismus est Sacramentorum ianua, & fundamentum. cap. *Veniens. de presbytero non baptizato*, & dicit glossa in cap. *Quicumque* distinctione 77. & glossa super Math. 18. cap. & glossa in cap. 2. de cog-

de cognatione *spirituali* lib. 6. Sed sacramentorum ministratio ad iurisdictionem pertinere dicitur, nam prædicare & sacramenta conferre per totum mundum, & sic in alienis parochijs nemo potest. Cap. *Novit. de officio legati*, ea saltem est voluntariæ iurisdictionis, vt ibi notatur. Ideo Paulus excommunicauit Corinthum, quod ad iurisdictionem pertinet, Cap. *Per principalem, Causa nona, questione tertia, cap. vltimo, & cap. Cum sit Romana. de Appellationibus, & Cap. Audiuimus, causa prima, questione tertia.* Item Paulus ambulans Syriam & Ciliciam, mandauit obseruari præcepta Apostolorum, Aet. Cap. 15. Sed verbum *præceptum* sonat iurisdictionem contentiosam, cap. *In ijs. de verborum significatione. Cap. Quisquis. Causa 14. questione prima.* Item Aet. Cap. 16. Paulus & Timotheus transeuntes per ciuitates tradebant eos dogmata custodire quæ per Apostolos, & seniores decreta erant, sed verbum decretum sapit iurisdictionem contentiosam, vt notant Canonistæ in cap. finali. *de temporibus ordinationum*, Et in Cap. 1. *de Iudicijs.* Item Math. cap. 19. *Vos qui secuti estis me sedebitis super duodecim thronos iudicantes duodecim tribus Israel*, Ergo cum Dei auctoritate

toritate iudicent, iurisdictionem habere dicuntur. Ideoque Canones condiderunt super directione vniuersalis Ecclesiæ. Cap. *Ipsi Apostoli, causa prima, questione prima. Cap. Sunt quidam, causa 15. questione prima. cap. Sexaginta, & cap. Canones. distinctione 16.*

Item Leo Papa. 1. ad Episcopos Viennenses Epistola 87. *Hunc enim in consortio diuinæ unitatis assumptum, id quod ipse erat, voluit nominari, dicendo, Tu es Petrus, & super hanc petram edificabo Ecclesiam meam, & illa verba dicta sunt in consortium indiuidue unitatis.* Idem probatur in cap. *Loquitur causa 24. questione prima, Loquitur (ait) Dominus ad Petrum, Quod tu es Petrus &c. super unum edificat Ecclesiam, & quamuis Apostolis omnibus post resurrectionem suam, parem potestatem tribuat, & dicat, Sicut me misit pater, ego mitto vos &c. tamen ut unitatem manifestaret, unitatis eiusdem originem ab vno incipientem, sua auctoritate disposuit, hoc vtiq; erant ceteri Apostoli, quod Petrus fuit, pari consortio præditi honoris, & potestatis, Sed exordium ab unitate proficiscitur, ut Ecclesia Christi vna monstretur, &c.* Ita etiam probat Io. Andreas in cap. *ad deliberandum de Iudeis.* Item probatur, quia verba Christi, Ego pro te orau,

orauī, vt non deficeret fides tua, interpreta-
ta sunt de Ecclesia, quia fides Ecclesiæ nun-
quam deficit, neque errare potest. Cap. A
recta. in causa 24. quæstione prima, & pro-
bat Archidiaconus in Cap. Ita Dominus.
distinctione 19. & non intelligitur de fide
Petri, qui in fide deficit, vt legitur Math. cap.
16. & in Cap. *Fidelior*, distinctione 19. Ergo
sicut ista verba in Petrum directæ, de Eccle-
sia intelligantur, ita & illa, Tu es Petrus de
Ecclesia intelligenda sunt.

Hanc sententiam firmarunt *Sotus de Iu-
stitia*, & iure lib. 10. Quæst. 1. Artic. 4. Episco-
pus *Glaciensis in tractatu de auctoritate Papæ*,
Cap. 3. multorum auctoritate freti.

D. *Basilius* in constitutione Monastica di-
cit, *Christus per verba, Pasce oues meas, Petrum
constituit pastorem Ecclesiæ, & consequenter ean-
dem potestatem dedit omnibus pastoribus, atque
magistris.*

D. *Ambrosius* in sermone de Apostolis, ait,
*Repetitum est à Domino, Pasce oues, &c. Et
quas oues, & quem gregem, non solum tunc Bea-
tus Petrus suscepit, sed & nobis suscepit eas, & in
illos nos suscipimus omnes.*

D. *Augustinus.* *Christus commendauit oues*

D

vni

Uni Petro, in Petro Unitatem commendauit, multi erant Apostoli: & Uni dicit Pasce, &c. Omnes in Uno sunt.

Leo Papa, in sermone 2. de Ascensione Domini, Cum Petro dixit, Tibi dabo clauēs, transiit in alios huius potestatis ius, quodque Uni commendatur, omnibus intimatur, & Petro dixit singulariter, quia cunctis Ecclesie Rectoribus Petri forma proponitur.

Cyprianus in lib. 4. Epistola 2. Vnam Christum in vniuersum instituit Ecclesiam, ut in ea multa membra diuisa sint, & Episcopatum vnum, sed multorum Episcoporum numerositate diffusum.

D. Bernardus ad Eugenium, lib. 3. Erras si vestram summam, ita & solam institutam Apostolicam vestram auctoritatem existimas si hoc sentis, dissentis ab eo, qui ait, Non est potestas, nisi à Deo. Ad Roman. cap. 13.

Hucusque satis, superque probatum credimus Apostolos æqualem potestatem tam ordinis, quam iurisdictionis à Christo habuisse; Nunc quomodo omnes Episcopi de iure diuino Apostolis successerint, demonstramus, quod per sequentes auctoritates, vltcrius dubitari super hoc nequaquam poterit.

Confi-

Consilium *Antiochenum* sub *Iulio* 1. Cap. 21. disposuit, *Quod Episcopus Ecclesiam, quam primitus sortitus est à Deo, non derelinquat.*

D. Ambrosius super 1. Epistola ad Corinthios, Cap. 2. *Mulier debet velare caput, quia non est imago Dei; & paulo infra, in Ecclesia propter Episcopalem dignitatem non habeat caput liberum, sed velamine tectum, quia Episcopus, personam Christi habet.*

D. August. in questionibus noui Testamenti in fine. *Episcopi à Salvatore instituti sunt, & Gratianus in Cap. 1. distinctione 21. Episcoporum ordo à Christo est.*

Clemens in Epistola 3. in principio *Dominus mittit Episcopos vice sua, loco Apostolorum.* Item in Epistola 5. in principio *Episcopi Apostolorum vicem, presbyteri septuaginta discipulorum locum tenent.*

Alexander 11. in Epistola 1. *Episcopi successores Apostolorum sunt.*

Anacletus in Epistola 2. ad Episcopos Italiae. *Apostoli successores Episcopos constituerunt.*

Eleutherius Epistola vnica, *Successores Apostolorum sunt.* *Zepherinus* in Epistola. 1. idem.

Urbanus in Epistola vnica, *Pro Apostolis sunt constituti Episcopi, quorum vices tenent, cuius*

verba per *Gratianum* posita sunt in distinctione 68. & in Cap. Videntes, in causa 12. quaestione prima.

Anterus in Epistola 1. *Episcopi gradui Apostolico succedentes.* *Fabianus* in Epistola 1. *Episcopi successores sunt Apostolorum.* Idem in Epistola 2. Idem dicit *Stephanus* in Epistola 2. & habetur in Cap. 1. distinctione 8.

Sixtus in Epistola 2. in principio, *Apostoli, & eorum successores Episcopi*, quod etiam probat *Iulius* 1. & habetur in Cap. Dudum. in causa 3. quaestione 9.

Damasus in Epistola 4. idem. *Leo* 1. in Epistola 87. *Apostoli, & eorum successores tantum tradunt Spiritum Sanctum.*

Iohannes 3. *Successores sunt Apostolorum.*

Innocentius 3. in cap vnico. de sacra Vnctione, *Apostoli quorum Episcopi sunt Vicarij*, & in cap. 1. de summa Trinitate, & fide Catholica; *Claues Apostolis & eorum successoribus à Christo datae sunt.* Idem in Cap. nono, de Pœnitentijs & remissionibus.

Ioannes 22. in extrauagante. *Episcopi, qui typum Apostolorum gerunt.*

Leo 10. in Concilio Lateranensi, Idem dicit, *Apostoli Episcopos distribuerunt.*

Concilium

Concilium Senense. in cap. antepenultimo,
& *Concilium Colonienſe* in principio, idem
aſtruunt.

D. *Auguſtin.* ſuper *Pſal.* 44. *Epifcopi in Ec-
cleſia Dei vices Apoſtolorum gerunt*, ſequitur
idem *Burchardus* in lib. 2. cap. 35.

Propterea *Epifcopi* appellantur *locum te-
nentes Chriſti*, ſicut erant *Apoſtoli*, *Clemens* epi-
ſtola 2. & epiſtola 3. *Legatione Dei funguntur*,
Anacletus epiſtola 2. *Epifcopos Chriſtus nobis*
contulit, & ſunt à Deo miſſi. *Euarſtius* epiſtola 1.
Sunt legati Dei, & epiſtola 2. *Vice Chriſti lega-
tione funguntur*, *Pius* epiſtola 1. *Oculi Dei ſunt.*
Zephirinus epiſtola 1. *Vt ſigna à Domino poſi-
ti.* *Vrbanus* epiſtola vnica, *A Deo poteſtatem ha-
bent, & Dei ſunt ſpecula*, *Felix* 1. in epiſtola 3.
in fine, *Dei plebem commiſſam ſibi diligenter cu-
ſtodiant.* *Felix* 2. in decreto 7. *Epifcopi ſunt*
Throni Dei. Idem *Fabianus* in epiſtola 1. &
Melchiades in epiſtola 1. *Sunt oculi Dei, & co-
lumnæ Eccleſiæ*, *Iulius* 1. in Concilio Antio-
chenſi, *Eccleſiam à Deo habent*, & in epiſtola
ad *Orientales*, *Epifcopi ſunt pupillæ oculi Chriſti*,
(*Boniſacius* in *Epifſtola* 2. *Epifcopatus nomen*
ſanctum eſt.

Ad hoc etiam videri poterunt *Hormiſda*

in epistola 4. ad Hispanos in cap. 1. *Leo* in epistola 44. ad *Anatolium Constantinopolitanum Episcopum*, Idem in epistola 60. de *Maximo Antiocheno*, Idem in epistola 67. de *Prothorio* Episcopo Alexandrino. *Leo* in epistola 70. & 78. ad *Arelatensem* Episcopum. Multa etiam concilia, patrumque auctoritates adduci possent, quæ breuitatis causa omitto, eorum duntaxat adduxisse sufficiat, quorum dicta, successores illorum, cum quibus agimus, reprobare non possunt.

Huc pertinet illa omnium ferè Theologorum, Canonistarumque sententia, quæ vult Episcopalem dignitatem, atque ipsos Episcopos de iure diuino existere, quoniam tam in veteri, quam in noua lege, Episcopalis dignitas instituta reperitur, Psal. 118. *Fiant dies eius pauci, & Episcopatum eius accipiat alter.* Petrus Apostolus Act. 1. Episcopatum eius accipiat alter. Paulus ad Timoth. 3. *Si quis Episcopatum desiderat, &c.* Et ad Ephesios 4. *posuit pastores quosdam doctores*; Item Apostoli in epitome constitutionum Apostolicarum, interprete *Carolo Cappellano Veneto*, de quibus post Canones Apostolorum Tomo 1. Conciliorum generalium in vers. diuini-

diuinitus instituta ordinum, Episcopatum,
& presbyterorum differentia. *Isidorus* 2. 2.

Hanc sententiam probant *Clemens* 1. anno
Christi 93. in epist. 1. ad Iacobum. *Anacletus*,
anno Domini 103. in epistola 2. de consecra-
tione Archiepiscopi, & in epistola 3. *Ignati-
us* & *Origenes*, anno Domini 230. relati à Pi-
gio controuersia 11. de ordine ecclesiastico.
Anicetus, anno Domini 167. in epistola 2. de-
cretali ad Galliarum Episcopos. *Zepherinus* 1.
tempore *Seueri* Imperatoris, anno Domini
203. in epistola 1. ad Episcopos Sicilienses.
Urbanus 1. anno Domini 226. in epistola 1.
decretali, de communi vita, & oblatione fi-
delium. *Anterus* tempore Maximini Impe-
ratoris, anno Domini 237. in epistola sua vlti-
ma ad Episcopos *Ætica*, & *Toletana*. *Fa-
bianus*, anno Domini 238. in epistola 2. ad
omnes episcopos *Orientales*. *Melchisedes* tem-
pore *Constantini* Imp. anno Domini 311. in
epistola 1. ad omnes episcopos Hispaniarum.
Siricius. anno Domini 385. ad Chorepisco-
pos per Africam. *Augustinus*, anno Dom.
400. in questionibus Noui Testamenti in
fine, *Iustinianus* Imperator, anno Dom 500.
In lege, Si quicumque. C. de Episcopis, &
Clericis.

Clericis. Synodus Constantinopolitana 4. & 8. vniuersalis appellata, super depositione Phobij, & restitutione Ignatij Archiepiscopi Constantinopolitani, tempore *Adriani* 2. anno Domini 872. in capite 14. *Burchardus*, anno Domini 1020. in decreto lib. 1. cap. 126. *Gratianus*, anno Domini 1151. in cap. 1. cap. In nouo. in cap. Videntes, distinctione 21. Ita tam in antiqua lege, quam in noua, continuatis temporibus, Episcopatum esse de iure diuino, omnes præfati Doctores comprobarunt.

Ad hoc etiam videri poterunt, *Ioh. Gerson* in libro de statu Ecclesiastico, in cap. de Statu Prælatorum, in 1. consideratione, *Io. Figuer* in Christiana institutione, de Sacramento ordinis verbo. 4. *Io. De selua* in Tractatu de Beneficijs, parte. 1. quæstione 2 numero 29. *Durandus* de concilijs, rubrica 4. num. 18. *Henricus Bootes* de Synodo Episcopi parte 1. num. 14. *Petrus Rebuffus* in Concordatis Galliæ in verb. *Parochias*, Omnes probant Episcopalem dignitatem de iure diuino existere.

Ita etiam fuit definitum in Concilio Mileuitano num. 13. In Concilio Africano cap.

cap. 53. & *Io. 22.* in sua extrauagante, sub data
 10. Kal. Nouemb. anno Domini 1330. contra
Marsilium de Padua, tenentem æquales
 esse presbyteros Episcopis, vbi declarat de
 iure diuino satis expresse constare, Episco-
 pos præcellere. Idem declarauit *Martinus*
Quintus in Bulla Concilij Constantiensis
 contra *Io. Wicleffe*, dicentem esse de iure hu-
 mano, propter lucri, & honoris cupidita-
 tem, provt testatur *Thomas Valdensis* relatus
 ab *Alphonso de castro*, in libro 6. de hæresi in
 verbo, *Episcopi*.

E

CAP. 2.

CAP. II.

*Episcopum Urbis Romæ nullam præ-
eminentiam ab Apostolis habuisse,
quam cæteri Episcopi non habuerint.*



Apostolos æqualiter institu-
tos esse, atque inter Episco-
pos eorum successores, nul-
lam præcedentiam dari pos-
se, iam apparet; Nunc quo-
modone Pontifex quidem Romanus super
alios præeminentiam habeat, ostendamus:
Quod primùm probari credimus, quia nul-
lo expresso iure illam ostendere hucusq; po-
tuit: sed qui potestatem super alios se habe-
re dicit, ostendere debet, quoniam sibi cre-
dendum non est; ita de iure Canonico dispo-
nitur in cap. Cum in iure. de officio delegati,
præsertim in ijs, quæ suprema sunt, & con-
cedi non consueuerunt, cap. Quod transla-
tionem. de officio legati cap. Quod super
his. de fide instrumentorum. Sed circum-
scriptis Papæ confessionibus, quæ in iure
Canonico assertæ fuere, super quibus tota
Canonistarum, & Romæ scriptionum mul-
tudo

titudo fundari consuevit, Papa Romæ Episcopus ex nulla Apostolorum ordinatione superioritatem, quam prætendit fundare ualeat. Neque ex Patrum dictis probari potest, ut mox ostendetur, ergo asserta præeminentia admittenda non est.

Ex ordinationibus Apostolorum contrarium astrui potest, nam cum Prouincias & ciuitates Patriarchis, Archiepiscopis atque Episcopis distribuérint, præeminentiam, quæ cæteris data legitur, Papæ datam esse non apparet, sed negatiua probatur, ubi in scriptis non legitur, quod desideratur.

Clemens 1. in epistola ad Iacobum, *In illis Ciuitatibus*, ait, in quibus olim, apud Ethnicos primi flamines eorum, atque primi legis doctores erant, Episcoporum primates poni, Vel Patriarchas *Beatus Petrus* præcepit, qui reliquorum Episcoporum causas & maiora quoties necesse foret, negotia, in fide agitarent: Et paulo post, *In illis autem ciuitatibus*, in quibus dudum apud prædictos erant Archiflamines, quos tamen minores tenebant, quam memoratos primates, Archiepiscopos institui præcepit: & infra: *In singulis uero reliquis Ciuitatibus singulos, & non binos, Vel ternos, aut plures Episcopos constitui præcepit, qui*

non primatum, aut Archiepiscoporum, aut Metropolitanorum nomine, quia matres Ciuitates non tenent, sed Episcoporum tantum vocabulo poterentur &c. quod totum in iure Can. positum est. in cap. In illis. distinctione. 80.

Anacletus ad Episcopos Italiae epist. 2. *Leges diuinae & Ecclesiasticae in Ciuitatibus Patriarchas, & Episcopos poni statuerunt: & paulo post: Instituyente Domino formam ordinandi Episcopos Apostoli tradiderunt* (de quo in cap. Sacrosancta. distinctione 22. & in cap. porro. distinctione 66.) *& Prouinciarum diuisio alijs ab Apostolis, & Clemente facta à nobis renouatur.* Item in epistola 3. *Apostoli statuerunt quis eorum primus, & potior esset.*

Calixtus 1. anno Domini 221. in epistola 2. cap. 3. *Primates, Metropolitanis, & Episcopis nihil extra eorum prouincias, & Diœceses agant, nec ordinent, nec indicent, ut ab Apostolis & Patribus statutum fuit, & habetur in cap. Nullus primas. in causa nona, quaestione 3.*

In Concilio Antiocheno ordinatum est, *Nullum Episcoporum audere debere ex alia prouincia ad aliam transitum facere, & ordinare aliquos in Ecclesijs, aut proferre ad sacrum ministerium, Nec ab alijs illuc trahatur episcopus, nisi forte*

forte per literas rogatus abierit, non solum à Metropolitano, sed & ab his, qui cū eo sunt omnibus ipsius prouinciæ episcopis : Quod si nullo inuitante inordinate superueniat, & aliquos, vel ordinare præsumpserit, vel quoslibet actus illi ecclesiæ competentes, qui ad se minimè pertinent, vsurpare tentauerit, vacua quidem, & inania erunt omnia que gesserit; ipse vero huius indisciplinati ausus, & irrationabilis capri dignas pœnas expendat, tanquam depositus à sancto Synodo, & propter huiusmodi præsumptionem, iam prædamnatus.

Et in eodem concilio ordinatum est, Episcopum non debere in alienam irruere ciuitatem, quæ illi probatur non esse subiecta, neque in regionem, quæ in eius cura minime noscitur pertinere &c.

Io. 22. in sua extrauagante contra Marfilium de Padua, dicit : Beatus Petrus post ascensionem, attendens, quod aucto grege, solus custodiæ gregis salubriter prouidere non poterat, gradus Patriarcharum, Primatum, Archiepiscoporum, auctoritate Christi instituit, atq; distinxit.

Leo x. anno Domini 1513. in concilio Lateranensi sessione 10. Post Christi ascensionem Apostoli per singulas Vrbes, atque Diœceses episcopos distribuerunt, in partem sollicitudinis

ꝛocando, & onera gradatim distribuendo per Patriarchas, Primates, &c.

Anicetus ad Episcopos Galliarum, Nulli Archiepiscopi Primates vocentur, nisi illi, qui primas tenent Ciuitates, quorum Episcopos Apostoli & successores Apostolorum regulariter Patriarchas, & Primates esse constituerunt, nisi aliqua gens deinceps ad fidem conuertatur, cui necesse sit, propter multitudinem eorum, Primatem constitui, Reliqui uero, qui alias Metropolitanas sedes adepti sunt, non Primates, sed Metropolitanani vocentur.

Item ex Concilio Africano cap. 6. Primæ sedis Episcopus non appelletur Princeps Sacerdotum uel summus Sacerdos, aut aliquid huiusmodi, sed tantum primæ sedis Episcopus. Vniuersalis autem, nec etiam Romanus Pontifex appelletur.

*Vnde Pelagius ad Episcopos à Constanti-
nopolitano conuocatos scribit, Nullus Patriarcharum vniuersalitatís vocabulo vquam
utatur, quia si vnus Patriarcha vniuersalis dicitur, Patriarcharum nomen cæteris derogatur, sed absit hoc. absit à fidelis cuiusquam mente, hoc sibi uelle quempiam arripere, vnde hororem fratrum suorum imminuere ex quantulacunque parte videatur. Quapropter charitas uestra ne-*
minem

minem. Quam suis in epistolis vniuersalem nemi-
 net, ne sibi debitum subtrahat, cum alteri bono-
 rem offert indebitum.

Item Gregorius Eulogio Patriarchæ Alex-
 andrino lib. 7. Epistola 30. Ecce in præfatione
 epistolæ, quam ad me ipsum, qui prohibui direx-
 istis, superbæ appellationis verbum, vniuersalem
 me Papam dicentes, imprimere curastis, quod peto,
 dulcissima mihi sanctitas vestra, ultra non fa-
 ciat, quia vobis subtrahitur, quod alteri plusquam
 ratio exigit, præbetur: Ego enim non verbis que-
 ro prosperari, sed moribus, nec honorem esse de-
 puto, in quo fratres meos honorem suum perdere
 cognosco, meus namque honor, est honor vniuersa-
 lis Ecclesiæ, meus honor est fratrum meorum so-
 lidus vigor, tunc ego verè honoratus sum, cum
 singulis quibusque honor debitus non negatur: si
 enim vniuersalem me Papam vestra sanctitas di-
 cit, negat se hoc esse, quod me fatetur vniuersum,
 sed absit hoc, recedant verba, quæ vanitatem in-
 flant, & charitatem vulnerant.

Hæc omnia in quatuor capitulis 2. & 3.
 & 4. & 5. distinctionis nonagesimæ nonæ
 Canonizata sunt, quibus clarius nihil legi
 potest, ad probandam summam vanitatem,
 summamque arrogantiam Pontificum Ro-
 mano-

manorum nostri seculi qui se vniuersales, Deique Vicarios immediatos vocari, & adorari volunt: Hanc veritatem antiquissima obseruantia ostendit, nam in Bibliotheca Vaticana in vetustissimis libris, omnes epistolæ ad Pontifices Romanos tantum inscriptæ leguntur, & ideo *Martinus* v. in Bulla Concilij Constantiensis, approbante eodem Concilio, cõdemnans illum articulum *Iohannis Wicleff* dicentis, non esse de necessitate salutis credere Romanam Ecclesiam esse superiorem inter alios, declarat erroneum articulum esse, si per Romanam Ecclesiam intelligatur vniuersalis Ecclesia; quãobrem Romana Ecclesia vniuersalis non est, neque alijs superior.

Omnia loca Patrum, quæ Diui Petri primatum super alios Apostolos probant, in illis verbis Math. 26. fundamentum habent, Tu es Petrus, & super hanc petram, &c. Et tibi dabo claues &c, Et Pasce agnos meos, pasce oues meas &c. *Cyprian.* in lib. 4. epistolarum ad Pupianum, & lib. 1. ad Cornelium, *Origenes* homilia 6. super Math. *Hieronym.* lib. 1. contra Pelagianos, & super Math. cap. 16. *Ambrosius* sermone 47. *Augustin.* contra Episto-

Epistolam Donati. *Chrysost.* super Math. & in sermone 3. de anniuersario die assumpti-
onis suæ, *Gregorius* in Moralibus, & in Regi-
stro ad *Mauritium Augustum*. *Cyrill.* in lib. 2.
super Ioann. cap. 12. *Iohannes Eckius* in libro
de primatu Petri, qui multa alia allegat, sed
illa verba alijs etiam Apostolis competere,
iam in præcedenti capite probatum est, quæ
iterum repetenda non sunt.

Primatum Diui Petri non negamus, sed
non ab ipso Christo Salvatore habuisse, ve-
rùm à cæteris Apostolis prælatum esse, ita
& ipsi Pontifices Romani profitentur, qui
in Decreto 1 distinctione 21. cap. 2. In nouo,
ex dicta epistola secunda *Anacleti* Papæ, ita
transcribunt, eiusque dicta Canonizant: In
nouo Testamento post Christum Dominum à Pe-
tro Sacerdotalis cæpit ordo, quia ipsi primo Ponti-
ficatus in Ecclesia Christi datus est, dicente Do-
mino ad eum, Tu es Petrus, & super hanc petram
edificabo Ecclesiam meam, & porta inferi non
preualebunt aduersus eam, & tibi dabo Clau-
es regni Cælorum: Hic ergo ligandi atque soluendi
potestatem primus accepit à Domino, primusque
ad fidem Domini populum virtute suæ prædica-
tionis adduxit. Ceteri Verò Apostoli cum eo, pari
F corfortio

confortio honorem, & potestatem acceperunt, ipsumque Principem eorum esse voluerunt, &c.

Ab Apostolis igitur Princeps & caput is deputatus est, qui primus potestatem à Christo Salvatore accepit.

Sed Pontifex Romanus Primatum super alios orbis Episcopos ex eo prætere non potest, quod Petri successor in Episcopatu Romæ extiterit. Ita enim & *Ignatius*, qui Petri successor in Antiochia factus est, & alij eiusdem successores in illa sede prætere possent, quoniam Petrus ibi primum suam sedem constituit, septemque annis habitavit. cap. Sacrosancta. distinctione 22. & ibi Concilium Antiochenum cum Apostolis celebravit, & primò Christianorum nomen originem habuit, cap. Rogamus. causa 24. questione prima. Præterea primatum multò rectius cæteris Patriarcha Hierosolymitanus prætere possit, quoniam ibi Christus crucifixus est. Ibi que Petrus post passionem Domini quatuor annis mansit; Quamobrem Concilium Nicenum Hierosolymitano Primatum tribuit, quoniam Hierosolyma fuit prima, *quia de Sion exhibit lex*. Assertus igitur primatus Pontifici Romano

mano nullo modo conuenit, licet ex Decretis, & Decretalibus Romanorum Pontificum probetur, quæ ab hinc quadringentis annis nata fuit, & occasionem dederunt *Thomæ Aquinatis*, & *Bonauenturæ* cæterisque Canonistis, vt de superioritate Papæ scriberent, quorum opinio à cæteris Canonistis intellecta est, in comparatione ad alios Christianos fideles, vel ad alias particulares Ecclesias sibi subditas, non autem in ordine ad totam vniuersalem Ecclesiam, & ita intelligunt cap. Quamuis, distinctione 21. & cap. Considerandum. distinctione 50. & cap. Hi qui, § Sed exemplo, eadem distinct. in vers. totius Ecclesiæ, id est particularium Ecclesiarum, prout etiam Turrecremata ibi, & super cap. Petrus. causa. 2. quæst. 7. in vers. Regni potestatem acceperat, videlicet quoad particulares Ecclesias, non autem quoad vniuersalem, quæ est corpus mysticum cuius Caput est Christus. Et quod non acceperit potestatem vniuersalis Ecclesiæ, probant omnes per confessionem *Gregorij Papæ*, vt nuper dixi. Eodemque modo respondetur ad cap. Fidelior. distinctione 50. quod verba illius textus ad gubernationem particularium

ularium Ecclesiarum referuntur, similiter
 ad cap. Est aliud. causa 24. quæst. prima,
 quod verba illius textus non sunt referenda
 ad piscaturam vniuersalis Ecclesiæ, prout
 est corpus mysticum, cuius Caput est Chri-
 stus; Aliter intelligendo, destruerentur om-
 nes conclusiones iam firmatæ, omnia dicta
 Patrum supra allegata, & omnia Concilia
 inferius alleganda: Item ad cap. Puto. cau-
 sa. 2. quæst. 7. cum dicitur, quod potestas Pe-
 tri est fundata super statuta vniuersalis Eccle-
 siæ, Respondetur, quod ille textus potius fa-
 cit in contrarium: Neque ex eo sequitur Pe-
 trum esse Caput vniuersalis Ecclesiæ, quæ
 est corpus mysticum. Item ad cap. In illis.
 distinctione 80. cum ibi dicitur in fine,
 quod vnus Apostolorum omnibus præfuit,
 illa verba ad ministerium particularium Ec-
 clesiarum referenda sunt, & ad cap. Non de-
 cet. distinctione 12. cum dicitur Ecclesiam
 Romanam esse matrem, hoc intelligi debere
 respectu Ecclesiarum sibi subditarum, non
 autem respectu vniuersalis Ecclesiæ: Ita
 etiam respondetur ad cap. Præceptis. di-
 stinctione 12, & ad cap. Quis nesciat. distin-
 ctione 11. & ad cap. Cum Beatissimus. causa
 24. quæst.

24. quæst. prima, & ad cap. Si Petrus, ibidem, atque ad omnia iura, quæ Ecclesiam Romanam caput esse innuunt, videlicet intelligenda de capite aliarum particularium sibi subiectarum, non autem respectu totius vniuersalis Ecclesiæ, quam responsionem probant *Cardinalis Cameracensis* in tractatu de potestate Ecclesiæ, *Io. Gerson* in tractatu de potestate Ecclesiæ in pluribus considerationibus, atque ita etiam respondet *Æneas Sylvius* qui fuit *Pius secundus*, & *Antonius de Rosellis* in particularibus tractatibus, quos scripserunt, quod Concilium generale representans vniuersalem Ecclesiam est supra Papam. Quæ obiter à nobis dicta fuere, vt ostendamus etiam Canonistas, & ius Pontificium profitentes, contra vera principia à nobis explicata resistere non valentes, ita illos Canones interpretari, in quibus Romana Ecclesia in suo prætenso primatu fundari credit.

Sed in Concilio Africano 4. cap. 6. Hoc expresse definitum fuit, quod primæ sedis Episcopus non appelletur Princeps Sacerdotum, vel Summus Sacerdos, aut aliquid huiusmodi, sed tantum primæ sedis Episcopus,

pus, ergo hoc nomen Primatus, omnino in ipso Concilio abolitum est.

Hanc sententiam firmarunt omnes Theologi & Iuristæ qui tempore Concilij Basileensis scripserunt, de qua etiam inferius pertractabo.

CAP.

CAP. III.

*Valdè decipi æstimantes Papam esse
Vicarium Christi immediate.*

SI igitur Romanus Pontifex potestatem in tota Ecclesia exercere non potest, quomodo Christi Vicarius Vniuersalis dici potest? quam ratione Christi se Vicarium immediatum profitetur, si ipsemet Petrum Christi Vicarium esse asserit, cap. Ita Dominus. distinctione 19. & cap. In Nouo. distinctione 21. Mendax debet esse memor, ergo alibi centies mentitus est, cum se Christi Vicarium immediatum dixerit, vt in cap. Quanto, & cap. finali. de translatione Prælatorum, in cap. 1. Vt Ecclesiastica beneficia, in cap. Fundamenta. de electione lib. 6. in cap. Ad Apostolicæ. de re iudicata lib. 6. in cap. 1. De homicidio lib. 6. & in similibus locis vbi se Christi Vicarium immediatum asserit.

Interdum se Petri Vicarium esse acceptauit, atque professus est, vt in cap. Ego Ludouicus. distinctione 63. Cum Imperator Ludouicus

douicus dixit, *Ego Imperator Augustus Statuo*
& concedo per hoc pactam confirmationis nostrae
tibi Beato Petro Principi Apostolorum, & per te
Vicario tuo Domino Pascale summo Pontifici &c.
 Et Nicolaus Papa in epistola ad Michaelem
 Imperatorem, dicit: *Non quales Sacerdotes*
Domini sunt, sed quid de Domino loquantur est
vobis magnopere praevidendum. Nec in Vica-
rijs Beati Petri Apostoli est vobis attendendum
&c. ut habetur in cap. Non quales. causa. 1.
quæst. prima. Item Gregorius lib. 6. epist. 3. 1.
Quoties cordis oculus &c. Et paulo infra: *Atq;*
promitto tibi, & per te sancto Petro Apostolorum
principi, atque eius Vicario Beatissimo Gregorio
& successoribus ipsius, &c. ut habetur in cap.
Quoties. in causa prima, quæst. 7.

Sed Vicarius Vicarium facere non potest,
 ut expresse idem Pontifex sanciuir, in cap.
 Clericos. de officio Vicarij; & probant om-
 nes Canonistæ; *Baldus* in Margarita Inno-
 centij, in verbo Vicarius. *Immola* in Cle-
 mentina 1. numero 19. & 22. de officio Vi-
 carij. *Rebuffus* in practica Canonica in ver-
 bo, *Forma Vicariatus*, numero 73.

Sancti Patres, Episcopos loca tenentes A-
 postolorum, ipsorumque successores appel-
 larunt,

larunt, quos in superiori cap. i. allegauimus. Ipse vero contra decreta Patrum, contra proprios Canones, quos profitetur, Christi immediatum se esse Vicarium millies appellauit.

Christus in vita Militantem Ecclesiam Hierosolymis rexit, eidem in Episcopatu *Iacobus Alphei* successit. Ideoque Iacobi successori magis conueniret, vt Christi Vicarius vocaretur. Sed rei veritate retenta, omnes Episcopi Apostolorum successores, illorum locatenentes esse profitentur, prout sancti Patres appellarunt, nulla superior potestas inter ipsos danda est, quæ ab Apostolis scripta non reperitur.

G

CAP. 4.

IIII.

*Quæ fuerit origo, & progressus Præ-
minentie Papatus.*



Erta Episcopatus Romani principia hucusque firmata fuere, nunc idem ex obseruantia immediate subsequenti comprobandum est: Et quidem si primum quingentorum annorum statum, à Christo Seruatore mortuo vsque ad *Iustiniani* tempora reuoluamus, nihil ipsum Pontificem in spiritualibus duntaxat, vltra sibi subditos decreuisse apparebit: Illo enim mortuo, qui eternæ vitæ viam aperuit, anno eiusdem 34 currente, Iacobus minor Episcopus Hierosolymitanus ordinatur, cui Beatus Symeon filius Cleophæ immediate successit, eodemque tempore Beatus Marcus Euangelista Episcopatu Alexandrino præpositus est; qui cum anno 64. Christi currente, ab Alexandrinis occisus esset, eidem Auianus Episcopus statim suffectus est. Petrus Cathedram Antiochenam septem annis rexit, vbi relicto Episcopo

copo Euodio, anno 43. Romam petit, Romanum Episcopatum suscepit: Cumque omnes conueniant circa viginti quinque annos gubernasse, iccirco Linum, & Cletum coadiutores sibi fecisse, dicendum est. Crucifigitur Petrus anno Christi 70. Clemens eidem successor deputatus est: Qui igitur quarto loco Episcopus Romanus creatus est, potestatem super alios, quam habuisse non constat, nouissimus ex antiquitate prætereundum neque valet, neque debet: Facta immediate subsequenter præcedentibus præstant euentissimum intellectum. *L. Iulianus* §. proinde D. ad Senatusconsultum Macedonianum. *L. Vxori*. D. De legatis tertio: Et obseruantia immediate subsequens ea est, quæ declarat quam auctoritatem Romani Episcopi, successores Petri in illa Cathedra habuerunt, hæc est virtus obseruantie subsequenter, ad Bartol. in *L. missi* Iuatores num. 14. C. de exactorib. tributorum lib. 10. & in Concilio 59. Osaschus in decisione Pedemontana 136. in fine. Rota Romana in decisione 359 in illis quas vocant nouiter nouissimas. Sed Romani Pontifices nullam in hoc temporis statu neque in spi-

ritualibus, neque in temporalibus super prefatos Episcopos illo antiquiores, vel super eorundem successores, vel suffraganeos ne super Ecclesiasticis quidem, aut secularibus aliquid decreuisse, aut statuisse legi potest. Negatiua ista probatur ex inspectione omnium librorum, cap. Quoniam contra. De probationibus. L. Si binæ, & ibi Baldus, & Immola D. de iniusto testamento. L. finali D. de rebus creditis, nullibi hoc legitur, neque ita decreuisse præsumi potest, cum eo tempore Christiani ab infidelibus occiderentur, ideoque in cryptis, terræque visceribus habitarent, vt per Platinam in Calixto primo: Victor decimus quintus Episcopus Romanus post Petrum, anno Christi 194. ordinauit, quod Pascha resurrectionis in die Dominico ab omnibus perpetuo celebretur; Huic decreto immediatè contradixit Polycrates Episcopus Ephesi, atque Polycarpus, Thrasea, Melitus, & Narcissus Episcopus Hierosolymitanus acerrimè oppugnarunt: At Victor anno Christi 196. Concilium Romæ super hoc haberi voluit, vt Bardus & Panuinius in Cronico huius anni attestantur, sed Concilij resolutio ultra Pontificatum

tificatum Romanum apud alios recepta non fuit. Idem Victor cum omni aqua, in casu necessitatis baptizari posse statuit. Huic etiam contradictum est, & pro contradictione firmanda in Alexandria Palestine Concilium conuocatum nihil conclusit, ita ut utrumque postea in concilio Nicæno determinari opus fuit.

Disposita ab Apostolis, & in Concilijs allegata in præcedentibus capitulis, prohibet Romanum Episcopum ultra suum Episcopatû aliquid statuere posse; illius igitur decreta, & iussiones respectu aliarum Diocesum contra expressa iura existunt: Si quis igitur asseueraret præmissa in alienis diocesibus recepta esse, probare debet; ita probat Bald. in L. Rem non nouam num. 7. C. de iudicijs, quam doctrinam sequitur Rota, Mohedanus in decisione 1. de constitutionibus, & decisione 8. de locato, & conducto. Nam communis est omnium doctorum sententia, quod dispositio nulla Romani Pontificis obligat, nisi fuerit usu recepta, ut attestatur Ioseph. Ludouicus in conclusione 54. & sequitur Rota Romana, Puteus decisione 283. libro 1. Deinde si quis super-

rioritatem statuentis fundare vellet, superioritatis iure receptam esse, probari oportet, quoniam libertas præsumitur, atque Episcopatum fines, & iurisdictiones certæ stabilitæ fuere, quod tantum abest, ut probari possit, imo potius contrarium verius apparet: In Canone Apostolorum 38. dispositum fuit, ut bis in anno Episcoporum Concilia celebrentur, ut inter se inuicem dogmata pietatis explorent, & emergentes Ecclesiasticas contentiones amoveant, quod idem postea in Concilio Niceno statutum fuit, in cap. 3. & in Concilio Antiocheno cap. 20. In exequutionem decreti Apostolici, Episcopi in suis prouincijs Concilia congregant, nulla Episcopi Romani interueniente authoritate, anno Christi 237. Fabianus Episcopus Romæ Concilium conuocat contra presbyterum Nouatianum. In Arabia, anno 244. Concilium ab Orientalibus contra Beryllum celebratur, ubi Origenes illum conuertit. Anno 252. in Africa duo Concilia contra Nouatianum instituta sunt, & succedente anno 253. duo alia facta, alterum Romæ, alterum Antiochiæ contra Nouatianum; Deinde anno 254. in Carthagine,

gine, & Asia duo alia congregata super modo recipiendi hæreticos poenitentes. In Africa, anno 255. alterum factum est propter Basilidem & Martialem Episcopos in hæresin lapsos; In Antiochia alterum, anno 264. cōtra Paulum Samosatenum hæresiarcham. Sueffæ alterum, anno 302. propter Marcellinum Romæ Pontificem. Anno 313. tria celebratur, Alterum in Hispania, vbi 81. Canones conditi fuere; Alterum Romæ, vbi alij 24. Canones; Alterum in Carthagine propter Cecilianum Episcopum. Anno 315. secundum Arelatenſe Concilium conuocatur, & 37. Canones instituuntur: Anno 316. Ancyre alterum, vbi 24. Canones facti. Item Concilium Cæsariense, vbi 14. Canones statuti fuere, prout ex Chronico Panuini, & Chronologia Hieronymi Bardi hæc omnia probantur: Concilia igitur citra Romanum Pontificem congregata & expedita sunt.

Quod si præfata Concilia nequaquam generalia fuisse diceremus, cum ante Constantinianæ tempora, persecutione contra Christianos feruente, Episcopis in vnum conueniendi licentia, & facultas non erat, vt dicit Isidorus in libro 6. Etymologiarum

rum cap. 16. translatiue in cap. 1. distinctione
15. & habetur in Canone, Futuram, causa
12. quæstione prima; de quo scribit etiam
Iacobatius in tractatu de Concilijs libro 1.
articulo 10. vers. Vult dicere. glossa, Quod
ante tempora Constantini.

Idem etiam post Constantini tempora,
postque facultatem, Episcopos in vnum
conueniendi, concessam aperiemus, nus-
quam enim (si contra veritatem obstinati
esse nolumus) Romani Pontificis in genera-
libus Concilijs conuocandis, auctoritatem
interuenisse fatendum est.

Postquam enim Alexander Constan-
tinopolitanus primus Episcopus Christi
anno 317. creatus fuerat; Constantinus ipse,
anno 325. Nicenum Concilium congregari
iubet, quo anno in Nicæni conformitatem,
duo alia synodalia (teste Panuinio, & Bardo
in allegatis locis) Romæ congregantur; Ita-
que nulla Romani Episcopi auctoritas su-
per Nicæno interuenisse poruit.

Ergo falsa est inscriptio Canonis, Sancta.
distinctione 16. quæ scribit, auctoritate
Romani Pontificis octo Concilia roborari;
Non enim confirmare dicitur, qui omnino
illa

illa sequi cogendus est, ex libro diurno, vbi professio Romani Pontificis scripta est, ita legitur.

Sancta octo vniuersalia Concilia, id est primum Nicaenum, secundum Constantinopolitanum, tertium Ephesinum, quartum Chalcedonense, Item quintum Constantinopolitanum, & sextum, Item Nicaenum septimum, octauum quoque Constantinopolitanum, vsque ad vniam apicem immutata seruare, & pari honore, & veneratione digna habere, & quae praedicauerunt, & statuerunt, modis omnibus sequi, & praedicare, quaeque condemnauerunt, ore & corde condemnare profiteor.

Deus dedit in collectione Canonum, qui in Bibliotheca Vaticana conseruantur, dicit, professionem fidei, quando quis in Romanum Pontificem promouetur, hanc octo Conciliorum obseruandi promissionem continere; quod igitur sequi cogendus est, eiusdem autoritate roborari non potest.

Item in Canone, Prima adnotatio. distinctione 16. Conciliorum authores nominantur; In Sardicensi duntaxat duos Legatus Romanae Ecclesiae interuenisse legitur, in caeteris nullos interfuisse apparet; Item in Sardicensi Osius praefectus fuit, atque Con-

H

cilij

cilij autor legitur, legatorum autoritas nulla apparet, ex quo Romani Episcopi in conuocando illo, aut præsidendo facultas probari possit; Vt autem sensibus probatio subijciatur, verba Canonis transcribi placuit, quæ sunt videlicet, *Prima adnotatio Ancyranæ Synodi, quæ ante Nicenum fertur fuisse, sed propter auctoritatem maiorem postponitur, in qua patres xvij. statuerunt Canones xxiiij. quorum autor maxime Vitalis Antiochenus Episcopus extitit. Secunda Neocæsariensis, quæ post Ancyranum, & ante Nicenum legitur fuisse, in qua patres sexdecim statuerunt Canones xiiij. quorum autor maxime Vitalis Episcopus Salaminus extitit. Tertia Gangrensis, quæ post Nicenum legitur fuisse, in qua patres xvj. statuerunt Canones xx. propter quasdam necessitates Ecclesiasticas, maxime contra Eustachium, qui dicebat, quod nullus in coniugali ordine positus, nec ullus fidelis, qui non omnibus renunciaret, quæ possideret, spem apud Dominum haberet; & multa alia venenosa, quæ enumerare longum est. Quarta Sardicensis, in qua patres sexaginta statuerunt Canones xxj. quorum autor maxime Osius Cordubensis Episcopus, & Vincentius Capuanus Episcopus, & Ianuarius Beneuentanus, & Calepodius Neapolitanus*

Neapolitanus sanctæ Romanæ Ecclesiæ legari extitere, Quinta Antiochena, in qua patres xxxix. statuerunt Canones xxv. quorum maxime autor Eusebius Palestinensis Episcopus extitit. Sexta Laodicensis, in qua patres xxxij. statuerunt canones lix. quorum autor maxime Theodosius Episcopus extitit. Septima Carthaginensis, in qua patres ccxvij. statuerunt canones xxxiiij. quorum autor maxime Aurelius Carthaginensis Episcopus extitit. Etiam Sanctus Augustinus Hipponensis Episcopus in eadem Synodo legitur fuisse, temporibus Honorij Augusti. Octava Africana sub Theodosio minore Augusto, in qua patres ccxvij. recitarunt, & firmauerunt canones cv. qui per diversa Concilia Africana Prouinciæ, temporibus Aurelij Carthaginensis Episcopi, leguntur esse conscripti. Nona Arelatensis, in qua Patres cc. statuerunt canones quatuor, quorum autor maxime Syluester Urbis Romæ Episcopus, & S. Marinus Arelatensis Episcopus extiterunt, temporibus Constantini Augusti, sicut quidam asserunt. Decima item Arelatensis, in qua patres xix. statuerunt canones, quorum autor maximus S. Casarius Arelatensis Episcopus extitit. Vndecima item Arelatensis, in qua patres xvi. statuerunt canones. Duodecima item Arelatensis in Vico Hortensij,

in qua patres xi. statuerunt canones, quorum maxime autor S. *Casarius Arelatensis* Episcopus extitit. Tertiadecima item *Arelatensis*, in qua patres. xix. statuerunt canones, quorum autor maxime *Sarpidius Arelatensis* Episcopus extitit. Quarta- decima *Arauricensis*, in qua patres xvi. statuerunt canones, quorum autor maxime *Hilarius* Episco- pus extitit. Quintadecima *Epaunensis*, in qua patres xxvi. statuerunt canones xxxix. quorum autor maxime *Casarius* Episcopus extitit. Sex- tadecima *Agathensis*, in qua patres xxix. statue- runt canones, quorum autor maxime *Casarius* E- piscopus extitit. Septimadecima *Aurelianensis*, in qua patres lxx. statuerunt canones, quorum au- tor maxime *Aurelius Arelatensis* Episcopus exti- tit, tempore *Clodouei Regis*. Octauadecima item *Aurelianensis*, in qua patres xxxi. statuerunt ca- nones, quorum autor maxime *Melanius Rbedo- nensis* Episcopus extitit. Nonadecima item *Au- relianensis*, in qua patres xxx. statuerunt canones, quorum autor maxime S. *Albinus Andegauensis* Episcopus extitit. Vigesima *Aruernensis*, in qua pa- tres xv. statuerunt Canones, quorū autor maxime *Honoratus Brentensis* Episcopus extitit. Vigesima prima *Maticensis*, in qua patres xxi. statuerunt Canones, quorum autor maxime *Priscus Lugdu- nensis*

nenfis Episcopus extitit. Vigesima secunda item Maticensis, in qua patres 86. statuerunt Canones, quorum auctor maxime idem Priscus Lugdunensis Episcopus extitit. Vigesima tertia Lugdunensis, in qua patres 18. statuerunt Canones, quorum auctor maxime Philippus Viennensis Episcopus extitit. Vigesima quarta item Lugdunensis, in qua patres 20. constituerunt Canones, quorum auctor maxime idem Priscus Lugdunensis Episcopus extitit.

In Canone 2. & 3. & 4. eiusdem distinctionis 16. Romanus Pontifex recepit quinquaginta tantum Canones Apostolorum, qui tamen auctoritatiue recepti non dicuntur, sed quoad illorum professionem tantum: Si Galli hodie Concilium Tridentinum reciperent, atque in illo Regno observari expediret, non ideo Tridentinum à Gallorum auctoritate dependeret.

Ex his dicendum est, Canonem, Synodum Episcoporum. distinctione 17. omnino falsum esse, quo disponitur generale Concilium absque authoritate Romani Pontificis celebrari non posse, eiusque falsitas ab inscriptione apparet; Nam Marcelli ad Maxentium Imperatorem est inscriptio, & ta-

men Epistola decretalis, vnde ille Canon collectus est, ne verbum quidem istius Canonis continet, ita vt Canon falsus in vno, in cæteris falsus præsumendus sit: Epistola vero decretalis vnde Canon ille desumptus est, ad Episcopos *Orientales* scripta est, vt legitur in primo volumine conciliorum impressio- nis Veneræ sub anno 1585. fol. 455. sed Ca- non vsu receptus esse nõ probatur, inò po- tius vsum contrarium inualuisse constat; Nam *Marcellus* vixit anno 304. & tamen an. 313. & 315. & 316. In Hispania, & in Car- thagine Concilia absque Romani Pontificis auctoritate facta fuerunt. Item secundum Concilium Arclatense, & Cæsariense, & ip- sum Nicænum, vt probatum est; Item si an- te Constantini tempora Episcopos congre- gari posse non permittebatur, quonam mo- do *Marcellus* super huiusmodi generali Conciliorum conuocatione ad Antioche- nos Episcopos scribere potuit? Non entis nullæ sunt qualitates, falsus igitur Canon, sicut & ipsum ius Pontificium falsum est. Præterea Canon, Ideo, causa 2. quæst. 6. fal- sus, & impostura est, vbi ex decretis *Iulij* E- piscopi Romani ad *Orientales* Episcopos cap.

30. scribitur, *Ideo huic sanctæ sedis præfatis privilegia specialiter sunt concessa, tam de congregationibus Concilijs & Iudicijs, ac restitutionibus Episcoporum, quam de summis Ecclesiarum negotijs, & ut ab ea omnes oppressi auxilium, & iniuste damnati restitutionem sumant, &c.* Quoniam de privilegijs præfatis non apparet, & ubi non constat de relato, non creditur referenti: Ab Apostolis æqualem Episcopis potestatem datam esse, satis superque probatum fuit: Ex Canone Apostolorum à Romano Pontifice recepto, de binis Concilijs singulis annis celebrandis, nulla huius asserti privilegij mentio facta est, minus in Concilio Nicæno: Quare *Iulij* Episcopi Romani arrogantia potius ascribendum est: Imò eidem Canonì expressè ab *Orientalibus* contradictum fuit, ut legitur in *Epistola Orientalium* Episcoporum, ad *Iulium* primum in eodem primo volumine Conciliorum, fol. 623. Satis igitur apertè constare creditur, Pontificem Romanum in hoc primo statu, ne in spiritualibus quidem super alijs Episcopis, sibi non suffraganeis, iurisdictionem; ne in Concilijs quidem celebrandis, iure exercere voluisse.

Post

Post Concilium Nicænum, vbi fides, & consubstantialitas stabilita fuit, alia Concilia contra Athanasium magnum Alexandriæ Episcopum, Nicæni acerrimum defensor, cōuocata fuere, anno igitur 335, in Tyro Concilium ab Arianis cœptum, Hierosolymis postea completum est, alterum Concilium Mediolani ab eisdem catholicorum persecutoribus, anno 334, factum est. Alterum in Seleucia, & Cappadocia anno 359. contra Nicænum celebratum est, & anno 360. alterum ab eisdem Arianis Constanti-nopoli expeditum: Sed cum omnes Episcopi *Orientales* in Antiochia congregati, Athanasium, & alios condemnassent, atque excommunicassent, Athanasius ad Iulium Romanum Episcopum conuolauit, qui occasionem non prætermittens, causamque iustam amplectens, propter quam Ecclesia Romana super *Orientales* acquirere poterat, illum defendens, Constanti Imperatori, qui Mediolani viuebat (Nam post mortem Constantini magni, altero Constantino eius filio, natu maiore in bello interempto Constantius, & Constans alij filij, Imperium diuiserunt, ille Arianis fauebat, Constans vero Catholicis)

Catholicis) Hoc initium, hæc origo præ-
minentiæ Ecclesiæ Romanæ apparuit, Scri-
bunt *Orientalis* Episcopi literas ad Iulium
Romæ Episcopum his verbis.

*Domino Beatissimo, & honorabili Patri Iulio,
Apostolica sedis venerabili Episcopo; Eusebius
Theogninus, Theodorus, & Berinthus, vna cum
reliquis fratribus, & coepiscopis nostris in Antio-
chia congregatis. Licet circa omnes Romanam
Ecclesiam sciamus esse manifestam, & Apostoli-
cam habere curam, & semper matrem existe-
re, quamquam ab Oriente ad eam prædica-
res pietatis aduenissent, tamen optaremus, vos no-
biscum concordare, & quos à communionis su-
spendimus, à vobis esse suspensos, & quos in or-
dine confirmamus Episcoporum, à vobis esse con-
firmandos, nec nos secundo loco habendos, cum ex-
his partibus ad vos usque dogmatizantes Apostoli
peruenissent. Nec enim nos vestris resultauimus,
quamuis hæc agere potuissemus, quando Nonitia-
nus à Romana pulsus est Ecclesia, quoniam, (ut
iuxta vulgarem consuetudinem loquamur) inimi-
citas querit omnis, qui vult recedere ab amico;
Nec crimine carere potest, qui alterius excommu-
nicatis, absque eius licentia, à quo communione
est priuatus, in communionem suscepit, Canonici-*

bus scilicet iubentibus, ut excommunicatus ab alijs, ab alijs non suscipiatur, viventibus illis, à quibus communione privatus esse dinoscitur; Nec solum in his nobis contumeliam irrogatis, sed etiam in his, quod Concilia nostra dissolvitis, neque rata finiri sinisse; sunt namque à nobis, & maxime à totius Orientis Episcopis damnati Athanasius Alexandrinus, Paulus Constantinopolitanus; Marcelus Ancyrae, Asclepius Gaza, Lucianusque Andriopolites pro certis criminibus, quibus adversarij sunt apud nos inscripti, quae per praesentes huius Epistole latore, omnia sub certa relatione, vestrae innotescere non omittimus sanctitati, quibus agnitis, si nostris placitis magis, quam eorum machinationibus assentire, & ordinatos Episcopos in damnatorum loco firmare eligitis, pacem vobiscum, & communionem habere volumus, si vero aliter egeritis, & eis amplius, quam nobis assentire, iudicaveritis, contraria celebrabimus, & vobiscum deinceps, nec congregari, nec obedire, nec vobis vestrisque favere volumus, sed per nos quicquid melius elegerimus, agere conabimur, &c.

Rescribit Iulius posse omnes ad Ecclesiam Romanam confugere, tanquam alijs superiorem, eiusdemque tenoris plurimae aliorum Romanorum Episcoporum urbis Romanae

mæ literæ scriptæ fuere, & quamvis effectum sortiri non poterant, resistentibus dispositionibus conciliaribus superius allegatis, & nullo unquam tempore *Orientales* Romano Episcopo subiecti esse voluerant; Nilominus Gratianus Monachus, omnium bonarum scripturarum corruptor, ex illis Epistolis usu non receptis, Canones confecit, quibus superioritatem Romani Pontificis super omnes probare voluit.

Iulius Episcopus urbis *Romæ* *Constantem* Imperatorem rogat, ut Concilium pro *Athanasio* convocet, *Athanasius* anno 326. ad *Constantem* illum vocantem, proficiscitur. De factione Ariana conquæri, bellum contra fidem Apostolicam excitatum lamentari, & tum patris, tum magni Concilij Nicæni, quod ille convocauerat, cum in memoriam reducere cœpit, talia eum gemitu, & lachrymis apud *Constantem* Imperatorem eloquutus, eum ad patrem æmulandum excitavit. Nam simul atque ista audiuit, literas ad fratrem scripsit, quibus persuasus *Constantius*, mandatum dedit, ut Episcopi tam *Orientis*, quam *Occidentis*, Sardicam aduentarent: Hæc Baronius sub Anno

Christi 346. §. 5. & 6.

Quare huius Sardicenis Concilij conuocandi, nullæ Iulij Episcopi Romani partes extiterunt: prout etiam idem Concilium fidem facit, in suis literis ad omnes Episcopos transmissis, quæ sunt in dicto primo volumine Conciliorum fol. 661. sub his verbis.

Sancta Synodus Dei gratia Sardica congregata, &c. Igitur gratia Dei cooperante, etiam ipsi Pijssimi Principes ex diuersis nos Prouincijs, & Ciuitatibus colligentes, sanctum hoc Concilium in Sardicensium celebrari, preceperunt.

Quod etiam comprobatur, Nam *Osus* Episcopus Cerdubensis illi Concilio præfuit, ubi autem Legati Romanæ Ecclesiæ, *Osus* patronus Concilij ceteros interrogabat, quod & *Gratianus* affirmat, in ipso allegato Canone, Prima adnotatio. distinctione 16. & ipsi Canones 21. eiusdem Concilij demonstrant, qui omnes incipiunt, *Osus Episcopus dixit, & in fine legitur, omnes responderunt, Placet.*

Sed quia Romanus Episcopus semper præminentiam super Orientales ambiens, ad comprobandum Orientalium Episcoporum fugam ad Ecclesiam Romanam, ita decerni procu-

procuratur, ut in septimo Canon legitur.

Ofius Episcopus dixit, Placet autem, ut si Episcopus accusatus fuerit, & iudicauerint congregati Episcopi Regionis ipsius, & de gradu suo eum delecerint, si appellauerit qui deiectus est, & confugerit ad Episcopum Romanæ Ecclesiæ, & voluerit se audire, si iustum putauerit, ut renouetur iudicium, vel discussionis ex amcu, scribere his Episcopis dignetur, qui in finitimâ & propinqua Prouincia sunt, ut ipsi diligenter omnino requirant, & iuxta fidem veritatis definiant. Quod si iniqui negat causam suam iterum audiri, deprecatione sua mouerit Episcopum Romanum, ut à latere suo Presbyterum mittat, erit in potestate Episcopi quid velit, & quid estimet. Et si decreuerit mittendos esse, qui presentes cum Episcopis iudicent, habentes eius auctoritatem, à quo destinati sunt, erit in suo arbitrio, si verò crediderit Episcopos sufficere, ut negotio terminum imponant, faciet quod sapientissimo consilio suo iudicauerit. Qui Canon à Gratiano compilatus fuit, in cap. si quis Episcopus in causa 2. questione 6.

Scitu dignum existimamus, ex isto Canone, vnde Romanæ præminentie super Orientales originem produci volunt, nulla

ratione probari illam posse. Quoniam huiusmodi Sardicensis Concilij Canones à sexaginta tantum Episcopis subscripti fuere, ut attestatur *Gratianus* in ipso Canone: Prima adnotatio, & ipsamet sexaginta Episcoporum subscriptio manifestat, quæ in fine dicti Concilij Sardicensis scripta legitur, & tamen in eodem Concilio, trecentos & septuaginta sex Episcopos interfuisse scriptum est, ita probat *Baronius*, sub anno Christi 347. in §. 3. his verbis: *Quamobrem in Sacra- tis atque Synodoni sententiam eundem puerum, ut conuenirent Sardiea trecenti ex Occidente, ex Oriente uero septuaginta sex episcopi, idemque omnes Catholice communionis, &c.* Sed non subscribentes, consensum præstitisse non presumuntur, & ita obstat regula in utroque iure firmata, factum non dicitur, quod à maiori parte factum non fuit, de qua in L. 1. D. Quod cuiusque vniuersitatis nomine, & in cap. 1. De his quæ fiunt à maiori parte capituli, & utrobique scribentes adnotarunt. Neque iste Canon vnquam usu receptus fuit, & ideo tanquam exorbitans à iure, originem Romanæ super hoc præminentia nullo modo probat.

Si secundum statum à temporibus *Iustini* primi Imperatoris, nimirum ab anno Christi 526. per ducentos quadraginta sex subsequeutes, vsque ad tempora *Caroli Magni* spectabimus, Episcopos Romanos semper Imperatori subditos fuisse comperimus ex *Platina*, & cæteris illorum facta, atque vitas scribentibus, atque singulos Romanos Pontifices electos à Cæsare confirmationem semper habuisse, ipsiusque iurisdictioni subditos fuisse legitur: Inssu *Theodora* Imperatricis *Vigilius* sexagesimus Episcopus Romanus ligatus Constantinopolim transuectus est, carceribusque mancipatus, & *Martinus* septuagesimus quintus Pontifex iussu *Theodori Calliopæ* ligatus pariter, eodem transuehitur, atque in carceribus positus vt *Platina*, & cæteri in vitis vtriusque attestantur.

Duo in hoc statu pro Papatus progressu considerari possunt; Nam cum ex quodam religionis zelo Imperatores *Honorius*, & *Arcadius*, in eorum temporibus ante hunc statum decreuissent, quod Episcopi in causis religionis iudicare possent, sed reliquæ causæ tam ciuiles, quam criminales Ecclesiasticorum

asticorum, ad iurisdictionem Imperatorum,
 suorumque officiorum pertinerent, vt ha-
 betur in lege prima, in titulo de religiosis, in
 Codice Theodosiano, Postea *Iustinianus*
 anno 13. sui Imperij, ad preces Patriarchæ
 Constantinopolitani *Menna* concessit pri-
 vilegium clericis & Ecclesiasticis, vt in cau-
 sis civilibus quæ celeriter expediri possent,
 coram Episcopis suis conuenire deberent;
 sed vbi illorum causæ altiore indaginem
 requirerent, aut exactiorem causæ cogniti-
 onem, ad iudices ordinarios remitti oportee-
 ret, Idem quoque clericis in causis crimina-
 libus, si delictum Ecclesiasticum esset, in-
 dulsit, sed quod ad reliqua crimina suæ iuris-
 dictioni subiectos remanere iussit, ita tamen
 vt antepœnam corporalem, quoties inflig-
 enda esset, degradari deberent, quæ dispo-
 sitio latius apparet in Nouella 83. & Nouel-
 la 123. Olim boni Catholici & fideles,
 quando inter eos de aliqua re, lis, & contro-
 uersia existeret, fugienda litis prolixioris
 ergo, Episcopos suos arbitros constitue-
 bant, nullo modo de illorum candore, &
 integritate dubitantes, quamobrem postea
 per Constitutionem *Arcadij* & *Honorij* dis-
 positum

positum fuit, eos, qui ex consensu apud sacræ legis antistitem litigare voluerint, experiri illius in ciuili duntaxat negotio, more arbitri sponte residentis, iudicium posse, de qua dispositione habetur textus. L. Si quis ex consensu. C. de Episcopali audientia. Item alia eorundem Imperatorum constitutione sanctitum reperitur, eam Episcopali iudicio adhiberi reuerentiam debere, ac si à magistratibus illis, qui præfecti pretorio appellabantur, profectum esset, L. Episcopale C. de Episcopali audientia. Deinde tractu temporis *Iustinianus* voluit, vt iisdem tanquam delegati Imperatoris, aut quorundam Imperij magistratuum iudicare, atque si ab eorundem sententijs prouocandum esse videretur, prouocationes ipsæ ad Principem aut ad magistratum delegantem interponi deberent. Ex hoc igitur lento, & rardo passu Ecclesiastici percommode dispositos gradus inceperunt ascendere ad magnam illam iurisdictionis autoritatem, quem habere iactant, quamque ex manibus Imperatorum per priuilegia extorserunt.

Præterea hoc tempore Papæ nomen, quod omnibus Episcopis commune erat,

foli Episcopo Romano dari inceptit, nam cum inter ipsum, & Patriarcham Constantinopolitanum super nomine *Oecumenici* controuersia haberetur, vter eorum, vel vterque ita appellandus foret, atque controuersia sub Imperatore *Maurisio*, definita non esset, tandem sub *Phoca* ordinatum est, vt Romano nomen Papæ adderetur, Constantinopolitanus verò semper se *Oecumenicum* inscriberet, atque vocari continuatus est, videlicet, Archiepiscopus Nouæ Romæ Constantinopolitanæ Patriarcha *Oecumenicus*, prout ex Panuinio, in vita *Bonifacij* tertij legi potest.

In tertio statu, temporibus *Caroli* magni, progressus maximus in Papatu factus est, ipse enim *Carolus* indistinctè in omnibus causis personas Ecclesiasticas à suis Episcopis iudicari iussit. L. Volumus. C. de Episcopis & Clericis; & in capitulis *Caroli* magni etiam scriptum reperitur, sub quo prætextu Ecclesiastici authoritatem sibi assumpserunt cognoscendi de omnibus causis contra Imperatores, Reges, Principes, eorumque subditos laicos, prout videri potest in libris iuris canonici, in quibus passim insertæ sunt senten-

sententiæ à Pontificibus, eorumque deligatis latae contra quaslibet personas, absque exceptione alicuius qualitatis, & materiæ.

Et cum Ecclesia Romana opprimeretur à *Longobardis*, & cum primum a Rege Gallorum *Pipino*, superato *Astulpho* liberaretur, Deinde à *Carolo* magno illius filio, extincto *Desiderio* ultimo *Longobardorum* Rege absolueretur, multas Ciuitates occupari cœpit, quas à *Pipino* donatas sibi esse iactabat, & à *Carolo* confirmatas *Ludonicum Caroli* filium, ac in Regno successorem, Ciuitatem Romanam cum toto suo Ducatu dono Ecclesiæ illi dedisse, aliarumque Ciuitatum, atque locorum ab alijs prædecessoribus factam confirmasse assuerat; Ita passim Ecclesia Romana patrimonium in temporalibus occupante, Papæ pro tempore existentes, qui sanctitatis speciem præ se ferebant, viros doctos vndique conuocare incipiunt, atque ingentia illis munera, dignitatesque elargiri, vnde Romana Curia illustrari incœpit, doctisque viris repleri, qui veluti sydera in firmamento per totum mundum lucebant; Reges, & Principes in religionis simplicitate condentes, eorum regna, statusque E-

piscopi Romani orationibus commendant,
 eleemosinas annuas dari iubent. At ille in
 libro Ecclesiæ Romanæ benefactores, eo-
 rumque dominia, & ditiones Ecclesiæ suæ
 commendata describit (qui mos, etiam no-
 stris temporibus in conuentibus religioso-
 rum obseruatur, tabella quadam in valuis
 sacrarij apposita) vt orationes, ac preces pro
 illis descriptis, continuo fieri ostenderet,
 atque alios ad hoc inuitaret. Alij simplices,
 credentes Romanam Ecclesiam vnum cum
 Deo facere consistorium, ditiones suas illi
 supposuerunt, coronamque regiam à Ro-
 mano potius, quam à Cæsare desumere ma-
 luerunt. Cæteri omnes Reges, Principes,
 Archiepiscopi, Episcopi, & cuiuscunque
 conditionis viri, pro habendis, à tot sapien-
 tibus consilijs, litium euitandarum ergo, aut
 Legatos, vel nuntios eo loci mittunt, aut li-
 teras scribunt, aliquando ad eisdem, velut
 ad oracula conuolant, tantus concursus
 causarum, & hominum in illos compromit-
 tentium, ad Romanam Curiam confluunt,
 vt aliquos ab ipsa multitudine, per pontem
 sancti Angeli ad Palatium Papæ incedentes,
 sepe sepius suffocatos esse, à pluribus practi-
 cis

cis scriptoribus adnotatum fuerit.

Sed crescente malitia, & ambitione Romana, quod religionis, & confidentiæ prætextu liberè, atque spontanea voluntate factum est, in necessitatem redigi incæpit, Papa enim illorum Regnorum, ac statuum librum composuit, quem catalogum illorum appellari iubet, & singulis annis in cœna Domini, quæ ibi celebratur, alta voce perlegi mandat, ita potestatem in Reges, ac Principes arripuisse credit.

Ex Concilijs autem Principibus viris, atque Episcopis cæterisque datis, siue per Epistolas, quas vocant decretales, siue per arbitria à iudiciarijs Imperialibus exequuta, ipsum ius Canonicum composuit, & quæ inter liberos homines, à nullam potestatem, iurisdictionemque habente facta fuere, ita in necessitatem rediguntur, quia ab habentibus omnimodam potestatem, ac iurisdictionem facta proponuntur, suppressis omnibus illis, quæ veritatem huius negotij ostendere potuerint, sæpe etiam mutatis verbis, ita vt ex diuersitate decretalium, atque *Originalium* vnde decretales composita fuere,

re, totum ius Canonicum falsum esse, confiteri opus sit.

• Sed quantum hic præminentia Papatus progressus à veritate deuiet, nunc ostendamus, & imprimis, quoad assertas donationes etiam *Caroli*, & *Ludouici*. Licet de illis attestentur *Iuo Carnotensis* in parte 5. decreti. cap. 14. *Anselmus* in collectione Canonum lib. 4. cap. 15. *Gratianus* in cap. Ego *Ludovicus*. distinctione 63. *Antoninus Florentinus*, Historiarum parte 2. titulo 16. cap. 1. §. 2. *Raphael Volateranus* in libro 3. *Baronius* Annalium Ecclesiæ Tomo 9. Anno 817. num. 10. & sequentibus. Tamen nullus historicorum *Antonino* vetustior, harum donationum meminit, præter *Leonem Hostiensem*, qui & ipse non multum anteceffit; Et Commentitiam esse huiusmodi *Ludouici* constitutionem optime probat *Carolus Molineus* in Commentarijs ad dictam distinctionem 63. Ascribam eius verba, quoniam liber in quam paucissimorum manibus versatur.

Cæterum, inquit, his quæ supra dixi num. 72. non obstat, quod Platinus in Benedicto 11. & post eum Sabellicus Æneadum 8. lib. 6. & Antoninus titul. 13. cap. 1. scripserunt Constantinum 1111.

Impera-

Imperatorem Constantinopolitanum, dicti Benedicti sanctione permotum, statuisse, ut quem deinceps Clerus, populus, exercitusque Romanus in Pontificem elegisset, nulla Constantinopolitani Principis, vel Italia Exarchi expectata auctoritate, ut antea fieri consueverat (id enim ratum erat in creando Pontifice, quod Princeps confirmasset, vel qui eius vices in Italia gerebat) tum quia sanctitas Pontificis, solito more instituti (præter id quod vix nota esse potuit ultra mare, cum dictus Benedictus vix decem menses superstes fuerit) potius monere debuit ad observandum tam utilem, & receptum morem quam ad illam infringendum, tum quia illum mutuari sunt à Bibliothecario auctore suspecto, quippe qui scripta sua consarcinavit ex quibusvis apocryphis, vel fictis scripturis in scrinio, vel Bibliothecis Papæ, quibus poterat, repertis, modo essent in Domini sui favorem, tum quia prætenso illa constitutio Constantini (quam falsam puto) nunquam effectum sortita fuit, ut expresse attestatur Volæranus Anthropolog. lib. 2. 2. Ex cuius verbis potest deprehendi, vel modico tempore servatam non fuisse, de qua satis constitit paulò post Benedictum in Canone apud Platinam.

Et per prædicta, minus etiam obstat cap. Ego
Ludovicus

Ludouicus distinctione 63. vbi dicitur Ludouicum
 primum Paschalius eligendi, & inuestiendi Ro-
 manum Pontificem remisisse; Hoc enim à suspe-
 cto auctore processit, videlicet à presato Bibliothecario,
 vt Platina in Paschali. 1. et Sabellic. Aenead.
 8. lib. 9. Volateran. Anthropolog. lib. 22. attestan-
 tur; Vt autem non est in fauorem Paparum cre-
 dendum Bibliothecario, potentatus eorum fauori
 famuloque domestico; ita non est credendum Gra-
 tiano Monacho, qui & ipse affectibus, & ambi-
 tioni nouorum sui temporis Paparum, quantum
 potuit, fauit, nec aliunde, quàm a Bibliothecario
 dictum capitulum. Ego Ludouicus, transumpsit,
 & sic de alijs, qui tantum dictum eiusdem Biblio-
 thecarij recitant, nec aliunde sciunt, nec exami-
 nant: Sed examinanda veritas lucefcit in contra-
 rium, quia vt supra num. 77. idem Paschalis à
 populo vi coactus Pontificium munus obire ante
 liberam auctoritatem Imperatoris, Legatos excu-
 satum, & ad culpam non inficiandam, sed in popu-
 lum transferendam misit ad Ludouicam Pium,
 qui, vt mansuetus erat, satisfactionem quidem
 accepit, sed cum increpatione cleri, & populi, &
 abiecto præcepto maiorum instituta pactaque ser-
 uandi, vtque cauere ne deinceps simili exemplo
 maiestatem laderent, vt expresse Platina & Sa-
 bellicus

bellicus testantur. Quid autem magis contrarium aut repugnans est præfata ac suspecta Bibliothecarii scriptura? Certè vel ex hoc falsitatis conuincitur, nec tamen etiam per se sufficienti exemplo tantum, sed etiam ex eo quod tempore Eugenii, 11. eiusdem Paschalis successoris, Ludouico Pio adhuc vivo; Lotharius 1. filius ejus in Imperij consortium assumptus, Romæ politiam ordinauit, & Magistratus instituit, ut supra, num. 78. & 112. Hoc autem fieri non potuisset, si Ludouicus Pius Romam ipsam, caput Imperij, Papæ dedisset. Quid quod Volateranus Geograph. lib. 3. præensam illam donationem longè aliter, quam Gratianus in dicto cap. Ego Ludouicus, refert: sed ex scriptura quadam Apocrypha, quam in Bibliotheca Papæ sese inuenisse dicit, & sic illius Bibliotheca scripta, unde tam Bibliothecarius, quam Gratianus, & Volateranus sumpserunt, sibi ipsis non constat, & non solum quod domestica, & è loco suspecto, sed ut variè rejiciendæ sunt: Et multò magis ex eo quod fides historie repugnat per prædicta, tum ex eo, quod Volateranus ibi Calabriam inferiorem, & superiorem, & Ducatum Neopolitanum includit, & aliam, quæ constat ex fœdere diuisionis inter Carolum Magnum, & Imperatorem

Cōstantinopolitanum facta, Græcorum Imperio cef-
fisse, & diu pluribusq; seculis, etiam post Francorū
Imperium in Germanos translatum, vsq; ad Gui-
lielmū Ferrabach Normannum, Tancredi, Galli
Normanni filium (qui ē Neustria in Italiam traji-
cientes, Regnum Apulie, anno millesimo septimo,
deinde Sicilia, sacerdotibus tamen Græcis rel. Etis.
occuparunt) remansisse, ut etiam ex historiis eo-
rum, qui tempore Caroli Magni, & deinceps
vixerunt, & scripserunt, liquet. Porro nec ve-
rum, nec verisimile est, quod Ludouicus Pius
ea donasset, quæ non poterat, & nullo modo possi-
debat; & quæ pater ejus, ut ex dicto fœdere Græ-
corum Imperio reliquerat: Quin sicut Regnum
Francorum alienare non poterat, ita nec Imperi-
um, & regionis Imperij Occidentalis, quæ ex di-
cta diuisione Carolo Magno, & successoribus
suis cesserant, & multò minus Romam, caput
Imperij, Alberico in lege 1. De summa Trinitate,
& L. benè à Zenone. C. de quadriennij præ-
scriptione, & sic donatio Ludouici, siqua fuit,
ex eisdem causis nulla esset, ex quibus prætensa
donatio Constantini Magni, quam Glossa, &
Doctores communiter, qui eam factam esse pu-
tant, tum non voluisse concludunt, ut Glossa
Accursij in authenticis. Quomodo oporteat Episco-
pos.

pos, in verbo, conferens generi, Collatione I. Petrus Perti in proem. instit. num. 11. & seq. Signorolus de homoleis in Consilio 26. sentit. Bartol. in proem. & Bald. in titulo De nouo Codice faciendo in principio tenent, quod valere non potuit sine consensu populi; At qui prætensa donationi Ludouici populus Romanus, nunquam, sicut nec prætensa donationi Constantini Magni consensit: Nec solum non apparet de consensu, sed de dissensu constat, etiam per continuam populi Romani resistantiam tempore Eugenij III. Adriani IIII. Alexandri III. Lucij III. Urbani IIII. Ut satis supra; Tum nullus unquam Papa inuentus est, qui se fundauit in prætensa donatione Ludouici, de qua in dicto cap. Ego Ludouicus; nec qui eam unquam allegauerit; & licet Nicolaus III. in cap. fundamenta, de el. Etionz, libro 6. fabulam illam Constantini Magni allegauerit, tamen non facit fundamentum in ea, sed in verbis sacrae Scripturae Pharisaeo, & Iudaico more ad terrenum regnum detortis, ut ibi patet, & supra num. 36. Pariter Gregorius VII. qui tanto molimine Imperium Germanorum aggressus est, & attriuit nullo modo donationis cuiusuis ab hominibus, siue à Constantino Magno, siue à Ludouico Pio meminit, (que

tamen maximè in rem suam fecissent, si quid veri,
aut verisimilis habuissent) & omninò non omi-
sisset; sed tantum nititur verbis Christi ad reg-
num & Imperium totius orbis male detortis: sic
& Benedictus XII. contra Ludouicum, Ba-
uarum Imperatorem, non alio titulo Mediolani, &
alijs Orbibus Imperij Vicarios nomine suo insti-
tuit, quibusdam etiam Vectigal imposuit, quam
vel unicus Christi Vicarius in terris, hoc est eti-
am in terreno totius orbis Imperio, & ante eum
Benedictus XI. eodem modo novos Magistratus
Florentiæ constituit, ut apud Platinam. Præte-
rea adhuc viuo Ludouico Pio, & biennio ante
ejus obitum, Gregorius IIII. electus, nunquam
voluit inire Pontificatum, nisi prius sua electione
ab Imperatore, legatisq; suis ad hoc destinatis, di-
ligenter examinata, & confirmata, ut omnes te-
stantur: Et addit Platina, quod præfatus Ludo-
uicus hoc non faciebat ex superbia, sed ne jura
Imperij amitteret, ergo falsum est illum prius ea
remisisse Paschali, ut ex Bibliothecario refert
Gratianus, & alij, quia Gregorius IIII. po-
sterior est, & tertius à Paschali I. & idem Lu-
douicus Pius adhuc vivebat, & recens fuisset
adhuc memoria dicti prætensi pacti inter Ludo-
uicum & Paschalem, siquid tale fuisset. Nul-
lus

lus autem Paschalis fuit ante illum primum, Ludouici auctoritate confirmatum, nec alius sequutus est, nisi forte post trecentos annos: Iam ergo non minus manifesta est Vanitas & impostura dictæ prætensæ donationis, de qua in dicto cap. Ego Ludouicus, quam famosa illius fabula Constantini magni, nec non prædictæ donationis, vel remissionis, Constantini I I I I. Ut etiam nunquam habuerunt effectum, nec leguntur Papæ acceptasse, vel vñ fuisse, sed alijs sibi efficacioribus præstigijs, terrificisque, & pertinacibus censuris & seditionibus ad contemnendum Imperium, & Regna concitatis. Hæc Molineus, Quibus consentanea sunt leges apud Eutropium Longobardum de statu Romanorum sub Græcis, & Francis.

Radeuicus Canonicus, Frisingensis, de gestis Frederici I. Imperatoris lib. 2. cap. 56. & Guntherus lib. 10. ligurini, adhibito interprete Spiegellio, de Epistola Frederici primi ad Episcopos Transmontanos testantur, §. 3. Coadunatis itaque in vnum omnibus Episcopis, &c. Idem Imperator in Concilio Papiensi, cum reffidisset, ait ad Episcopos, Quamuis nouerim, officio, atque dignitate Imperij penes nos esse potestatem congregandorum Conciliorum, præsertim in

tantis Ecclesie periculis (hoc enim & Constanti-
 nus, & Theodosius nec non Iustinianus, seu recen-
 tioris memorie Carolus magnus, & Otho Impe-
 ratores fecisse memorantur) auctoritatem tamen
 definiendi huius maximi, & summi negotij ve-
 stra prudentia, vestraque potestati committo.
 Apud eundem Radevicum lib. 2. cap. 64. Cui
 concors Ludovicus Iunior, apud Eutropium
 Longobardum in libello de statu Romano-
 rum, ubi legitur, Erectus est itaque Regius ho-
 nor contra Apostolicam dignitatem obijciens ei an-
 tiqua patrum statuta, Non licere Prælato excom-
 municare Episcopum, inconsulto Synodali Concilio,
 & quia Synodus non à Papa, sed ab Imperatore
 convocari debet. Iterum Fredericus apud A-
 uentinum in Annalibus. Imperator mense Maio,
 atque quinquagenalibus apud Viremburgam con-
 ventum Episcoporum, senatusque Imperij cogit.
 Coeunt frequētes Archymista, minores Pontifices
 præsides, Duces præfecti, Vidonem Pontificem
 Maximū legunt Paschalemq; vocant, Fit senatus
 consultum, nullum posthac Pontificem Maximum
 fore, nisi, qui more maiorum consensu Imperatoris
 crearetur, atque nuncius duntaxat Christi, Suc-
 cessorque Petri, non etiam Casareæ potentie per-
 tinax æmulus esse velit. A singulis exactum iu-
 ramentum,

ramentum, haud alium aut recepturos, aut passuros Pontificem maximum, etiam mortuo Imperatore. Albertus Crantzius Metropol. Saxoniae lib. 6. cap. 18. Sequutus est Imperator exempla maiorum, quod Henricus III. in non dissimili casu. Romanae imploratus consuluerit Ecclesiae (quod supra memorauimus) cum Leo 9. eligeretur, & ante illum Orbo I destituto Ioanne, Benedictoque, Leonem suum restituit, ante consecratum. Iacobus Spiegellius Maximiliani I. Imperatoris Secretarius, Caroli, verò quinti Imperatoris consiliarius in commentar. ad lib. 10. Guntherij, Sed & Maximilianus, ait, inuito Iulio indixit concilium. Radenicus de gestis Frederici I. Imperatoris lib. 2. cap. 70. & sequenti: describens Acta Concilij Papiensis, dicit, confirmatio Pontificis ab Imperatore petita; His verbis. Confirmato, & recepto taliter in Papatu Victore, desertur ad Principem Sacerdotalis concilij sententia, qua venerabiliter suscepta, & approbata, Victor ad Ecclesiam vocatur, & magna solemnitate, ac frequentia cleri, & populi suscipitur, ipsique vt summo Pontifici, & vniuersali Papae acclamatur.

Propter seditiones intestinas rerum vices mutantur, & inferior, erectis cristis, dominatum

natum quærit, seruusque suæ spontis se facit,
 Vt de *Othonis III.* Imperatoris electione
 factum aliquando legimus, quæ legitima
 non fuit, quia leges, atque Imperij consuetu-
 dines violatæ fuere, quod autem contra le-
 ges fit, id nullum esse indubitati iuris existit,
 de quo diffuse scribit *Melchior Haiminsfeldius*
Goldastus in constitutionibus Imperialibus
 parte 1. fol. 72. impugnano dicta *Baronij* in
 tomo 10. sub anno 996. § 57. & seq. Iccirco
 vanam esse Papæ prætensionem, asserentis
 in cap. Venerabilem. de electione, ius con-
 firmandæ Cæsareæ electionis ad ipsum
 pertinere.

Nam quod *Baronius* sub dicto anno 996.
 in §. 43. Ex literis particularibus singulorum
 Imperij electorum huiusmodi potestatem
 probari asserit, omnino resoluitur ex scrip-
 tis à *Leopaldo Bamburgensi* Episcopo Bam-
 burgensi in libro de Zelo veterum Princi-
 pum Germaniæ, *Principes Germani*, ait, ad
 quos pertinet ius, & potestas eligendi Regem
 Romanorum, recognouerunt Innocentio tertio, vt
 patet in decretali sua, *Venerabilem*, quod ius, &
 auctoritas examinandi Regem Romanorum ele-
 ctum ad Imperium postea promouendum, pertineat
 ad

ad Ecclesiam Romanam, & cum prædictus Innocentius Papa in prædicta decretali Venerabilem asserat, ius & potestatem eligendi Regem Romanorum ab Ecclesia Romana ad certos Germaniæ Principes peruenisse. Neque id in historijs, siue Chronicis nostris, gesta Regum, siue Imperatorum continentibus, reperiatur expressum, satis dici potest, ipsum hoc asserere, propter recognitionem per aliquem ex Regibus, siue Imperatoribus Germanis, vel per Principes electores ipsi Ecclesiæ Romanæ super hoc factum. Sed tantum abest, ut pro huiusmodi verbis ius eligendi à Pontifice acceperint Principes Germani, ut contra ius confirmandi Pontificem tanquam in arbitrum compromiserint discordantes aliquando electores, aut vnus ex electis sponte recognouerit, quæ res ante Innocentium fuit inaudita; Item quia Imperatorum singulæ facta maiestati imperij non præiudicant.

Et ideo electores sequentes melius informati, prædecessorum constitutiones, decreta, edicta, responsa cassauerunt, irrita fecerunt, & annullarunt, nulliusque penitus momenti, atque valoris esse voluerunt; Ita enim scribunt Electores Imperij ad Benedictum Papam ex Comitij Rhemensibus §.2.

Cum alijs omnibus Principibus Electoribus
M Imperij

Imperij in unum fuimus congregati, & diuersis
 deliberationibus, & consilijs praeiudicatis, sicut di-
 uina gratia placuit; omnes unanimis fuimus, &
 nullo penitus discrepante pro defensione iurium,
 honorum, bonorum, libertatum, consuetudinum sa-
 cri Imperij, ac totius Christianitatis, ad cuius regi-
 men, & defensionem idem Imperium principaliter
 ordinatum dignoscitur, disposuimus, & ordina-
 mus pro nobis, & successoribus nostris, & firma-
 uimus iureiurando per sacramenta corporaliter a
 nobis, & omnibus coelectoribus nostris praestita,
 quod infra, honores, bona, libertates, & consuetu-
 dines dicti Imperij, & nostra nobis in Electione
 Imperij competentia, ex consuetudine, vel de iure,
 manteneamus, defendamus, & inlibata conserue-
 mus, toto posse, & viribus nostris, contra omnes
 homines cuiuscumque praesentia, dignitatis,
 seu status existant, & quod hoc non omittemus
 propter aliqua pericula rerum, & personarum, aut
 praeccepta, mandata, processus per quemcumque,
 aut in quemcumque modum & formam prolata
 sint, vel in autem proferantur contra Imperium, &
 nos, vel coelectores nostros, per quae dictis iuribus,
 honoribus, libertatibus, & consuetudinibus praeci-
 dicatum fuerit, vel in futurum posset praeciudici-
 um generari.

Et

Et in § sequenti, clarius atque expressius habetur. Cum iure caueatur, & consuetudine, cuius contrarium memoria hominum non existit, sit rationabiliter introductum, & sine cuiusvis contradictione legitime observatum, sicut etiam in predicto Parlamento per nos, & alios coelectores nostros, præhabita diligenti deliberatione & discussione, ac consilio multorum Principum, Comitum, Baronum & Nobilium est concorditer declaratum, & sententialiter definitum; Quod vacante Imperio, is qui eligitur concorditer, vel à maiori parte Principum electorum, pro Rege Romanorum ab omnibus habendus est; Et quod nec nominatione, confirmatione, approbatione, consensu, vel autoritate sedis Apostolicæ super administratione bonorum, & iurium Imperij indigeat, siue titulo Regis assumendo; Quodque iura & bona Imperij administrare, & gubernare poterit, & de iure, ac consuetudine, nulla sedis Apostolicæ super hoc licentia habita, vel obtenta.

Plura super hac re, & ad reprobationem decretalis, Venerabilem. de electione, scribit Marsilius Patavinus in defensione pacis parte 2. Cap. 26. quæ videri poterunt, quia nihil noui addi potest.

Etiam videnda est Bulla Aurea *Caroli* III.
Imperatoris, quæ impressa est in calce pri-
mi Tomi Conciliorum Coloniae, Anno
1530. & à *Iacobo Cuiacio* emendata reperitur
in Appendice librorum suorum de feudis,
& à *Goldasto* in Constitutionibus Imperia-
libus, parte 1. fol. 96.

CAP. 5. /

CAP. V.

*In quibus Concilijs dispositum fuerit
Papam non habere præeminenti-
am super cæteros Patriarchas.*



X dictis hucusque satis clarè
innotuit origo & progressus
Papatus, nunc breuiter Con-
cilia recensenda sunt, quibus
fancitum fuit, vt sua Diocce-
si contentus sit, & primatum super cæteros
Patriarchas non prætendat.

Synodus Nicæna congregata anno Do-
mini 325. in cap. 6. ita decreuit : *Antiqua
consuetudo valeat, quæ in Aegypto, Lybia, &
Pentapoli fuit, vt Alexandrinus Episcopus super
his omnibus auctoritatem habeat, quoniam & Ro-
mano Episcopo hæc eadem consuetudo est : simili-
ter & apud Antiochiam; & in cæteris Prouincijs
priuilegia conseruentur: Illud autem planum est,
quod si quis sine consensu Metropolitanus fiat Epi-
scopus, hoc magna Synodus statuit, Episcopum esse
non oportere.*

Confirmatur auctoritate Ruffini decre-
tum illud interpretantis in lib. 10. Ecclesia-

ſicæ Hiſtorie, apud Alexandriam, & in Vrbe Roma, hæc conſuetudo ſeruetur, vt & ille Ægypti, & hic ſuburbicarum Eccleſiarum ſollicitudinem gerat. Itaq; ſuburbicarum tantum rerum Episcopatus Romani ſiſtes à ſancta Nicæna ſynodo poſiti fuere; ergo primatum ſuper totas mundi Eccleſias habere non poteſt.

Neq; in hoc aliqua præſcriptione ſe tueri valet; quia vltra quod, de poſſeſſione non oſtendit, neq; oſtendere poteſt, ſine qua præſcriptio non currit, vt ſunt regulæ juris vtriuſq; ſatis vulgares, cum nullo vnquam tempore ſuper cæteros Patriarchas iuriſdictionem exercuerit, quod ſequenti capite clariùs exarabitur. Tamen Doctores firmarunt, quod ſines Episcopatum & Parochiarum præſcribi non poſſunt, ne iuriſdictionis Eccleſiaſticae termini confundantur cap. Super eo. de parochijs, quicquid ſit de finibus rerum temporalium Eccleſiæ. Gloſſa in cap. Quicumq; in verbo, *Prouinciarum*, cauſa 16. quæſtione 3. & in cap. Ex literis. de probationibus, & ibi *Aretin* in 3. notabili. *Innocentius* in cap. Cum cauſam. de probationibus, quem ſequitur *Felinus* in cap. Quia iudicante,

dicante, in fine, de præscriptionibus, probâtes Diocœsium, atq; Episcopatum fines certos existere, atq; inperscriptibiles.

Item anno Domini 381. In prima Synodo Constantinopolitana, cap. 2. ita scriptum est. *Episcopi quibus sua Diocœsis attributa est, ne in Ecclesias, quæ extra fines suos sunt se ingerant, neue Ecclesias confundant, sed secundum Canones, Alexandria quidem Episcopus ea quæ in Ægypto sunt tantum, gubernet. Orientis vero Episcopi solum Orientem administrent. Conserueturq; sue Ecclesiæ dignitas, quæ in Nicæna synodo declarata est, & Episcopi Asiæ Diocœsis, siue Præfecturæ, ea tantum quæ in Asia sunt, gubernent. Qui in Ponto sunt, ea quæ in Ponto tantum; Thraciæ verò ea quæ in Thracia: Episcopi autem, nisi aduocati, ne in alienam Diocœsim, & præfecturam se inferant, siue ad suffragia, siue ad alias vllas administrationes Ecclesiasticas. Quod si prædictus Canon super præfecturis, & Diocœsibus conseruetur, perspicuum est, quod cuiusq; Prouinciæ negotia vnaquæq; Synodus Prouincialis gubernabit, quemadmodum à Synodo Nicænâ constitutum est.*

Præterea in eadem Synodo cap. 3. ita scriptum est; *Constantinopolitanus Episcopus habeat*

beat primatum post Romanum , quia ipsa est noua Roma, quæ dispositio relata est in Cap. Constantinopolitanæ, distinctione 22. & ita in iure Canonico confirmata est.

Item in Synodo Ephesina, quæ fuit anno Domini 431. ita sancitum fuit. *Visum est sanctæ & vniuersali Synodo, seruando vnicuiq, Pro- uinciæ pura, atq; integra sua iura , quæ ad ipsam pridem, & ab initio pertinent , secundum morem, qui jam pridem obtinuit.* Et in concilio Chalcedonenſi celebrato anno Domini 451. in cap. 28. ita definitum est. *Vbiq; leges sancto- rum patrum nostrorum sequentes , eadem & nos definimus, ac statuimus de dignitate & præstan- tia huius sanctissimæ Constantinopolis nouæ Ro- mæ ; Etenim sede antiquioris Romæ, quia jam ci- uitas illa regnabat, patres nostri primum honoris gradum tribuerunt, atq; eadem consideratione mo- ti centum quinquaginta Deo amantissimi Episcopi, parem honoris gradum tribuerunt nouæ Romæ, sedi sanctissimæ merito decernentes, ut ea ciuitas, quæ tantum honorem adepta est ; & sedes esset Imperij, & Senatum haberet, & parem dignita- tis gradum obtineret, sicut antiqua sedes Imperij Romani obtinet , etiam in Ecclesiasticis negotijs parem illa honorem, & dignitatem obtineat,*

Præterea

Præterea in Synodo Constantinopolitana cap. 36. ita verbis expressis disponitur, *Renouantes quæ à centum, & quinquaginta patribus, qui in hac à Deo seruata, ac Regia urbe conuentum egerunt, & sexcentum triginta, qui in Chalcedone congregati fuerunt, instituta sunt. Definimus vt Constantinopolis sedes parem habeat dignitatem cum sede antiquioris Romæ, & in Ecclesiasticis negotijs æquæ ac illa magnificetur. Qui Canon in iure Canonico receptus est, in cap. Renouantes. distinctione 22. quamuis corrupte a Gratiano ibi collocetur. Sed hæc lectura est vera, quia Iustinianus Imperator in Authentica, de priuilegijs Archiepiscopi Iustinianæ primæ, ita scribit: Multis ac varijs modis patriam nostram augere cupientes, in qua Deus præstitit nobis ad hunc modum venire, iubemus, vt eius sacrosanctus antistes non solum Metropolitanus, sed etiam Archiepiscopus fiat, & certa Prouincia sub eius authoritate, id est Dacia Mediterranea, Dacia Ripensis, Mysia superior, &c. Et in fine dicit, Archiepiscopum eius à Venerabili Concilio Metropolitanorum ordinari sancimus.*

Idem Imperator Iustinianus in authentica, de Ecclesiasticis titulis in §. Sancimus, ita disposuit.

N

posuit.

posuit. Papa Romanus prior omnibus Episcopis sedeat, & post illum Constantinopolitane sedis Episcopus, Archiepiscopus primæ Iustinianæ habeat sibi subiectos Episcopos Daciæ Mediterraneæ, & Daciæ Ripensis, item Praevalenos, & Dardaniæ, & Mysiæ superioris, & Pannoniæ, sed & ille ab ipsis consecratur, atque eadem iura super eos habeat, quæ Papa Romanus habet super Episcopos sibi subiectos. De potestate Imperatoris ita disponentis dubitari non oportet, nam eidem Papam suppositum esse, atque cæteros etiam Episcopos inuestiri ab illo debere, inferius ostendetur: Quamobrem si definitum est, parem in omnibus dignitatem habere, ergo primatum super Constantinopolitanum neque de iure, neque de facto prætendere potest.

In sexta Synodo Carthagenensi, cui sanctus *Augustinus* præfuit, in cap. 105. Aduersus Papam sanctitum est, *Ne ex transmarinis Ecclesijs ad ipsius sedem prouocaretur, si quis autem prouocare auderet, anathema sit.* Gratianus compilerator decreti, dicit idem in Concilio Mileuitano cap. 22. dispositum esse, cuius verba refert in cap. Placuit, quod est 35. in causa secunda, quæstione sexta. *Placuit, ut Presbyteri*

Presbyteri Diaconi, vel ceteri inferiores clerici, in causis, quas habuerint, si de iudicijs Episcoporum suorum questi fuerint, vicini Episcopi eos audiant, & inter eos quicquid est finiant, adhibiti ab eis ex cōsensu Episcoporum suorum, Quod si & ab eis prouocandum putauerint, non prouocent nisi ad Africana Concilia, vel ad Primates prouinciarum suarum. Ad transmarina autem, qui putauerit appellandum, a nullo intra Africam in communionem suscipiatur. Hic est finis textus, Gratianus verò falsò addidit, Nisi forte Romanam sedem appellauerint; quæ verba & ipsi Pontifices deleri iusserunt, atque inaniter superaddita esse declauerunt.

Hanc sententiam Romanus Pontifex negare non potest, quoniam prædecessores Pontifices Romani expressè confessi sunt, se iuribus, & honoribus suis fratribus competentibus derogare non velle: & ita nullatenus vniuersales in Ecclesia vocandos esse professi sunt; atque ita *Pelagius*, & *Gregorius* in diuersis temporibus sanciuerunt, ut habetur in cap. Nullus. & cap. Ecce. distinctione 99. quorum confessiones ad verbum descriptimus superius in cap. 2.

Et quod pauperes Canonistę respondent,

Ideo vniuersalē se negasse, quia cuilibet particulari Ecclesię præficiendus non est, Hoc est somnium, nugę sunt. In ipso cap. Nullus. inter Patriarchas Romanum, & Constantinopolitanum agitur, vter eorum vniuersalis dici debeat, Respondet *Pelagius* *II. absit hoc, absit à mente fidelium, vt aliquis fratrum suorum bonorem imminuere videatur*; ergo non agitur de præfectura particularium Ecclesiarum, vt fabulantur, sed de ipso nomine vniuersalis Ecclesię, quod fugiendum est. In ipso. cap. Ecce: *Gregorius* magnus ad *Elogium* Patriarcham Alexandrinum rescribens, conqueritur, quod Papam vniuersalem appellauerit, quia cæteris Patriarchis subtraheretur, si vni, plusquam ratio exigat præbeatur.

C A P. VI.

*Resoluntur, quæ aduersus caput
præcedens ex Concilijs Lateranensi,
& Florentino opponuntur.*



*Quicunque voluerit inter vos
esse primus, erit vester seruus,
Math. 20. Cum igitur Ro-
manus Pontifex aduersus
tot sacrosanctorum Conci-
liorum iussa cæteris pari-
bus præesse attentauerit, ipsi Deo præesse
voluisse colligitur, iuxta tradita per D. Au-
gust. super Psalm. Noluit Christus regnum ter-
renum cum superbia, & parum infra, Quoties
hominibus præesse desidero, ipsi Deo præesse con-
tendo.*

Iam stabilitæ erant diocæses, singulis
Patriarchis sua iurisdictio priuatim ad alios
demandata fuerat, ipsum Concilium Nicæ-
num tanquam Euangelium obseruandum
esse, probat textus cap. 1. distinctione 15.
pro quo multa allegat Cardinalis *Jacobatus*
in tractatu de Concilio, lib. 1. in §. Nunc igitur
videamus : Sed *Immoentius* tertius con-

gregato ob alias causas Concilio Lateranen-
si, Anno Christi 1215. vt se cæteris Patriar-
chis superiorem faceret, fingens Patriarchas
Constantinopolitanum & Alexandrinum
super præcedentia inter semetiplos contem-
dere, ita in ipso Concilio definitum esse scri-
bit in Rubrica de dignitate Patriarcharum
Cap. 5.

*Antiqua Patriarchalium sedium priuilegia re-
nouantes sacra vniuersali Synodo approbante sanc-
imus, vt post Romanam Ecclesiam, quæ dispo-
nente Domino super omnes alias ordinaria pote-
statis obtinet principatum, vtpote mater vniuerso-
rum Christi fidelium, & magistra, Constantino-
politana primum, Alexandrina secundum, Antio-
chena tertium, & Hierosolymitana quartum lo-
cum obtineat, seruata cuilibet propria dignitate, ita
quod postquam eorum Antistites à Romano Ponti-
fice receperint pallium, quod est plenitudinis Ponti-
ficalis officij insigne, præstito sibi fidelitatis, &
obedientiæ iuramento, licenter & ipsi suis suffra-
ganeis pallium largiantur, recipientes pro se profes-
sionem Canonice, & pro Romana Ecclesia spon-
sionem obedientie ab eisdem. Dominicæ vero Cru-
cis vexillum ante se faciant, vbique deferri, nisi in
vrbe Roma, & vbiunque summus Pontifex præ-
sens*

sens extiterit, Vel eius Legatus, Utens insignijs Apostolicæ dignitatis: In omnibus autem Prouincijs eorum dignitati subiectis ad eos, cum necesse fuerit, pronocetur, saluis appellationibus ad sedem Apostolicam interpositis, quibus est ab omnibus deferendum.

Hic Canon Concilij Lateranensis postea in eisdem verbis positus est à *Gregorio* nono in suis decretalibus, sub titulo, De priuilegijs, in cap. 23.

Sed reuera hic Canon falsus est, impostura est, omnes enim historici illius temporis aperierunt portas, vt ingrederetur gens iusta custodiendi eius veritatem, iuxta scripta per *Esaïam* in cap. 26. scripserunt quidam Patriarcham Alexandrinum ad illud Concilium non venisse *Æmil.* lib. 6. Porro, ait, hoc Concilium duodecimum generale censetur, quod omnium, quæ vnquam fuerunt in vniuersa Ecclesia celeberrimum extitit, præter Romanum Pontificem, qui Concilio præfuit, ex quatuor orbis terrarum nobilissimis Patriarchis, duo interfuere, Byzantinorum, scilicet Hierosolimitanorum, Antiochenis excusatione morbi vsus, sacerdotes, Legatos sanctos viros misit; Alexandrinus ab Ægyptis vetitus est proficisci sed è suis oratores missi sunt

Sunt. Huic narrationi consentiunt *Blondus* in lib. 6. decade 2. in fine, *Platina* in vita *Innocentij*, *Naucley*. generat. 41. *Sur.* tomo 3. generali Conciliorum in Chronico hæc omnia narrat. & sequitur *Petrus Maturus* in Annotationibus ad D. Antoninum, in titulo 19. §. 6. verbo, Episcopos, sub *Innocentio* tertio, Anno Christi 1213.

Si igitur *Alexandrinus* ad Concilium non venit, quomodo inter ipsum, & Patriarcham Constantinopolitanum de præcedentia tractari potuit? De oratorum autem missorum mandato ad tractandum de causa tam graui, apud acta Concilij nullo modo constat, vt in re tam maximi præiudicij constare debebat. Neque pro mandato, etiam post mille annos præsumendum est, prout post Iuristas in Rota Romana conclusum est, *Verallus* decisione 250. parte 2.

Præterea neque D. *Antoninus* in historia huius anni, qui omnia per *Innocentium* tertium gesta, atque omnia huius generalis Concilij acta scripsit, huius sententiæ aliquid meminit; neque ipse *Innocentius* quartus, qui omnes decretales *Gregorij* noni interpretatus est, aliquid super ista decretali, quæ incipit,

incipit, Antiqua scribere attentauit. *no non*

Item hæc antiqua discordia ab *Innocen-*
tio tertio asserta, iam definita fuerat in Con-
 cilio Constantinopolitano cap. 5. vt superi-
 ori capite exaratum est, & illius sententia vi-
 gore Patriarcha Constantinopolitanus ita
 etiam à Iustiniano Cæsare confirmationem,
 speciale priuilegium atque possessionem ob-
 tinuit: Cur igitur ea quæ semel sancita fue-
 rant, & diuturno tempore obseruata, ite-
 rum in dubium reuocari oportuit? Hæc igitur *Innocentij* 3. sententia in Concilio ge-
 nerali dicta, potius ad se inaniter super alios
 extollendum contra decreta allegatorum
 Conciliorum, contra proprias prædecesso-
 rum Pontificum confessiones promulgata
 dicitur, quàm vt inter prædictos Patriar-
 chas, præsertim altero absente, & inaudito
 fieri potuisset, quamobrem ipso iure nulla
 exitit, prout ita disposuit Imperator *Alex-*
ander, & habetur in lege prima, Cod. Quan-
 do prouocare non est necesse, his verbis:
Laram sententiam dicitis, quam ideo vires non
habere contenditis, quod contra res prius iudica-
tas, à quibus prouocandum non est, lara sit. Pon-
 tificex Romanus cæteris Patriarchis superior

non est, sed per dictum Canonem se superiorem constituit, ut obedientiam ac fidelitatem, contra expressa Concilia, illi iurent, ideo sententia contra Concilia lata, non valet.

Hæc multo magis procedunt ex defectu potestatis, Nam ipse *Innocentius* 3. de præcedentia Patriarcharum iudicare non poterat de anno Domini 1215. cum *Leo* octauus sub anno 963. omnibus iuribus Ecclesiasticis in personam *Othonis* primi, & successorum in Concilio generali renuntiauerit solenniter, ubi Papam, & cæteros Ecclesiæ Prælatos à *Cæsare* inuestituram petituros esse, dispositum est, ut in sequenti capite plenissimè ostendetur, ergo quatenus de huiusmodi præcedentia iudicare necessarium fuisset, non ad Pontificem Romanum, sed ad ipsum Imperatorem pertinebat, ergo asserta *Innocentij* sententia tanquam à priuato lata remanet, & nullius valoris est, de quo potestatis defectu omni perpetuo tempore, & à quocunque opponi potest.

Item hæc asserta sententia, quatenus Romanus superiorem se constituit, nunquam in Patriarchatu Constantinopolitano recepta

cepta est, quoniam *Marcellus* secundus Patriarcha Constantinopolitanus centesimus primus, qui in ipso Concilio sub *Innocentio* interfuit, undecim menses cum Romano vixit, ut attestantur *Paruinius* in historia Ecclesiastica huius anni, & *Hieronimus Bardas* in Chronologia eiusdem nunquam in Græciam redijt, nullus in Græcia Papæ superioritatem approbavit, nullus successor Patriarcha Papæ Romano fidelitatem iuravit: sed lex quæ usu recepta non est, non ligat, ergo præcedentem statum reuocasse non dicitur, ita fuit definitum in Rota Romana, ut probat *Ioannes Mobedanus* in decisione 1. de constitutionibus. Et *Venusius* in decisione 203. parte 3. & in tantum usus receptio est necessaria, ut neque per decretum irritans ignorantes efficiantur, nisi noua dispositio usu recepta fuerit, *Puteus* in decisione 281. vers. Et quis tenetur, parte 1. Præterea continuatio actuum præcedentium iuxta antiquum solitum sufficit, ex qua reuocatoria legis non usus inducitur, etiam citra legis latoris scientiam, cursumque decenni quæ ad auferendam à noua lege vim satis sunt, ut probat *Felinus* in cap. 1. de treu-

ga & pace: Hæc fortius procedunt cum lex noua correctaria sit veteris iuris, sed hic assertus nouus *Innocentij* canō, disposita in Concilio Nicæno, alijsq; vt supra relatis corrigeret, quò casu etiā si nouus canon, nouaq; lex in corpore iuris inserta esset, nullatenus ligat, nisi vsu recepta sit, & quam sententiam probant, *Summa Armilla*, in verbo locatiō. num. 3. *Rochus de curte*, in tractatu de consuetudine, sectione 6. num. 9. vers. item infertur. *Franciscus Sarmiento* in tractatu de redditibus Ecclesiasticis parte 1. cap. 2. num. 20. & in Rota Romana decisum est, quod, qui Canonem vnius Concilij per alterum reuocatum esse dicis, noui Canonis effectum, quodque receptus fuerit, probare debet. Io. *Mohedanus* in dicta decisione prima, de constitutionibus.

Quare. Cum Patriarcha Alexandrinus Romam non venerit, eiusque missi legati ad hoc mandatum non habuerint, & Pontifex Romanus in alienam messem, potestate carens, falcem immiserit, sequē superiorem fecerit, contra decreta Conciliorum, quæ tanquam Evangelia obseruanda sunt, nec ipsa dispositio vsu recepta fuerit, Quis vnquam

quam sani iudicii vir, hunc assertum Canonem imposturam esse non affirmabit.

Quod vero per Concilium Florentinum dispositum asseritur, in quo Constantinopolitanus Papæ obedientiam præstitit, scriptis in præcedenti capite, nullo modo repugnat: Nunquam enim in Ecclesia Græca receptum fuit. Quomodo recipi potuit, quod ab *Eugenio* Romano iam deposito, in ipso Concilio Florentino nulla auctoritate congregato, definitum fuit? Quomodo recipi quod ab Imperatore Orientis *Ioanne Palæologo* à Turcis de sua sede expulso, atque profugo facto, in Italiam pro auxilio habendo (vbi omnes illius temporis historici attestantur) impetratum est? Quomodo recipi, quod in Conciliabulo Florentino, tribus tantum Episcopis Græcis, Nicæno, Ephesino, & Russo interuenientibus, attentatum fuit? Quomodo recipi, si Episcopus Ephesinus, qui cōclusionem cum Latinis sustinuit, insatisfactus, inde discedens per totam Græciam contrarium prædicare incipit? & quod Episcopus Nicænus *Bessarion* nuncupatus, & Archiepiscopus *Russus Isidorus Monachus sancti Basilij*, propter Cardi-

nalatum ab *Eugenio* obrentum, suffragia pre-
 stiterunt, illiusque potestati colla subiece-
 runt; Denique quomodo recipi potuit, si
Iosephus Patriarcha Constantinopolitanus,
 qui cum ipso Imperatore *Paleologo* profu-
 gi in Italiam venerant, infra paucos dies in
 eodem Conciliabulo mortuus est, & in Ec-
 clesia sanctæ *Mariæ Nouellæ*, vbi illud cele-
 brabatur sepultus fuit, ita fidem facit *Anto-
 ninus* Florentinus in suo historiali, titulo
 22. sub anno Domini 1438. in §. 21. His ver-
 bis, *Patriarcha Constantinopolitanus plenus die-
 rum paulò post in sede Romana Ecclesia migravit
 è seculo, sepultus in Ecclesia sancta Maria No-
 uellæ.* Nec ex eo Florentinum in Græciar-
 ceptum dici potest, quod *Paleologus* By-
 zantium reuersus, iuxta conuentiones cum
 suis auxiliarijs in Italia factus, Florentinum
 à Græcis recipi iusserit, dum *Bessarionem*
 creauit Patriarcham Constantinopolita-
 num, quoniam inde quàm plurima mala
 subsequuta fuisse, attestatur Turcorum
 chronica lib. 3. Schisma in ipso Patriarcha-
 tu factum fuit, *Bessarioni* nunquam vti Pa-
 triarchæ obeditum est; Nam defuncto *Iose-
 pho*, qui 128. Patriarcha Constantino-
 politanus

litanus numerabatur, ipsi Græci *Gennadi-*
um 129. Patriarcham crearunt, atque obe-
 diuerunt, anno Domini 1452. quo tempore
 Turcæ Constantinopolim occuparunt,
 Mox anno 1460. defuncto *Gennadio*, Græ-
 ci *Iassonium* Monachum 130. Patriarcham
 elegerunt, vt est in Chronologia temporum
Hieronymi Bardi, vbi etiam subsequentes
 Patriarchas vsque ad nostra tempora calcu-
 lat: Ex quibus intelligere licet, Florentinum
 nulla auctoritate munitum, in nationis Græ-
 corum præiudiciū factum, nunquam à
 Græcis receptum esse. Et licet post *Bessa-*
riorem alij Latini à Pontifice Romano Pa-
 triarchæ Cōstantinopolitani creati fuissent,
 hoc tamen illorum nationi, atque verò Pa-
 triarchatui obesse nullo modo potuit, qui
 nunquam Florentinum Conciliabulum re-
 ceperunt.

Nunc supereſt Florentini nullitatem de-
 scribere, atque in primis quantum ad præ-
 fatum Patriarchatum relationem habet:
 Non potuit *Iosephus* illi præſtare conſenſum,
 quoniam Prælatum ſuæ Eccleſiæ nullo mo-
 do præiudiciū facere poſſe diſpoſitum eſt,
 Abbas in cap. Verum, num. 28. & ibi Felin.
 num.

num. 6. & 8. de foro competenti, Præpositus in cap. Verum, num. 12. de conditionibus apposis; plurimos ad hoc allegat *Alphonsus Villagut.* in decisione prima, & Rota Romana definiuit, quòd ne in acquirendis quidem hoc fieri potuisse, *Verall.* decisione 359. parte 2. Imò si per præiudicium factum, reditus ad ius commune fieret, puta quia Prælatus contra priuilegium Ecclesiæ suæ, concessum, ageret, absque totius sui capituli consensu hoc facere non posse firmatum fuit, in decisione 22. parte 2. In nouissimis, vt vocant, decisionibus. Sed quale maius præiudicium esse potest, quam totam Patriarchatus Constantinopolitani præeminentiam Papatui Romano subijcere? Hoc totius Patriarchatus præiudicium respicit, totiusque Constantinopolitanæ Ecclesiæ status conturbatur; Propter quod, sicut in Papa dispositum est, à Papatu deponi posse, gloss. in cap. Si Papa, distinctione 40. Abb. in cap. Significasti, de electione, & in cap. Cum venissent, de iudijs, & in cap. Proposuit, de concessione Præbendæ; Farbatia in *Clementina* 2. de electione, *Felin.* in cap. 2. de maiori tate, & obedientia. Cur non idem de Patri-

Patriarcha Constantinopolitano dicendum est, qui ex dispositis in ante dictis Concilijs, respectu sui Patriarchatus à pari cum Papa procedit.

Non potuisset solus *Leo octauus Othoni* primo Imperatori totam Papatus electionem, atque confirmationem transferre, aliaque priuilegia super Ecclesiam Romanam concedere, nisi in Concilio Romæ ad hoc conuocato, actum esset, atque ab omnibus inibi approbatum fuisset, ut in sequenti capite demonstrabitur; Cur dicendum est solum Patriarcham, absque generali conuentu omnium Episcoporum Græcorum & Armenorum, illi Patriarchatui subiectorum, quorum omnium intererat, Conciliabulo consensum præstare potuisse? Rota in ipsa allegata decisione 22. definiuit, totius capituli, cuius intererat, consensum præstari oportuisse; Quamobrem Græci, & Armeni Episcopi capitulariter conuocandi erant: Neque Florentiæ, aut alibi in Italia, locis fortè Græcis, & Armenis non tutis, sed sub Patriarchatu Constantinopolitano fieri oportuisset: Quibus deficientibus, tanquam necessarijs, ut ipsa Rota fanciuit, quomo-

P

do

do Pontifex Romanus super solo *Iosephi* Patriarchę cōsensu fundamentū facere potest?

Præcipua ipsius Concilij nullitas est, Nam cum in Concilio Constantiensi sub *Martino* quinto celebrato, dispositum esset, vt Concilia generalia in singulis decennijs celebrarentur; *Eugenius* quartus anno Domini 1431. tunc verè Pontifex, in exequutionem illius dispositionis, Basileę Consilium generale conuocari iussit, *Iulianum* Cardinalem sancti Angeli Legatum, qui Concilio præesset, deputauit, cuius auctoritate Concilium congregatum est, causasque discutere exorsum, & cum ipse *Eugenius* de quàm plurimis vitijs, erroribusq; accusaretur, Conciliumque se iudicem competentem declarasset, atque *Eugenium*, & Cardinales per monitorium citasset, vt ad se defendendum comparerent, *Eugenius* statim Concilium dissoluit, quod facere non poterat, cum eius nomen inter reos positum fuerat: sed quia ex dissolutione ipsa magnum scandalum apud Christi fideles ortum fuerat, dissolutionis pœnituit, illamque reuocauit, atque iterum Concilium confirmauit: At quia in Concilio tot testes super eius sceleribus exami-

nati

nati fuerant, ita vt sententiam contra ipsum
ferri oportebat, iterum Concilium dissol-
uit, atque confirmationem secundo factam
reuocauit : sed sacrosanctum *Oecumenicum*
Concilium post longas disputationes habi-
tas, Papam accusatum, Concilium dissoluere
non posse, neque ad aliam ciuitatem trans-
ferre definiuit, sententiamque priuationis,
& depositionis in *Eugenium* dixit, Mox in
eodem Concilio Papa *Felix* Canonice ele-
ctus, & confirmatus est: Hec omnia in actis
Concilij Basileæ leguntur, videlicet, in Bullis
Eugenij confirmationis, item dissolutionis,
item reuocationis dissolutionis, ac confir-
mationis Concilij, item nouæ dissolutionis
eiusdem, declarationisque nullitatis dictæ
dissolutionis, item in monitorio, processu
integrali, atque sententia in *Eugenium* lata:
Quomodo igitur *Eugenius*, qui à Papatu ex
iustis causis depositus fuerat, Florentinum
Concilium congregare potuit? aut præesse,
siue confirmare? Omnia postea per eum ge-
sta ex defectu potestatis corruunt, ita vt nul-
lo modo illud allegari dignum sit. Item
quia ipsum Florentinum de anno Domini
1438. incœptum, & finitum est, sed sacrum

Basileense Concilium, quod vsque ad annum 1442. perdurauit, omnia gesta per Concilium Florentinum reuocauit, vt ex eiusdem actis apparet.

De validitate Concilij Basileæ diffusè scripsit *Æneas Silvius* in suo particulari libro de Concilio Basileæ, qui in ipso Concilio interfuit, licet postea Papa creatus fuerit, atque *Pius* secundus appellatus sit, palinodiam cecinit per vnam suam Bullam, declarans omnia dicta eius super dicto Concilio scripta, falsa existerè. De eodem scripsit librum Episcopus Famagustanus, qui pariter in illo interfuit, atque de omnibus gestis in ipso Concilio diffusè pertractauit; Item *Antonius de Rosellis* in tractatu de Concilijs cap. 16. vbi specialiter agit, Vtrum Papa in Concilio generali canonicè congregato accusatus, illud dissoluere possit, & pluribus rationibus probat nō posse, cui nihil addi potest.

Et quod Concilium generale, prout vniuersalem Ecclesiam representat, potestatem habeat super Papam, docuit Schola Parisiensis, & alij allegati per Abbatem in tractatu Concilij Basileensis Anno 18. Cardinalis *Iacobatius* in tractatu de Concilijs libro 10.

arti-

articulo 7. *Franciscus Victoria*. in libro de potestate Concilij, quæstione 3. in fine. Episcopus Feltrensis in tractatu de potestate Romani Pontificis cap. 24. in fine. Episcopus Famagustanus, qui latius alijs scripsit, & ita concludit: Et quod hæc quæstio per triduum fuisset disputata Florentiæ ante Concilium Pisanum, & postea Venetijs, à qua disputatione traxerunt Originem decreta Concilij Constantiensis, & Concilij Basileensis, & opinio Parisiensium, totiusque Harbonensis Galliæ, An scilicet Cardinales obedientiæ *Gregorij* 12. & *Benedicti* 13. conuocato Concilio, eos contumaces deponere, atque alium denuò creare possent, quæ tandem annuentibus omnibus sacræ Theologiæ, atque Iurium Doctoribus terminata fuit, quod licitè, & canonicè possent, quasi contineret reformationem vniuersalis Ecclesiæ ob schisma, & ob scandalū, & incorrigibilitatem dictorum Pontificum. Et tunc Consilium esse supra Papam, scripserunt *Abbas* in dicto tractatu, *Iacobatius* in dicto libro 10. articulo 7. *D. Antonius* in .3 parte suæ summæ titulo 22. cap. 2. & cap. 5.

CAP. VII.

*Papam Romanum nullo modo potuisse
præscribere præminentiam su-
per alios Patriarchas, eorumque
suffraganeos.*

SIus canonicum, quod Papa
profiteretur, ipsemet non im-
pugnat, necessario fateri o-
pus est, hanc præeminenti-
am, quæ sibi in certis finibus
à Concilio Nicæno, & alijs limitata fuit, Pa-
pam præscribere nullo modo potuisse: Nam
in Concilio Africano 4. cap. 33. ita fuit dis-
positum.

*Quicumque Episcopus alterius Episcopi diocæ-
sin per triginta annos sine aliqua interpellatione
possederit, quamvis secundum ius Legis, eius non
videatur esse diocæsis, admittenda non est contra
eum actio reposcendi, sed hoc intra unam Prouin-
ciam, extra verò nullo modo, ne dum diocæsis de-
fenditur, Prouinciarum termini confundantur.*

Et ibi Glossa Gratiani, quam communiter
omnes sequuntur, Episcopalem iurisdictionem,
extra suam Prouinciam præscribi nul-
lo

lo modo posse affirmarunt, *Oldradus* in Concil. 83. in fine, *limites diocæsum, siue parochiarum imperscriptibiles sunt*, rationem assignat *Innoc.* in C. Cùm causam. de probationib. quia temporalia quandoque conceduntur occupanti, spiritualia nunquam, *Felin.* in C. Quia indicante, in fine, de præscriptionibus.

Gelasius Papa in Epistola ad *Maximum*, & *Eusebium* Episcopos, ita scribit. *Licet in regulis contineatur antiquis parochias unicuique Ecclesiæ pristina dispositione deputatas, nulla posse ratione conuelli, ne per consuetudinem pessimam, exempli mali temeritate crescente, vniuersalis confusio nasceretur, tamen etiam decretis nostris, ante non multum temporis destinatis, omnia iussimus, quæ taliter fuerant inuasa, restitui. Sed quia temeritas, &c. Et post multa. Nulla igitur presumptione statum parochiarum, qui perpetuæ ætatis firmitate durauit, patimur immutari, quia nec negligentia Pontificis, nec temporalis obiectione (quæ per incuriam fortè generatur) neque ignauia faciente consensus adhibitus, nec sub repente supplicatione præceptio diuellere potest, semel diocæsim constitutam, &c. Cum autem hæc Epistola in decreto *Gratiani* relata fuerit, ipsius Papæ decreto, paragraphus his verbis additus*

tus est post dictum cap. licet. Causa 16. quaestione 3.

Hoc multipliciter distinguitur: sunt quaedam diocæses, quæ certis limitibus distinctæ sunt, hæ nullo modo præscribi possunt, aliæ verò, quæ non sunt certis limitibus distinctæ, & de quibus certa definitio non olim præcessit, præscriptione tolluntur. Sed Papatus Romanus certis limitibus à Concilio, quod ius diuinum æstimatur, restrictus est, ergo præscriptione aliqua super alios iuuari non debet.

Innocentius Papa etiam ita scribit, Inter memoratos fratres nostros Fulgentium Astigitanum, & Honorium Cordubensem Episcopos discussio agitata est, propter parochiam Basilicæ cuiusdam, quam horum alter Cellanensem, alter Rhegiensem asseruit, & quia inter utrasque partes hætenus limitis actio ventilata est, cuius quamuis ventustate retento, nullum iuris præiudicium affert, &c. Et post multa, Quorum auctoritas præmonet ita oportere inhiberi cupiditatem, ut nequis terminos alienos usurpet, ob hoc placuit inter alternas partes inspectores viros mittendos, ita diocæsis possidentes, (si tamen Basilicam veris signis, limites præfixus monstrauerit) Ecclesiæ, cuius est ius retentionis sit æternum dominium, &c.

Quæ

Quæ omnia *Urbanus 7.* in cap. Super eo. de Parochijs, ita confirmavit, Super eo vero, quod apud vos intelleximus dubitatum, an quod de finibus, & his quæ finibus coherent non prescribendis, statutum per canones esse dignoscitur, sit in parochiarum limitibus, sicut in provincialibus admittendam. Respondemus, quod bene videtur in utroque servandum, si fines legitima probatione, vel alijs indubitata fide constiterit Ecclesiastica ordinatione statutos.

Iura Episcopalia sunt, Canonica obedientia, subiectio & reverentia, institutio, & destitutio, correctio, & reformatio, cap. Conquerente. de officio ordinarij, hæc omnia ad iurisdictionem Episcopalem pertinere, probat *Io. de Immol.* in cap. Quod super his. de maiorit. & obedientia, eaque imperscriptibilia esse probatum est, quando de certis diocesis limitibus apparet. Ergo nullo modo super Episcopos alijs Patriarchis subiectos iura huiusmodi præscribere potuit, probat *Io. Franciscus Balbus* in tractatu de præscriptionib. parte 6. principali cap. 1. in decimo casu.

Requisita præscriptionis iurium sunt, tempus, bona fides, iustus titulus, scientia,

Q

atque

atque patientia aduersariorum; quibus præ-
iudicium fieri potuit; Nam quod scriptum
est, præscriptionem centenariam tituli vim
habere. *L. hoc iure §. ductus aque ff. de aqua
quor. & Estua L. in fine ff. de aqua pluuiæ
arcenda. cap. Super quibusdam §. præterea.
de verborum significatione, & per Iasonem
in L. Imperium. ff. de iurisdictione omnium
iudicum. Ideoque in eadem tituli proba-
tione, neq; scientia & patientia aduersarij o-
pus esse. *Alex. in cõsil. 6. vol. 1. & ibi Adde-
tes alios allegant, Non procedunt, quando agi-
tur de præscriptione contra ius expressum,
tunc enim de iure canonico dispositum est,
tituli allegationem, probationemque neces-
sariam esse, cap. primo, de præscriptionibus,
libro sexto. Et licet in fine textus ibi adda-
tur, Nisi tantum temporis allegetur præscriptio, cu-
ius contrarij memoria non existat. Tamen hoc
procedit, ubi non constat de titulo, quo ca-
ta, famam ipsius sufficere, receptum est In-
noc. in cap. Veniens. de verborum signifi-
catione, Cassadorus decisione 2. de probationi-
bus, Puteus decisione 365. parte 2. Mohedanus
decisione 10. de iure patronatus.**

Sed quando constat de titulo inualido,

tunc cessat bona fides, & clarè apparet mala; quæ impedit præscriptionem, etiam milie annorum, cap. finali, de præscriptionibus, & probat *Octavianus Osajchus* decisione 101. num. 36. nemo enim cum mala fide præscribere potest, de iure canonico. cap. Possessor. de regulis iuris libro. 6. *Dynus* in cap. Locupletari. in fine, eodem titulo, *Innoc.* in cap. Quia pleriq; de immunit. Ecclesiarū. *Capella Tholosana* decisione 408. Sed hîc de titulo inualido constat, nimirum de Cōcilio generali, & Concilio Florentino, contra quæ satis in præcedenti capite scriptum est, & ubique constat de originali titulo concessionis, qui inualidus, nullus, & vitiosus fuerit, tunc præscriptio, atque vsus immemorialis, vigore illius tituli nihil operatur, ut probant *Ægidius Bellam.* in Concilio 10. *Parisius* in Concilio 166. num. 128. vol. 1. *Decianus* in Concilio. 24. num. 114. vol. 1.

In præscriptione temporis immemorialis non requiritur probatio scientiæ, & patientiæ illius contra quem præscribitur, ut per *Alexandrum* in dict. concilio 6. num. 6. & seq. vol. 1. *Felinus* in cap. cū nobis. num.

2. vers. sed aduerte, & in cap. De quarta, col. penult. vers. fallit in præscriptione tanti temporis, De præscriptionib. *Paulus de castro* in L. 2. C. de seruitutib. alios allegat. *Couarr.* in relectione cap. Possessor. in 2. parte in versic. tertio, supra, vsque ad finem : Sed hoc non procedit in præscriptione immemoriali iurium incorporalium, quorum vsui, & exercitio ius commune resistit, vt probat *Couarr.* in loco citato, in versic. Nisi coacte, post glossam, *Rochum* de curte, & alios per illum citatos : sed in hoc casu Concilium Nicænum resistit, ergo scientiæ atque patientiæ aduersariorum probatio necessaria est.

Cum de inualiditate, & iniustitia tituli apparet, mala fides in promptu resurgit, *Parisius* in Concilio 100. num. 101. & seq. vol. 1. post *Innoc. Bald. Antonium de Put.* Nilum, & alios ab eo citatos, & clarius in consilio 114. num. 8. & seq. vol. 1. Nam licet talis præscriptio antiquissima inducat præsumptionem bonæ fidei, tamen si de titulo iniusto, & inualido apparet, secus est, quia ex eo probatur mala fides, quæ omnem temporis præscriptionem tollit. *Bellam.* in dict. consilio 10. col. 13 versic. plus dico : Item solo scientia,

cia, quod res aliena sit, malam fidem inducit, L. bonæ fidei ff. de verborum significatione. Item possessio sine titulo præsumitur clandestina, & sic malæ fidei, quæ in successores transit, ut probat. *Signoralus* in consilio 253. col. 2. vers. item in dubio. Et cessante titulo, error injustus non sufficit. *Paulus* de castro, in consilio 98. num. 3. vol. 1. Et successor in dignitate, succedit in vitium prædecessoris, glossa 1. in cap. 2. de noui operis nuntiatione: Nam in beneficialibus quâdocunq; quis habuerit injustæ possessionis initium, statim tenetur restituere. Io. de Silua, in tractatu de Beneficijs, parte 3. quæstione 21. num. 6.

Quod verò arrogantia ascribendum est, possessionem iuvare non potest; Hoc est, cum Romanus Pontifex sanctissimi Patriarchæ Constantinopolitani idæam quandam ex aurichalco creat, quam sub pedibus conculcatam habet, dum ipse in Capella sedet, ubi verò celebrat, pro suggesto vititur, qui librum apertum illi subministrat: Hoc idem est, cum contra Apostolorum institutiones, alterum Episcopum Italum in ciuitate ab infidelibus occupata creat, ubi alter prius ab

eodem Patriarcha creatus, ac destitutus refidet: *Arrogans, & qui mentitur, utriq; vituperandi sunt, sed maiore quadam ratione, arrogantem decet, Aristotelis* in lib. 1. magnorum moralium cap. 32: Hæc igitur, neq; possessionem, quæ contra sacra Concilia occupatio præsumitur, neq; scientiam, & patientiam interesse habentium fundare possunt: cum enim quis actum impedire non potest, tunc tacendo, & patiendi sibi non præjudicat, *Bartol.* in l. *Pompanius* §. ratur ff. de procuratoribus, cap. Tuis de testibus. *Alciatus* in l. detestatio ff. de verborum significationibus. *Glossa* in l. *Caius* ff. de pignoratitia actione. *Abbas* in cap. peruenit, num. 8. de emptione & venditione. *Curtius Iun.* in concilio 14. num. 5. *Soccinus Iun.* in concilio 46. num. 1. vol. 2. l. Rem alienam ff. de contrahenda emptione. l. Culpa caret. de regulis juris, l. 1. §. Occasione versic. hoc ideo, l. Si quis in graui, in principio ff. ad Senatusconsultum Syllanianum. l. Si fundus §. final. ff. de locato l. Adigere ff. de jure patronatus. In quibus locis apertè probatur, quod culpa caret qui scit, sed prohibere non potest, & hanc doctrinam esse communiter ab omnibus appro-

approbatam, dicit *Soccin.* in consilio 187. num. 22. vol. 2. Item cum quid contra juris dispositionem fit, patientia nihil operatur, ut si quis sciat alterum de re sua disponere, *Bald.* in cap. 1. de feudi alienatione per *Lotharium*, ubi ad hoc ponderat, l. Si quando §. generaliter. C. de inofficioso testamento, l. Sicut §. non videtur ff. quibus modis pignus, vel hypotheca saluatur, Glossa in cl. l. *Cains* ff. de pignoratitia actione, & quando quis jus suum saluum sibi remanere scit, quod agitur, per patientiam probare non videtur, ita declarat *Ruin* in consilio 161. num. 38. vol. 1. glossa in l. filius familias §. inuitum ff. de procuratoribus.

Quare cum res ipsa imperscriptibilis sit, titulus deficiat, ac bona fides, imò malafides clara appareat, nullaq; patientia præjudicialis constituti possit, ex qua consensus toto Patriarchatui, atq; Græcorum nationi obesse possit, ipsa possessio occupata potius arrogantiam, quam jus certum constituit.

CAP. VIII.

Papam ex dispositione Concilij generalis esse subditum Imperatori, & ab eo investituram petere oportere.



Vm tot fordes, simonia, atq; violentiæ, in electione Romani Pontificis committerentur, Deo inspirante factum est, vt anno Domini 774. omne jus confirmandæ Pontificiæ, etiam Romanæ electionis ad *Cæsarem*, Regemq; pertinere declaratum fuerit: Ita *Hadrianus* in Concilio generali definiuit, cùm confirmationem à Rege petendam esse, firmatum fuerit, subditum illi esse probatum est, cap. finali, de electione, libro 6. Quare si Papa, & alij Episcopi investituram, & confirmationem ab Imperatore, vel Rege recipere debent, & illum Superiorem recognoscere opus est. De huiusmodi jure scriptum est, in cap. *Hadrianus*, distinctione 63. His verbis; *Hadrianus Papa Romam venire Carolum*

lum Regem ad defendendas res Ecclesiasticas postulauit, Carolus verò Romam veniens Papiam obsedit, ibiq; relicto exercitu in Sancta resurrectione, ab Hadriano Papa Romæ honorificè susceptus est; Post sanctam verò resurrectionem, reuersus Papiam cæpit Desiderium Regem, deinde Romam reuer, us constituit ibi Synodum cum Hadriano Papa in Patriarchio Lateranensi, in Ecclesia sancti Saluatoris, quæ synodus celebrata est à centum quinquaginta tribus Episcopis religiosi, & Abbatibus: Hadrianus autem Papa cum vniuersa synodo tradiderunt Carolus, & potestatem eligendi Pontificem, & ordinandi apostolicam sedem, Dignitatem quoq; patriciatu eidem concesserunt; Insuper Archiepiscopos, & Episcopos per singulas Prouincias investituram ab eo accipere definiuit, & ut nisi à Rege laudetur, & inuestiatur Episcopus à nemine consecratur, & quicumq; contra hoc decretum agerit, anathematis vinculo eum innodauit, & nisi resipisceret; bonæ eius publicari precepit.

Hanc historiam esse veram, comprobant Martinus Polonus Monachus Dominicanus, & Pœnitentiarius Papæ in Chronico. Aliam Synodum, ait, ipse Papa Hadrianus præsentente Carolo Rege celebrauit Romæ, in qua fuerunt

R

centum

centum quinquaginta quatuor Episcopi, & alij Abbates, & Prelati, & in qua Carolo dedit Hadrianus Papa & Synodus ius eligendi Pontificem, & sedem Apostolicam ordinandi, item Archiepiscopos per Prouincias singulas inuestituras ab eo recipere: anathematizauit quoque omnes huic decreto rebelles, & iussit bona eorum, nisi resipiscerent, publicari.

Walthramus Naumburgensis Episcopus, in libro de Episcoporum inuestitura, dicit. Hadrianus Papa, collaudantibus Romanis, & plena Synodo, primatum Archiepiscoporum, Episcoporum, Abbatum, Ducum, & Principum acclamatione Carolo magno, eiusque successoribus futura Imperatoribus sub anathemate concesset patriatuum Romanum, & per se, vel per nuntium confirmationem in electione, & consecratione Romani Pontificis concessit, & inuestituras Episcoporum eis determinauit, ut non consecraretur Episcopus, qui per Regem & Imperatorem non introierit purè & integrè.

Io. Semeca Prepositus Halberstatensis Decreti 1^o glossator, super distinct. 63. ita scribit. Desiderius Rex morabatur Papiæ. qui totâ Italiâ stimulauit, propter quem repellendum, Hadrianus Papa fecit Carolum venire, qui Papiæ dimisso exercitu,

exercitu, Romam iuit, ibique honorificè receptus, Papiam redijt, & tandiu eam obsedit donec Desiderium Regem cœpit: Deinde Romam reuersus Synodum congregauit, vbi Hadrianus cum centum quinquaginta tribus Episcopis dedit Carolo potestatem eligendi Papam, & ordinandi sedem Apostolicam, & confirmandi omnes Episcopos, & Archiepiscopos per Prouincias, & quicumque contra hoc priuilegium veniret, anathema esset.

Leopoldus de Bembenburg. Episcopus Bambergensis in libro de Zelo veterum Principum Germaniæ Cap. 8. Carolus magnus, ait, habebat ab Hadriano Papa primo, & sancta Synodo Romæ celebrata ex priuilegio potestatem eligendi, siue ordinandi sedem Apostolicam, Item in cap. 15. Hadrianus Papa primas cum sancta Synodo Romæ celebrata tradidit Carolo magno prefato Pipini filio, ius, & potestatem ordinandi sedem Apostolicam, inuestituras quoque Archiepiscoporum, & Episcoporum per singulas Prouincias ab ipso Carolo recipi definiuit.

Theodoricus de Niem tempore Ioannis 23. Florentiæ inuenit in quodam antiquissimo libro de inuestitura Episcopatum & dicit omnia quæ scripta fuere in cap. In Synodo. distinctione 63. Hic Theodoricus fuit multo-

rum Paparum intimus scriba, sed factus Episcopus à Bonifacio Papa, vt scribit *Crantzius* Episcopus Luerdensis, eorundem Paparum dedecora scriptis publicis exequutus est.

Wernerus Rolewink Chartusianus Coloniensis in fasciculo temporum scribit, Ipse *Hadrianus* regnum Longobardorum per *Carolum* magnum cessare fecit, Synodus duas sollempniter celebravit, Ecclesias, & monasteria multa instituit, & ius *Carolo* super ordinatione sedis Apostolicae, & institutione Episcoporum, & Abbatum in generali Concilio dedit, propter violentias tyrannorum coercendas, Ut patet in distinctione 63.

Robertus Iaguinus minister generalis ordinis sanctissimæ Trinitatis de Francorum gestis lib. 4. A *Desiderio* recuperatas, quas *Romano* præfidi abstulerat urbes Ecclesiæ *Carolus* restituit, Addidit his *Spoletum*, atque *Beneuentum*, quibus beneficij, Ut Pontifex aliquid gratia rependeret; *Carolum* multis ornavit privilegijs, quorum illud fuit, donare Ecclesias idoneis sacerdotibus posse, quod à sacerdotibus inuestitura, vulgo appellatur, qua sine, ut nunc loquimur, beneficium nemo possidebat. recipiebat enim a Rege, qui

qui beneficium adepturus esset, annullum, vel simile quidpiam argumentum scilicet Regia in eam gratitudinis, interest enim Regum nosse, qui maiores maxime Ecclesias administrarent, quorum ipsi tutores sunt: Adiectum privilegio est, Romanum quoque Pontificem sine Caroli iussu eligi non debere, idque in Synodo, assidentibus Romæ centum quinquaginta tribus Episcopis, atque Abbatibus firmatum est.

Nicolaus Vignerus Barrensis, in Burgundionum Chronico ex vetusto scriptore, Anno 772. Carolus Desiderium Papæ inclusum obsedit, ubi cum sibi hærendum diutius esse videret, parte copiarum ad obsidionem relicta, in alias Longobardorum ciuitates, deinde Romanam deductus est, ubi Pipini donationem confirmauit, vixitque, atque pro remuneratione ab Hadriano ius eligendi Pontificis, Episcoporum inuestituram, patritiatumque dignitatem accepit.

Et licet Ludovicus Pius, filius, ac successor Caroli Magni huiusmodi translationem eisdem Romanis in persona Paschalis Papæ remiserit, quibus concessit, vt post mortem Romani Pontificis, statim ad electionem, atque consecrationem peruenire possent, vt habetur in cap. Ego Ludovicus. distinctione

63. cuius historiā scribunt *Antoninus* in parte 1. cap. 1. § 2. tit. 16. & *Volateranus* l. 3. *Anselmus* l. 4. cap. 5. In parte 5. cap. 51. ita vt ideo etiam Romani Pontifices post Paschalem super hoc rescripserunt. cap. Inter nos, & vos. cap. constitutio, cap. Sacrorum Canonum. dicta distinctione 63. & in § ex constitutionibus, qui immediate sequitur post dictum, cap. Sacrorum. expresse habetur: *Ex constitutionibus his, & pacto Ludouici Imperatoris deprehenditur Imperatores illis renuntiasse priuilegijs, quæ de electione Summi Pontificis Hadrianus Papa Carolo Imperatori, & ad imitationem eius Leo Papa, Othoni primo Theutonorum Regi fecerat: cum ergo præmissis auctoritatibus cunctis liqueat electionem Clericorum tantummodo esse, queritur &c.*

Tamen Ludouicus fuit tempore Paschalis circa annum Domini 817. vt in *Platina* & in *Chronologia Ecclesiastica Panuinij*, & sequitur *Baronius* in tome nono, anno Christi 816. & seq. Sed *Leo* octauus fuit Pontifex anno Christi 963. vt in præfatis locis legitur: Ipse autem *Leo* in Synodo Lateranenſi, ad instar *Hadriani* Papæ, qui Carolo magno illud ius in Synodo generali transmiserat, & ipse

ipse Othoni primo Imperatori huiusmodi remissioni, atque concessioni *Ludouici* iterum renuntiavit, vt expresse legitur in cap. In Synodo. distinctione. 63. his verbis: In Synodo congregata Roma in Ecclesia sancti Saluatoris ad exemplum Beati Hadriani Apostolica sedis antistitis, qui Domino Carolo Victoriosissimo Regi Francorum, & Longobardorum patritius dignitatem, & ordinationem Apostolica sedis, & inuestituram Episcoporum concessit, ego quoque Leo Episcopus, seruus seruorum Dei cum toto clero, ac Romano populo constituimus, & confirmamus, & corroboramus, & per nostram Apostolicam auctoritatem concedimus, atque largimur Domino Othoni Primo Regi Theutonicorum, eiusque successoribus huius Regni Italiae in perpetuum facultatem eligendi successorem, atque summæ sedis Apostolicæ ordinandi Pontificem, ac per hoc Archiepiscopos, siue Episcopos, vt ipsi ab ea inuestituram accipiant, & consecrationem, vnde debent, exceptis his, quos Imperator Pontificibus & Archiepiscopis concessit, & vt nemo deinceps cuiuscunque dignitatis, vel religiositatis eligendi vel patritium, vel Pontificem summæ sedis Apostolicæ, aut quemcunque Episcopum ordinandi habeat facultatem, absque consensu Imperatoris (quod tamen fiat absque

que omni pecunia.) & ut ipse sit patritius & Rex: Quod si à clero, & populo quis eligatur Episcopus, nisi à supradicto Rege laudetur, & inue-
 liatur non consecratur: si quis contra hanc regu-
 lam & Apostolicam auctoritatem aliquid molie-
 tur, hunc excommunicationi subiacere decernimus,
 & nisi respuerit, irrevocabili exilio puniri, vel
 ultimis supplicijs affici.

Hanc temporum distinctionem esse fa-
 ciendam probat Antoninus in 2. parte histo-
 rial. titulo 16. cap. 1. § 16. & Petrus Grego-
 rius Tholosanus in libro 26. de republica cap.
 5. num. 10. per quam temporum distincti-
 onem reprobendam esse glossam ait, quæ in
 dict. cap. in Synodo. multa impertinenter
 considerat. Item falsum esse Gratiani ordi-
 nem apparet, in collatione Canonum dictæ
 distinctionis 63. Nam cum Leo octauus no-
 uissimo loco omnia retrocesserit, ipsum ca-
 pitulum, In Synodo. collocari non debuit
 in ordine 23 post capitulum Hadrianus. Sed
 in ordine 35 quia omnia, quæ eousque Gra-
 tianus narrauerat, Leo Papa in Synodo ge-
 nerali remittit.

Sed quia *Cesar Baronius* in suis annalibus
 utramque iuris translationem impugnat,
 videlicet

videlicet *Hadriani*, & *Leonis*, atque falsas ex-
clamat, item fraudem, scelus, & imposturam
esse vult, videamus quantum eius scripta
valeant.

Primo, ait, quia dicta *Sigeberti* scriptoris *Eccle-*
siastica historia, ex quibus *Gratianus* compilauit
dictum. cap. *Hadrianus*. non probantur per alios
historiographos illius temporis, eademque *Sigebert-*
um scripsisse dicit Anno 1112. & ita post 338.
Annos à tempore *Caroli magni*, ut faueret Impe-
ratori schismatico, qui tunc temporis inuestituras
sibi vendicabat, sed qui vitam *Caroli magni* scrip-
serunt, & per annos singulos res ab eo gestas quam
diligentissimè differunt, de his nihil penitus dixe-
runt; Quoniam igitur tantum mendacium intro-
ducit auctore?

2. Quia contrarium omnes affirmant, nempe
quod post captum *Ticinum*, non *Romam* venerit
iterum *Carolus*, sed quam celeriter in *Galliam* re-
dierit, ut aduersus rebellantes *Saxones* expedi-
tionem pararet, illo igitur periculoso *Saxonum* bello
urgente, locus inductarum esse non poterat, &
longissima mora celebrandi adeo numerosi consilij,
videlicet eundi *Ticinum*, redeundi *Romam*, con-
uocandi & expectandi centum & quinquaginta
Episcopos, etiam longè euocatos.

Idem confirmat, quia Eginhardus, qui Caroli magni lateri inharebat, & vitam eius scripsit, expresse affirmat ipsum Carolum non nisi quater Romam se contulisse, & si verum esset, quod turpiter nimis Sigebertus mentitur, non quater, sed quinquies venisse, dicendum esset; primus aduentus contra Longobardos Anno 773; secundus solvendi voti causa Anno 780. tertius aduersus ducem Beneventanum Anno 786. quartus ad restituendum Leonem Papam Anno 800. quando & ipse Imperator creatus est, ubi ergo quintus à Sigeberto confictus, nusquam ab aliquo vel excogitatus, & ideo Gratianum nimis credulum extitisse, ait, qui eandem Sigeberti manifestissimam imposturam totidem verbis exscripsit.

3. Tantum abest, ut Carolus id quod ascribitur, arrogare voluerit, ut potius suo promulgato decreto eas statuerit esse liberas, atque ex sacrorum Canonum præscripto decerni. Nam cum ex capitularibus suis libro 1. cap. 84. ita dispositum sit, Sacrorum Canonum non ignari, ut in Dei nomine sancta Ecclesia suo liberius potiretur honore, assensum ordini Ecclesiastico præbuimus, ut scilicet Episcopi per electionem clericorum, & populi, secundum statuta canonum de propria diocesi, remota personarum, & munerum acceptione,

ob vitæ meritum, & sapientiæ donum eligantur, vt habetur in cap. Sacrorum. distincti-
one 63.

4. Quid est quod dicitur Carolo fuisse ab Hadriano inuestituræ concessas, cum nec ipsum nomen inuestituræ temporibus Caroli in usu esset.

Denique quod dicunt Imperatorem Ludouicum renuntiasse, vt in cap. Ego Ludouicus, Verum esse non potest, quomodo enim esse potest, vt renuntians non exprimat id, quod renuntiat, Necessaria omnino est eius mentio. Idem de Pontifice dicendum est, nam si priuilegia Carolo magno concessa fuissent, Cur Hadrianus secundus, qui per octauam Oecumenicam Synodum sancendum curauit, vt nullus Laicorum electionibus Episcoporum penitus se intromitteret, non meminit huiusmodi concessionis, neque reuocauit? Vel si rata, & firma consistere voluit, cur non expressit, dum legem contrariam illis statuit? Ergo si nulla mentio facta est, neque concessionem factam esse dici potest. Hæc Baronius vsque ad § 24.

Sed omnes huiusmodi rationes falsas esse demonstrauit Doctissimus Melchior Haminsfeldius Goldastus in rationali constitutionum Imperialium tomo 1. cap. 1. Verum formaliter respondendo, ad primum dicitur,

tur, non esse verum *Sigebertum* scripſiſſe nullo alio auctore conſcio; Nam ſi ſcripſit Anno 1112. tribus annis antea ſcripſerat *Waltheramus* Naumburgenſis, qui in libro de Episcoporum inueſtitura idem ſcripſerat, quod *Sigebertus*, vt ſupra allegaui, & in fine eiufdem libri hæc ita ſcripſit. *Ex quo Imperium Romanorum Carolo magno acclamatum eſt, ſunt anni trecenti, & vnus, eſt autem annus præſens milleſimus centeſimus nonus, &c.*

Item *Eutropius Longobardus*, qui fuit ante *Othonem I.* & ſic annis circiter ducentis ante *Sigebertum*, in libro de ſtatu Romanorum ſub Græcis, & Francis, dictæ conuentionis ita meminit: *Accipiente autem Carolo hoc regnum, proſectus eſt Romam, deditque ibi donaria multa, quæ vſque hodie Romanum tenet Dominium, de regni huius conſinibus, fecitque pactum cum Romanis, eorumque Pontifice, & de adoratione Pontificis, vt intereſſet quis legatus, & vt contentioſas lites ipſe deliberaret.*

Item *Paulus Diaconus* ipſis rebus geſtis interſuit, & à *Carolo* captiuus abductus eſt, qui in libro de Episcopis Metenſis Eccleſiæ ita ſcripſit, *Denique inter plura admiranda quæ geſſit, Longobardorum gentem bis ita à patre deuictam,*

Etiam, altero eorum Rege, cui Desiderius nomen erat, capto, &c. Vniuersam sine graui praelio sua subdidit ditioni, & quod raro fieri assolet, clementi moderatione victoriam temperauit, Romanos præterea, ipsamque urbem Romuleam iam pridem eius præsentiam desiderantem, qua aliquando mundi totius Domina fuerat, & tunc à Longobardis depressa gemebat, duris angustiis eximens, suis addidit sceptris, cunctaque nihilominus Italia miti dominatione potitus est.

Ad 2^{um}. Merum mendacium est, omnes affirmare post captum Ticinum, Carolum Romam non rediisse, sed Galliam, nam Andreas presbyter in historia Longobardorum (qui cum Ludouico pro Imperatore vixit) dicit, *Igitur subiugata, & ordinata Italia ad Romam perrexit, ibidem Palatium construxit, ipse vero Carolus post aliquantulum tempus Franciam reuersus est.*

Remingus Præpositus sancti Galli in gestis Francorum sub anno Dom. 26. Papiæ ciuitas conquisita, & rex Desiderius, & Ansa vxor eius pariter exiliati sunt, & Carolus ad Romam peruenit.

Marianus Scotus lib. 3. Chronic. ætate 6. Rogatu Hadriani Papæ in Italiam perrexit, ibi

Desiderium regem Longobardorum longa obsidione fatigans in deditionem suam suscepit, filiumq; eius Adelgisum, in quo omnes spem inclinabant, ab Italia compulit, atque Italiam totam subegit, & omnia a Longobardorum regibus erepta, tam Romanis, quam Hadriano Papæ restituit; & tunc primum Romam peruenit, Sabato sancto Pascha.

Hermanus Contractus, in Chronico primæ editionis, Carolus Longobardos cum Italia subiecit, anno ex quo intrauerant 205 ipseque cum triumpho Romam venit.

Quod igitur Eginhardus asserit, Carolum quatuor vicibus Romam venisse, Romam pro Italia sumendam esse constat, nam primus aduentus contra Longobardos, & tertius contra Ducem Beneventanum declarant; isti enim Romæ non erant, nec inibi bellum gerendum erat, sed Papæ, & Beneuenti; Quamobrem Romam rediisse non dicitur, id est Italiam, vnde discessisse non videtur.

Neque inducijs locus esse poterat; Nam Carolus expeditionem in Longobardos instituturus, omnes Regni sui Principes & seculares, & Ecclesiasticos conuocauit, Episcopos, Abbates, & Prælatos, quos antiquo Regum iure, expeditionis socios atque comites ire iussit,

iussit, perduxitque secum Romam, ita affirmat *Anastasius* Bibliothecarius de vitis Pontificum.

Idem dicit *Notherus Balbulus* in lib. 2. de gestis *Caroli* magni cap. 26. ubi super aduentu ad *Ticinum*, & expeditionis ordine, dicit: Post hanc cernuntur *Episcopi*, *Abbates*, & *clerici cappellani cum comitibus suis*, &c. Hisce *Romæ* relictis cum Pontifice, ipse ad bellum conficiendum regressus est.

Et infra hoc temporis interuallum, Concilium à Pontifice celebratum fuisse, scribit *Marsilius Patavinus* in tractatu de translatione Imperij cap. 8. Veniens *Carolus* in *Liguriam* & *Æmiliam*, quæ nunc *Lumbardia* plana vocatur, in circuitu *Ciuitatis* *Papiæ* sua tabernacula fixit, & castris circum circa dispositis, ut fidem sequamur *historiæ*, in eisdem *Natale Domini* celebravit, Deinde verò exercitu derelicto, *Romam* causa deuotionis accessit, ibique cum *Hadriano* Papa pascha *Dominicum* simul egit, factaque sollemnitate *Paschali* ad castra reuertitur circa *Papiam*, continuat aque obsidione ciuitatem expugnauit, *Desiderium Longobardorum* regem cum uxore & filijs cepit, qui *Caroli* subiiciuntur potestati: Ibique etiam omnes aduenientes *Italici* de singulis

lis ciuitatibus ambasciatores, & nuncij se Regis do-
 minio subiecerunt: Quibus sic feliciter expeditis,
 & inde Romam accedens, temporalia Ecclesia
 Romana restituit, simulque Ducatum Spoleta-
 num, & Beneuentum eidem sua liberalitate de fa-
 cto donauit: Tunc Hadrianus beneficij tempora-
 libus dicti Principis allectus Centum & quinqu-
 aginta trium Episcoporum, & Abbatum Romae
 concilium congregauit, ibique cum vniuersa Sy-
 nodo glorioso Principi Carolo regi Franciae ius &
 potestatem dedit eligendi, Pontificem Romanum,
 & sedem Apostolicam ordinandi, atque patricius
 dignitatem eidem concessit, qua olim quasi pater
 principum videbatur. Insuper Archiepiscopos, &
 Episcopos per singulas Prouincias ab eo inuestitu-
 ram accipere definiuit, & ut nisi à Rege laudaretur,
 & inuestiretur Episcopus, à nemine consecra-
 retur, omnesque contra praedicta facientes, anathe-
 mate maledixit, & nisi rescipiscerent, bonis priuari
 mandauit. Quorum nullam faciendi, aut conceden-
 di auctoritatem habuit Pontifex, aut alter Episco-
 pus, siue clericus, nisi demum Romani populi ordi-
 natione, atque mandato, Prima siquidem concessi-
 one, potestatem videlicet Romanum Pontificem
 ordinandi, non fuit vsus Carolus memoratus, quod
 fortè fuit, quia pauci Pontifices fuerunt tempore
 sui

sui regiminis à concessione prædicta, quod fuit spatium quadraginta annorum, soli enim prædictus Hadrianus, & Leo tertius, prædicti temporis spatio Romani Pontifices extiterunt, qui quadraginta quatuor annis, & mensibus aliquibus Ecclesia Romana præfuerunt. Verum nec ipsum Carolum tali iuri sibi competentem, ex concessione prædicta renuntiassè, ab aliquo reperitur. De secunda verò concessione, videlicet Episcoporum installatione, se aliquoties inuromissit, ut ex eius gestis in plerisque locis apparet. Hæc Marsilius.

Ad tertium, Electionem, & confirmationem esse diuersa inter se patet, præsertim quia diuersis personis competunt, Nam superior est, qui electum confirmare debet. cap. finali. de electione lib. 6. ideoque si Carolus electionis ius liberum esse iussit, non ideo à se confirmandi ius abdicat, atque inuestituram faciendi, quæ in eum ab Hadriano, & Synodo generali translata fuerant.

Carolus Molineus in suis Commentarijs ait: Non obstat quod Platina in Benedicto secundo, & post eum Sabellic. Enead. 8. lib. 6. & Antoninus titulo 13. cap. 1. §. 3. scripserunt Constantinum quartum Imperatorem Constantinopolitanum, dicti Benedicti sanctione permotum

T

statuisse,

statuisse, ut quem deinceps clerus, populus, exercitusque Romanus in Pontificem delegisset, ordinaretur, nulla Constantinopolitani Principis, vel Italia Exarchi expectata ordinatione, & auctoritate, ut antea fieri consueverat (id enim ratum erat in creando Pontifice, quod Princeps confirmasset, vel qui tunc pices in Italia gerebat) cum quia sanctitas Pontificis solus more instituti (præter id, quod vix nota esse potuit ultra mare, cum doctus Benedictus vix decem menses superstes fuerit) potius monere debuisset ad observandam eam civitatem, & receptum morem, quam ad illum infringendum, tum quia illud mutuati sunt à Bibliothecario authore suspecto, quippe qui scripta sua consercinavit, & quibuslibet apocriphis, siue falsis scripturis in scrinijs, vel bibliothecis Papæ, quibus præerat, repertis, modò essent in Domini sui favorem: Tum quia prætena illa constitutio Constantini (quam falsam puto) nunquam effectum sortita fuit, ut expresse testatur Volateranus Antropologia libro 22. Ex cuius verbis potest deprehendi, vel modico tempore servatam non fuisse, de quo satis constitit, paulò post Benedictum, in canone apud Platinam, Hæc Molineus.

Bembemburgius Episcopus Bamburgensis, in dicto libro 8. scribit, Licet Imperatores Romanorum

Romanorum ante tempora Caroli Magni, siue ex privilegio Ecclesie Romanae, siue ex more habuerint dispositionem sedis Apostolicae, in tantum quod post electionem Romani Pontificis, decretum electionis Papae, presentabatur Imperatoribus, & postea cum eorum conscientia, & ordinatione Romani Pontificis institutio procedebat. ut patet in Canone, Agatho. distinctione 63. non tamen reperi in aliquibus Historijs, Chronicis, vel Canonibus, illos Imperatores illi privilegio, siue mori renuntiasse; sed reperi, quod quidam Imperator, pecuniam, quae erat dari solita Imperatoribus in ordinatione Romani Pontificis, remittebat; ut patet in d. Canone, Agatho, qui sumptus est ex gestis Romanorum Pontificum, ut ex superscriptione ipsius Canonis continetur.

Platina in vita Gregorij noni, qui praefuit Pontificatui, anno Christi 1072. Gregorius inquit; *Multis muneribus ultro, citroque missis cum Henrico Imperatore in gratiam redijt, qui eum in Pontificem Romanum confirmavit, ut tunc temporis mos erat.*

Ad 4. probatur, investituras etiam Caroli Magni tempore fieri consuevisse. Liutfredes Praesbyter Aninionensis, qui Pipino Caroli

*Magni patre Rege Francorum & Aleman-
norum vixit, carta 42. anno Domini 754.
Trado vobis seruum meum nomine Nhideg, &
uxorem eius Bruma, & cum oba sua, & cum om-
nia quo vestiti sunt, & alium seruum meum, no-
mine Vuolpharium, cum uxore sua Athane, cum
oba sua, & cum omnia quo vestitus est: Hoc est
inuestitus & beneficiatus.*

*Hirinus lector, carta 58. quæ est de tra-
ditione Pietæ comitissæ, scripta sub Hilde-
rico Rege illo, cui Pipinus Caroli Magni pater
in Regno successit, anno Domini 745. Post
meum verò discessum, illas res ad Monasterium
sancti Galloni ad melioratas reuertant, &c. manu
vestita patribus meis, vel heredum meorum: cum
Dei gratia, & nostram successionem possideant.
Quamobrem manu vestita, est pacto, vel
conditione feudali, vel emphyteoticaria da-
re: Hinc descendit nomen inuestituræ, cu-
jus exempla habentur in chartis ætempore
Caroli Magni, & Ludouici Pij eius filij, scriptis
ab Etchone Archi-presbytero, 28. Anony-
morum 95. & 97. ibi videri poterunt. Remi-
dingus Presbyter, Carta 77. sub Ludouico Pio
scripta de Abbate sancti Galli, post vestitu-
ram, & concessum easdem res illis in bene-
ficio,*

ficium, & censum concedimus.

Huiredus clericus Nibalgauensis carta 77. quam scripsit anno Pipini Regis 13. hoc est de anno Domini 776. Genitor noster *Manulfus* omnem hereditatem, & substantiam suam tradidit ad monasterium sancti Gallonis, & nos post hac exuti de omni re paterna nostra, reuestimus *Vuolfstanum* Monachum, & missum ipsorum Monachorum per tribus diebus, & per tribus noctibus, & per beneficium ipsorum Monachorum reintrauimus.

Denique cum appareat derelictione *Ludonici* Pij, & ita diuturna Romanorum Pontificum obseruantia intellexit, amplius in controuersiam poni non decet.

Et ex his satis superque licet intelligere *Baronium* valde errasse, qui putauit ex eius scriptis persuaderi posse, historiam Ecclesiasticam *Sigeberti* falsam esse, atque imposturæ nomen mereri. Cur enim quæ antiquitus obseruata sunt, stare prohibentur, liber decretorum *Gratiani* ab antiquissimo tempore tanquam verus vbilibet terrarum receptus fuit, nulli vnquam huius imposturæ nomen suppetijt, Cur quæso in mentem *Baronij*, qui tantum prima Grammaticæ rudimenta

dimenta Sorte in patria sua semper profectus est, venire potuit: ita ut nouo homini Canonum ignaro, & sui *Clementis* adulatori credi possit.

Nunc quomodo prafaram retro donationem *Leonis* impugnet, videamus, *Baronius* igitur annalium tomo 10. sub anno Christi 964. §. 21. ita imposturam etiam esse ostendere conatur.

Primo, quia *Otho* à *Ioanne* Papa consecratus fuit, Imperator, ut omnes attestantur, ergo nihil opus erat, ut à *Leone octauo* patritius fieret, atque Rex, nam cum ipso Imperio Patriciatus dignitas concessa fuit, & magis est ut Rex dici debeat, quam Imperator.

2. Quia in fine bullæ *Leonis octauo*, Si quis cōtra hanc regulam, & Apostolicam auctoritatem aliquid molietur hanc excommunicationi subiacerere decernimus, & nisi rescipuerit irreuocabili exilio puniri, vel ultimis supplicijs affici: Hoc autem abhorret à Romanorum Pontificum constitutionibus, nimirum, ut violatoribus etiam pœna mortis irrogetur, ut ex his planè impostura noscatur, sed ab insipiente fictore ineptè composita.

3. Cuius roboris dicta *Leonina* constitutio esse potuit, qui ab eo composita est, qui non est dignus

mus qui Pontifex appelletur sed intrusus, et occupator potius nominandus est.

Nam sub anno Domini 963. in §. 13. & sequentibus & §. 24. & sequentibus, probauerat Synodum illam generalem sub *Othone*, *Iohannem* Papam 12. priuare non potuisse; qui legitimus Pontifex aestimabatur, atque probabat, 1^o quia imputationes, & delicta contra Papam *Iohannem* opposita, per septuaginta duos testes probata non fuere, prout necessarium erat.

2. Non præcesserat trina citatio, sed solum bina contra Papam *Iohannem* apparebat.

3. In nulla Synodo apparet potest Episcoporum confessum ab Imperatore petiisse, ut aliquem Episcopum, vel clericum condemnaret, sed potius ab Imperatore postulatum, ut sancta Synodus hominem Ecclesiasticum damnet, quod fecus factum apparet, videlicet hanc Synodum *Othone* rogasse, ut *Iohannem* expelleret, & alterum subrogaret.

4. Quia cum idem Papa *Iohannes* conuocaretur ad Synodum, ad se purgandum dubitans ob propria scelera priuandum esse, atque alterum Pontificem sui loco eligendum

gendum, literas dedit, quibus excommunicatione eos illaqueavit, qui ad electionem alterius Pontificis procederent; Ideo Baroni-
us electionem de Leone nullam esse asserit, tanquam ab excommunicatis factam, Quare in §. 29. huius anni 963. concludit, cum nulla
 ex parte condemnatio de Ioanne Papa substituere possit, spurium, & sacrilegum Synodale iudicium fuisse, omnique ex parte inualidum reddi, ac penitus nullum simulque subrogationem Leonis in Ioannis loco factam eodem iure censeri, Scriptorumque errorem nullum veritati praeiudicium afferre posse. Neque numerata Leonum ita nominatorum Pontificum series esse faciet, quod non est. Sed tantum abest, ut quae hic Baroni-
 us contra Leonem scribit, vera sint, ut ipse idem Baroni-
 us veritatem in contrarium esse fateatur. Nam in tomo 10. anno Domini 996. §. 41. Cum verò ante collatam, inquit, à Romano Pontifice concessionem eligendi Imperatorem electoribus ipsis, eo iure carerent, etiam Imperatores, ut successorem sibi deligerent, magno Othoni id primum à Romano Pontifice reperitur esse concessum. Extat de his Leonis Papae octavi decretum, ad Othonem primum Imperatorem datum, quod

quod & recitant ipsi Nouatores, cum inter alia ipse Pontifex, quo protrahat ipsum Imperatorem ad liberandam Romanam Ecclesiam à tyrānis oppressam, concessit ipsi facultatem eligendi sibi successorem, sunt hæc verba ab eisdem pariter recitata; Nos quoque Leo seruus seruorum Dei, &c. Episcopi similiter cum cuncto clero, &c. Successorem eligendi, &c. Idque factum ut auctoritate huius diplomatis, ipsi sibi filium eligerit successorem in regnum primo, deinde in Imperium promouendum: Ex præscripto igitur Romani Pontificis factum videmus, ut non Rex eligeretur ab electoribus, sed ipsi Imperatores Primus, & Secundus Otho successores regni in Imperium promouendos filios nominauerint: Quem igitur primum Baronius improbauit Leonem octauam, nunc hisce verbis expressis, veritatem fatendo, approbavit: si Pontifex legitimus non fuit, si eiusdem acta irrita Baronio dicenda esse videntur, quare hoc eodem ipsiusmet Pontificis decreto, Imperium ordinari ipsemet tam vanè ostendat, ut non immeritò vel improbissimam calumniam, vel stultissimam suam ignauiam appellandam esse scriptum à plerisque fuerit.

Quod autem primo loco dicit, omnes

fateri *Othonem* à *Ioanne* Papa coronatum esse. *Platina*, qui etiam Romæ scripsit, contrarium in *Ioanne* 13. dicit; Hanc ob rem *Otho* in *Italiam* mouens quidem primo *Berengarium*, & *Albertum* filium in potestatem redegit, alterumq; *Constantinopolim*, alterum in *Africam* relegat, Mox *Urbem* ingrediens ab ipso *Ioanne* honorificentissimè suscipitur, coronaturque (ut quidam tradunt) accepto *Germaniæ* *Pannoniæ*que titulo, quod reliqui Imperatores deinceps obseruarunt, translato tum primum ad *Germanos* Imperio. Alij verò à *Leone* octauo hoc factum existimant, quorum opinionem *Gratianus* in decreto sequutus est, priorem sententiam *Richardus*, & *Cusentinus* non improbant, *Lateranensis* autem *Bibliothecarius*, *Othonem Ioannem* tempore *Romam* venisse, sed de ipsius coronatione nullam mentionem facit.

Ad 2^{um}. sæpe sæpius ius canonicum mortis pœnam imposuit, in cap. 1. De homicidio, habetur, quod homicida, qui per insidias necat, ab altari euelli debet, ita ut moriatur, quod idemque scriptum est, *Exod.* 21. & in cap. 1. De furtis, habetur, *Qui hominem furatus fuerit, & vendiderit, morte moriatur*, atque utrobique firmiter Canonistæ quod Ecclesia

Ecclesia directè hanc mortis pœnam non infligit, sed indirectè videlicet degradando & tradendo, siue relinquendo curiæ seculari.

Ad 3^m. Nunc *Baronius Leonem* Pontificem legitimum esse negat, & sub anno Domini 996. §. 41. legitimum probauit: sed quantum ad probationes ab eo inductas pertinet, respondetur, ad 1^{am}. probationem; Inter omnes Canonistas duos duntaxat testes contra Papam sufficere receptum est, glossa singularis ab omnibus æstimata in cap. Præsul. causa 2. quæstione 5. & communiter ab omnibus approbata Abbas in cap. Per tuas in fine, de maioriata, & obedientia, & in cap. At si clerici. num. 3. de iudicijs, & in cap. Tertio loco. de probationibus, & in cap. Quoties. de testibus, *Corsetius* in singulari: 204. in verbo, Papa: & licet textus in ipso cap. Præsul. dicat contra Cardinales septuaginta duos testes requiri, ex eo idem si contra Papam agatur, inferri non potest, vti probant præfati Canonistæ: & de intellectu dicti cap. Præsul. & de causa, Cur. tunc temporis ita sancitum fuisset, scribit Abbas in cap. Licet vniuersis, de testibus, & *Gemini-*

anrus in d. cap. Præful. & Romanus in Authentica Similiter. versiculo 34. Codice Ad legem falcidiam. Ad 2^{am} probationem, Negatur trinam citationem non interuenisse, quoniam historigraphi ita scripserunt, quibus in antiquissimis credendum est, præsertim longo vsu receptis.

• *Sigebertus Gemblacensis* in historia Ecclesiastica, sub anno 963. *Collecto à tota Italia Episcoporum Concilio, Ioannes Papa de nefarijs causis infamatur, qui tertio euocatus, dum se excusare, venire cunctatur, post multa tandem eo à cunctis præiudicato, Leo, adhuc laicus electione omnium, & consensu Imperatoris Papa substituitur.*

Sed esto quòd bina tantum citatio præcesserit, vt *Baronio* in §. 24. anni 963. probatur, nonne vnica tantum & peremptoria sufficit? L. Peremptoriam ff. de iudicijs L. contumacia ff. de re iudicata L. consentaneum. C. quomodo, & quando iudex. •

Ad 3^{am} non apparere aliquando Imperatorem aliquem Ecclesiasticum cõdemnasse: Imò si *Baronius*, & sui verum fateri velint, contrarium promptè ostenditur, *Otho* 3. anno Domini 984. postquam intellexit *Gregorium* quintum, quem ipse Pontificem constituerat,

stituerat, à Romanis dignitate pulsum esse, atque *Placentinum* suffectum fuisse Romam pertendens Simoniacum Papam vi cœpit, & conuocato à se Concilio, causa cognita, oculos erui iussit, *Gregorium* que sedi suæ restituit. Item *Hemicus* 2. Imperator anno Domini 1045. *Benedictum* nonum *Siluestrum* tertium, & *Gregorium* sextum Synodaliter deposuit, vt est in *Platina*, in *Gregorio* sexto.

Ad 4^{am}. si propter excommunicationem Cardinalium electorum ipsæ Paparum electiones essent inualidæ, nullus Papa hucusque verè electus dici posset, cum notorium sit omnes Cardinales electores contra formam iuris canonici, & constitutionum Papalium palàm agere, atque censuras incurrere; Neque ipse assertus Papa *Ioannes* 12. poterat ad Cardinales scribere, vt sub excommunicationis pœna ad alterius electionem non procederent, tum quia ipse *Ioannes* in Papatu intrusus erat, vt etiam *Baronio* probatur anno Dom. 963. §. 14. & intrusus in Papatu excommunicatus est, sed excommunicatus alterum excommunicare non potest, cap. Audiuius. causa 24. quæsti-

one 1. *Immoentius* in cap. Si verò. de sententia excommunicationis, Abbas in cap. Ab excommunicata. num. 7. de rescriptis *Felinus* in cap. Ad probandum. num. 7. de iudicijs, Tum quia à Concilio vocatus, specialiter de ordine Imperatoris conuocato, qui perfidus, pacifragus, maleficus, adulter, Sodomitæ, sacrilegus, & hæreticus accusabatur, & ideo cum eius nomen inter reos recæptum fuisset, quolibet Catholico minor erat, ergo in Concilio contra ipsum congregatos excommunicare non potuit.

Miratur *Baronius* in d. §. 14. Cur etiam *Ioannem* de intrusione Papatus non accusauerint, his verbis: *Sed mirum quod de eius intrusione in sedem Apostolicam cum adolescens erat, decem, & octo annorum, nullum sit factum illi negotium* : At scias illud non humanitatis gratia donatum esse, & indultum miserationis ergò, sed magno artificio prætermissum, etenim si fuisset *Ioannis* electio ostensa nulla, æquè *Othonis* Imperium, quod acceperat à *Ioanne* fuisset illegitimum declaratum, vtpotè collatum ab eo, qui Pontifex non fuisset.

Si igitur intrusus *Baronio* notoriè probatur,

batur, ergo in eius persona electio nulla ex-
 titit, quamobrem omnia huius generalis
 Concilij acta, ex hoc solo subsistere dicen-
 dum est, & electio de *Leone* octauo impug-
 nari nullo modo debet, & resolutis opposi-
 tionibus *Baronij*; Cùm *Leo* octauus verus, &
 legitimus Pontifex fuerit, *Othoni* cedere po-
 tuit, atque Imperatoribus semper subiectum
 se declarare;

Licet *Henricus* Imperator ad habendam
 cum Ecclesia Romana pacem, in Conuentu
 Vuormatiensi, anno 1123. ius, & inuestitu-
 ram Episcoporum extinxerit, atque Eccle-
 siæ remiserit, vt testatur *Orto* Frisingensis
 Episcopus Chronicor. lib. 7. cap. 16. dicens,
Romano Imperio multis modis in se attrito, Impe-
rator propter anathema deficere à se regnum vi-
dens, patrisque Henrici metuens exemplum, con-
gregato iuxta Wormatiam maximo Principum
conuentu, inuestituram Episcoporum, Legato sedis
Apostolicæ Lamperto resignauit.

Tamen hoc pro bono pacis sibi soli, &
 non alij datum dicunt Romani; eadem re-
 perit *Gotfridus* Vitembergensis in Páth. part.
 7. & *Guillelmus* Tyrius de Bello sacro lib. 1.
 cap. 13.

Leopoldus

Leopoldus Episcopus Bambergensis De Zelo veterum Principum Germaniæ cap. 8. scribit. Has inuestituras, seu potestatem inuestiendi Imperator *Henricus* quintus, sub anno Domini 1122. in manus Episcopi Hostiensis tunc Legati Ecclesiæ Romanæ, vice, ac nomine *Calixti* Papæ, ac eiusdem Ecclesiæ, renuntiationem recipientis Vuormatiæ resignauit, vt in Historia Francorum plenius continetur. Sed re vera ista resignatio, præsertim quoad inuestituras Archiepiscoporum, & Abbatum Monasteriorum Germaniæ est eiusdem *Henrici* quinti deuotioni, quam erga Romanam Ecclesiam habuit ascribenda; Neque ipsi Imperio, eiusque iuribus præiudicium facere potuit, vt probauit supra in cap. 4. propè finem, Præsertim quia omnes prædecessores sui, Reges, & Imperatores, non tam virtute priuilegij Imperatoribus à *Leone* octauo in Concilio generali concessi, quam ex hoc quod vt plurimum erant patroni, seu dotatores Ecclesiarum Cathedralium & maiorum Monasteriorum Germaniæ, inuestituras Episcopatum, & Abbatiarum in ipsis Germaniæ partibus vsque ad tempora *Henrici* facere consue-

consueuerunt, vt pater ex eadem Historia Francorum, & alijs Chronicis. Nec erat nouum apud ipsos tantum, Nam & Reges Hungariæ vsque ad tempora prædicti *Paschalis* (vt refert Chronica *Martini*, & Reges Burgundiæ, vt refert Historia Francorum sub gestis *Henrici* secundi, & etiã Reges Angliæ, prout *Eduardus* Rex Angliæ asserit in Epistola, quam scripsit Domino Papæ *Clementi* sexto, sub anno Domini 1343.) id ipsum in suis regnis facere consueuerunt, & Reges Angliæ & Normanniæ præbendas Ecclesiarum conferre solebant, quia ipse Rex est patronus earum, & habent ab eo magna feuda, ideo ratione iuris patronatus, vel ratione feudorum illa confert, vt notat Archidiaconus in cap. Imperium. distinctione 10.

Ergo resignatio quam *Henricus* ex religioso mentis affectu fecit, cæteris Imperatoribus successoribus præiudicare non potuit; Ideo *Marsilius Patavinus* in defensorio pacis part. 2. cap. 26. scribit, quod postea eandem renuntiationem ex causâ legitima reuocare voluerunt, seu potius reuocarunt

simpliciter, aut in parte; *Otho* quartus, & *Fredericus* secundus Romanorum Imperatores, quamvis Episcoporum, & cleri Romani plurimas insidias, persecutiones, & impedimenta passi fuerint.

CAP. 2.

CAP. IX.

Ostenditur Pontificem Romanū nullo modo in Reges, & Principes eorumq̃ subditos animaduertere posse.

Romanus Pontifex à Concilio Nicæno in suo Patriarchatu restrictus fuit, nec plus authoritatis, quàm cæteri habent, consequutus est; Et si cæterorum Episcoporum respectu consideretur, omnes Apostolorum locatentes existere, non autem Vcarios, secundum certa principia probatum est; Quo iure igitur hanc in reges, & principes, eorumque subditos potestatem habeat, neque *Bozius*, neque *Marta*, neque *Suarez*, aut quicumque alius, Romæ veritatem gustare non valentes, ostendere poterunt, & cum totam iurisdictionem vsurpasset, vt superius in progressu Papatus patuit; Quod *Suarez* in defensione fidei lib. 3. cap. 23. num. 10. asserit, ius Canonicum ab vniuersali Ecclesia approbatum esse, & ibi in §. 15. Ideo eodem

dem iure Papam Francorum Regem priuasse, aliumque instituisse falsum est, quoniam neque maior propositio in Ecclesia recipitur, cum sapissimè Theologi diuersas à Canonistis sententias approbent, Controuersiarumque inter eos resolutio firmata, atque recepta est, vt in causis fidei, Theologorum sententia Canonistis præualeat, & *Baronius* multos Canones sæpe falsos esse probat; Neque minor vera esse potest fundata in cap. Alius. causa 15. quæstione 6. Vbi *Zacharias* Papa titulum Regni à *Childerico* Rege in *Pipinum* transtulit; Quod enim *Zacharia* à *Gratiano* ascribitur, cæterisque Canonistis recipitur, falsum est, cum omnes illius temporis scriptores fateantur *Stephanum* secundum fuisse, qui *Pipinum* in Italia contra sibi infestos *Longabardos* vocauit, atque venientem absoluit à iuramento præstito Regi suo (*Chilperico*, eodemque inaudito, non vocato, non defenso, nec accusato, aut delato, vt ait Abbas *Vspergensis*, & *Eutropius* in lib. 22. scribit, atque *Eginhardus* in vita *Caroli Magni*, qui illius Cancellarius erat.

Non desunt autem qui dicant, ipsum
Zachariam

Zachariam antea consultum fuisse, quis mereretur Regis nomen in Francia, an is, qui nomen tantum haberet, & nullam potestatem, an verò qui regeret, & Papam pro *Pipino* respondisse, & tunc Francorum more illum in solium eleuatum esse, atque *Chilpericum* in Monasterium detrusum, vt *Aymonius* in lib. 4. de gestis Francorum cap. 61. Quæ verba consequuta sunt quæstionem propositam de regno controuerso, non inter *Pipinum* & *Chilpericum*, sed inter *Pipinum* & *Griphonem* siue maiorem, siue minorem natu, qui post mortem *Caroli Martelli* patris eius *Pipini*, & *Carolomanni* tanquam primogenitus regnum patris, quod vsurpauerat in Gallia, ante depositionem *Chilperici* habere volebat, vt scribit *Aymonius*, in lib. 4. cap. 58. aduersus quem iam præscripserant, atque potiti regno erant *Pipinus* & *Carolomannus*, vt in eodem libro 4. de gestis Francorum cap. 59. Ab his igitur consultus *Zacharias*, quis illorum regnare deberet, respondit pro *Pipino*; Nam & ante *Zachariam* primum, & ante *Stephanum* secundum multis annis constat, *Carolus Pipini* patrem regnum vsurpasse, atque Franciam filiis per regna diui-

fuisse, videlicet *Pipino* & *Carolomanno*, vt idem *Aymonius* in lib. 4. cap. 54. & 55. & 56. & 58. diffuse scribit. Item quamuis legatio ad *Zachariam* pro *Pipino* dicenda esset, Responso *Zacharia* in consequentiam trahi non debet, hoc enim cognitionem causæ merebatur, cum *Chilpericus*, qui Regiam potestatem per se ipsum non exercebat, sed per Maiorem domus, ac duces, ideo minus Rex esset, quoniam illam regulam etiam rustici non ignorant, qui per alium facit, per seipsum facere videtur, quam Papa *Zacharias* ignorare ostendit, & potius cum affectu iudicare; Nam & in primis *Carolus Martellus*, & *Pipinus* Maiores domus aulae Regiae Regis Francorum erant, ergo ex ipsorum titulo potestatem, Regis nomine, non proprio, exercebant: Præterea si *Chilpericus* nullum ius habebat, cur depositus dicendus erat? Priuatio præsupponit habitum, quare *Gratiani* canon pro *Zacharia* scriptus, proposito Canonistarum non deseruit, vt potestati Papæ fauceat, imò oppugnat, quia ignorantiam, atque corrupti affectus peruicaciā denotat: Ergo Papa author translationis regni, & depositionis (*Chilperici* dici nullo modo potest.

In

In cæteris verò a *Suarez* allegatis in dicto §. 15. nullus ex Canonistis fundamentum facit, nam & *Baronius* ab ipso citatus, hoc duntaxat scribit, *Ducebant*, ait, *Francorum Reges in expeditione secum Episcopos complures, quorum consilijs, atque precibus iuuarentur, &c.* Ideo falso allegatur, quod Episcoporum auctoritate fulti regnum inter sese diuiserunt. Et ipsa extrauagans Vnam sanctam. *Bonifatij* octauæ, à *Martino* quinto successore reuocata est, atque iussum, vt contra Regnum Franciæ vltcrius non allegaretur.

Multo minus Canonistarum opinio iuari potest, ex cap. Grandi. de supplenda negligentia prælatorum lib. 6. Nunc cum magnates Regni Lusitaniæ *Alphonsum* coadiutorem Regi *Sanctio* secundo eligerint, atque subditi in illis partibus, parùm de virtute iuramenti homagij ligij informati; quod ipsi *Sanctio*, eiusque filio iurauerant, valde dubitarent, an si coadiutori obediuisent, periuri essent, Pontificem Romanum *Innocentium* quartum consuluerunt, apud quem adhuc sanctitatis prædecessorum memoria continuabat, atque prudentissimorum hominum concursus viuebat : Sed quod

quod per modum Consilij in quibusdam literis scriptum est, vt *Hieronymus Bardus* scribit in sua Chronologia anni 1247. in §. de regno Portugalliae *Bonifacius* octauus iurisdictionis auidus, tanquam auctoritate Pontificia factum in sexto libro Decretalium compilauit: Quod si auctoritate Pontificiam factum esset, neque *Antonius Florentinus*, neque cæteri historici, qui *Innocentij* gesta annotarunt, tacuissent; ipsa verò epistola *Innocentij* ad *Alphonsum* scripta, suppressa est; Decretalis autem inde compilata multa tunc, multaque addidit, veritas vnde colligi potuisset: Itaque quod consulendo dicitur, ad potestatem pertinere non potest. Certa erat iuris conclusio, subditos regni in periculum non incidere, si coadiutori à magnatibus pro regni salute electo obedirent; Hinc neque Regi *Sanctio*, neque eius filio præiudicium parari poterat; Nam & filij Regum pupilli, ac infantes, imò concepti tantum, ac in matris utero existentes, in iure successionis regni conseruantur, datis illis tutoribus, aut curatoribus, vel administratoribus, in quorum datione Papæ potestas nunquam interuenit, Refert *Nicephorus Callixti*

lixi in lib. 7. cap. 20. *Saporem* nonum Regem Persarum, anno Dom. 310. in matris utero coronatum esse. *Iustinus* in li. 3. tradit *Lycurgum* restituisse posthumo nato fratri *Polidecta* Regis Spartanorum Regnum, & ei s nomine pendente minoritate, administrasse, *Plutarch.* in vita *Lycurgi*. Regnavit *Clotharius* infans filius Regis *Clodovei* per quatuor annos, neque quandiu vixit, alius ei in Regno præpositus est, *Aymonius* in lib. 4. de gestis Francorum cap. 5. *Ioannes* filius *Ludouici* Regis Galliarum post mortem patris, natus adhuc quindecim dierum tanquam Rex ducebatur ad Remenses, ut consecraretur, sed in itinere mortuus est, *Paulus Æmilius* in *Hutino*. *Baldarus* ferè in cunis existens *Longobardorum* Rex fuit, *Procopius* lib. 3. In coadiutoribus, siue curatoribus dandis neque Papæ potestas interuenit, neque consilium; quod singulariter aliquando factum est, ad exemplum trahi non debet.

Quod verò allegant Pontifices Romanos aliquando regno Imperatores priuasse, hoc non ex absoluta super omnes alios potestate procedit, sed quatenus priuati homa-

gium fidelitatis Pontifici fecerint, *Antonius de Rosellis* in tractatu de potestate Imperatoris, & Papæ in §. Decimæ rationi respondetur. Rex Neapolis cum de regno à Romano inuestitur, fidelitatem, & homagium illi facere debet, & nisi aliò sacramento promittat se nunquam Imperium Romanum, eiusque dignitatem adepturum esse, inuestitura regni non conceditur: Hoc obstabat *Carolo* quinto ad Imperium electo, quod *Clemens* septimus relaxare recusans, primum, exercitu *Borbonico* Romæ perterrefactus, mox pactis, & conuentionibus datis hinc inde spiritualibus, & temporalibus absoluit: fidelitatis ratione subditus fieri dicitur, Nec est nouum, vt Dominus ex causa subditum suum priuare valeat: In cæteris Regibus iuramento non subiectis, nihil certi vnquam firmare poterunt. Sed è contra sæpe factum est, vt Pontifices, qui propter inuestituram se Imperatori subiecerunt, ab illo priuati, atque puniti fuerunt, *Orto* tertius Placentinum Papam symoniacum priuauit, atque oculos erui iussit, *Henricus* secundus *Benedictum* nonū, *Syluestrum* tertium, & *Gregorium* sextum deposuit, vt alias supra recensuimus.

v. Huc-

Hucusque ex nullo iuris Canonici expresso canone hanc supremam in Pontifice Romano Regis priuandi potestatem probari posse, constat; Nunc idem probandum est, ex ipsis veris principijs, atque conclusionibus iuris canonici. Est de iure diuino, vt subditi suis Regibus obediant, ergo Papa illos regnis deponere non potest, quoniam contra ius diuinum dispensare prohibitus est. cap. Sunt quidam. distinctione 14. cap. Literas. de restitutione spoliatorum, glossa in cap. Proposuit. de concessione Præbendæ. *Hieremia* cap. 17. vers. 12. præcepit populo, vt obediat Regi Babel, dicens, *Submittite colla vestra subter iugum regis Babilony, eique, & populo eius seruite, vt viuatis*, Ita Israelitæ se gesserunt erga *Pharaonem*. *Exod.* cap. 5. Cui etiam veniam supplicarunt, vt libere discedere possent, Ita erga *Cyrum*, *Esdra* cap. 1. à quo etiam reditus veniam impetrarunt, vt templum ædificarent.

Et *D. Paulus* ad *Roman.* cap. 13. hortatur omnes mortales, vt propter conscientiam suis Dominis subiecti sint. Item 1. ad *Timot.* cap. 2. orandum pro omnibus iubet, & præcipue pro Regibus, & in autoritate

constitutis, vt sub ijs piam & pacatam, honestamque vitam degamus; Et D. *Petrus* in Epistola 1. cap. 2. Omnibus quidem potestatibus superioribus obtemperandum esse, iubet, sed potissimum Principibus, ac in eminenti collocatis; Etiam in Euangelio depositum est, *Reddite quæ sunt Cæsaris Cæsari, & quæ sunt Dei Deo.*

Reges ipsi quantumcunque peccauerint, etiam si diuinæ maiestati rebelles extiterent, quousque vixerint in regnis tolerandi sunt. *Azias* Rex Iudæ, cò quod non esset idolorum excelsa demolitus, Item quia incensum super altare adolere præsumpserat, quod ad sacerdotis tantum officium pertinebat, lepra à Deo percussus est, sed leprosus factus, regno priuatus non fuit, quamuis *Iotham* Regis filius Palatium gubernaret, terræque populum, vti coadiutor, vt in 4. libro Regum cap. 15. & in 2. libro Paralip. cap. 26. Cùm *Saul* à Deo reprobatus esset, adhuc iudicabat, eiusque iudicium, quandiu vixit, populus expectabat 1. Reg. cap. 15. *Dauid* adulter fuit, & homicida; *Salomon* ad idolatriam inclinauit, sed obtemperauit. *Achab* etiam, quamuis coleret *Baal*, tamen decem tribus iudicabat.

iudicabat. Quod autem contra ius diuinum dispēfare non valeant, sententiam dixerunt etiam illi, qui potestatem Papæ tantum, ultra iustum, extollerunt. *Aquinas* in quodlibeto 4. articulo 13. & quodlibeto 9. articulo 15. Summa Angelica in verbo, *Papa*, *Turrecremata* in libro 2. de Ecclesia cap. 107. *Io. Maiorinus* in 4. libro sententiarum distinct. 24. quæst. 12. Sūma *Siluestrina* in verbo, *Papa*, quæstione 16. *Ioannes Driedon* in libro de libertate Christiana, pagina 204. *Dominic. Soto* in libro 1. de Iustitia, & Iure, quæstione 7. articulo 3. *Iacobus Almain.* in tractatu de potestate Ecclesiæ, cap. 13. vbi valde inuehit contra Canonistas, qui contrariam sententiam affirmarunt, eorumque omnibus rationibus respondet, atq; ostendit Papam ex nulla causa contra ius diuinum dispensare, vel derogare posse, etenim lex diuina continet quæ ab ipso Deo determinata sunt, non solum in communi ratione iustitiæ, sed etiam quo ad singulares actus, qua ratione dispensationem non recipit, nisi ab ipso D E O. *Aquinas* in prima secundæ, quæstione 100. articulo 8.

Improbis est eorum prætextus, qui re-

bellant in Regem, vel populum commo-
uent, vt vexatione meliorem illum faciant,
quoniam tanquam Dei potestatem vsur-
pantes arguendi sunt, vt scribit *Anacletus* Pa-
pa in 1. Epistola, relatâ in cap. Si omnia.
causa sexta, quæstione 1. Si omnia, inquit, in
hoc sæculo vindicata essent, locum diuina iudicia
non haberent superuacuis enim ad beneficia labo-
rat impendijs, qui solem certat facibus adiuuare,
ideo si aliquis putat, se Deo in hoc placere, quod
seruos suos accusant, & vt meliores fiant, dicit se
hoc agere, in Vanum laborat, & plus inuidia sti-
mulus agitur, quam charitatis; quoniam gratie
plenitudo adiectione non indiget, nec Vlla requirit
commendationis augmenta. Ergo ista tentan-
tes, Dei indignationem effugere non pos-
sunt, & potius malè repugnâtes Dei iudicio
relinquendi sunt, quàm sacrilegio manus
polluendæ: Deus enim modis non caret,
quibus vti potest, quando Reges malos tol-
lere, aut emendare voluerit. Rex Monar-
cha solum à Deo dependet, atque illi soli
pro animabus subditorum ipse rationem
redditurus est. D. *Paul.* ad Roman. cap. 13.
Cum Israëlita à Rege *Pharaone* affligeren-
tur, illum in iudicio non vocarunt, vt cau-
sam

sam diceret, nec in eum ideo conspirarant, aut rebellionem fecerunt, sed clamauerunt ad Deum, qui voces eorum exaudiuit, Exodi cap. 2. verl. 24. sic nec captiui sub tyranno *Nabuchodonosore*, & alijs Regibus, illis diem dixerunt suscipiendi iudicij coram alijs Regibus, sed ad Deum, qui superior est Regibus, & Papa prouocarunt: Propter peccata subditorum plerunque Deus Reges in furore suo dat, atque hypocritam regnare facit: Miserrimi omnium essent Principes, si censura, ac iudicio subditorum expositi essent, impossibile enim foret Principem quamuis bonum & iustum omnibus placere posse, maxime malis, qui iustitiae metu terrentur, atque bonis sibi aduersarijs inuident. Nec vnquam melior, iustior, innocentior inueniri potuit ipso Principe, & Rege Regum Iesu Christo, quem nihilominus populus suasionem, & ambitionem eorum, qui praestantiores haberi volebant, ad mortem, tanquam abominandum postulauit, eique insignem latronum principem Barabam praetulit.

Quae potestas Romano Pontifici data non constat, neque ex iure Canonico, eiusque Principijs

Principijs fundatur, eiusdem defectus respectu subditorum Regis manifestus apparet, sed nequid in hac materia desiderari possit, etiam retentis fundamentis aduersariorum, ostendamus, ne iuramenti quidem ratione aliquid super eisdem moliri posse.

Primum pro certo firmandum est, fidelitatis iuramentum, quod à subditis Regi fit, proprium homagium ligium appellari. Speculator in titulo de feudis, §. Quoniam. num. 3. Sed homagium pro rebus temporalibus tantum præstari, certum est, & ipsum ius canonicum docuit in cap. ultimo, de regulis iuris: *Indignum esse*, ait, *& a Romana Ecclesiæ cōsuetudine alienum, ut pro spiritualibus facere quis homagium compellatur*, & ibi omnes Doctores rationem concludunt, quia solum pro rebus temporalibus Regibus & Ecclesiæ præstari debet, ita etiam probant *Andreas* in titulo de noua forma fidelitatis, *Alexander* in L. Si finita. §. Si de vectigalibus. num. 20. ff. de damno infecto. & declarat *Baldus* in consilio 291. vol. 1. ut si quis promittat se cuius hominem esse, & habitare, ubi Dominus ipse voluerit, atque seruitia exhibere, quæ iniunxerit, homagium facere dicitur, id est

id est promissionem, quod homo suus existat, *Decius* in consilio 413. num. 3. *Cassaneus* in consuetudine Burgundiæ, rubrica 3. in principio, num. 16. & in rubrica 9. §. 5. num. 3. qua ratione homagium esse rem temporalem probant, *Antonius Corsetus* in cap. Grandi. num. 150. de supplenda negligentia Prælatorum, *Antonius de Butrio* in cap. Veniens. num. 3. de accusationibus, & ibi *Felinus* num. 7. *Philippus Probus* in tractatu de iure regali & priuilegio 43. num. 13. *Homagium* igitur temporale commodum illius continet, cui præstatur, eiusque præstans subditus, & vassallus efficitur, atque ad certa seruitia obligatur.

Propterea ipse idem Papa declarauit, hoc fidelitatis sacramentum, quod inter Reges præstatur ad eius iurisdictionem non pertinere, eo quia solum temporalitatem concernit, in cap. Nouit. de iudicijs, vbi existente lite, & controuersia inter Regem Angliæ, & Regem Franciæ super regione, quam habebat citra mare præter Comitatus *Oia*, & *Guines*, cuius historiam describit *Igneus*, in tractatu vtrum Rex Franciæ recognoscat Imperium, num. 42. & in repetitione legis primæ, §.

Non alias. num. 415. ff. ad *Syllanianum*, atque *Budinus* in sua Republica cap. 5. Cum litis occasione, bellum ortum esset, tandem translatione inita, atque iurata, Rex Franciæ iterum Angliæ Regem tædio afficiebat, pacis capitula non obseruando, & cum Regis Angliæ intererat in translatione persistere, atque ageretur super obseruantia iuramenti, quod in temporalibus consistebat, consultus Papa respondet, non esse intentionis suæ turbare iurisdictionem Regis, nam cum de rebus feudalibus ageretur, pro quibus fidelitas facta fuerat, ipse qui directus Dominus est, & feudi, & iurisiurandi temporaliter pro eo præstiti, competens iudex est. *Baldus* in concil. 275. volumine 2. & in cap. Quæ in Ecclesiarum. de constitutionibus, & *Soccinus* in cap. Extransmissa. num. 36. de suo competenti, asserunt, dum Papa Regis iurisdictionem se nolle turbare, profitetur, clarè ostendit, iuramenti à subditis obseruantiam nihil spiritualitatis continere. Ex alijs etiam probari potest, iuramentum subditorum temporalitatem tantum continere; Nam & creditor etiam cui à debitore soluere iuratum est, ipsum iuramentum remittere

tere potest, vt probat *Bartolus* in l. 1. §. Et post operis. num. 7. ff. de noui operis nuntiatione & in L Labeo num. 5. de iureiurando, Abbas in cap. 1. num. 4. de iureiurando, vbi quod Creditor remittit periurium, & nulla alia absolutione opus est, & ibi disputat, vtrum Papa hoc iuramentum remittere possit, & concludit non posse, quia in præiudicium eius, cui iuratum est, nihil facere potest.

Ex quo infertur Papam impedire non posse, ne subditi, suo Regi, cui naturaliter debent, homagium faciant, Abbas in cap. Cùm parati. num. 9. de appellationibus, Idem, ait, dici debet in Papa, vt non possit impedire, quo minus Prælatus aliquis obedire teneatur quia Papa naturalem obligationem Regi quæsitam tollere non potest, vt habetur in *Clementina*, Pastoralis, de re iudicata, & per *Innocentium* in cap. Cùm inter. de renuntiatione.

Multo minus, ne subditi Sacramentum factum obseruent impedire potest D. *Ambrosius* in lib. 3. officiorum cap. 10. ita scribit: *Innocens credit omni verbo, non vituperanda facilitas, sed laudanda bonitas; hoc est innocentem*

*esse, ignorare quod noceat, et si circumscribitur ab aliquo, de omnibus tamen bene iudicat, qui si sem in omnibus esse, arbitratur. Hac igitur mentis sua deuotione inclinatus Iosua, vt crederet Gabaonitis, testamentum disposuit, pacem dedit, confirmauit societatem. Sed vbi in terras eorum ventum est, deprehensa fraude, quod cum essent finitimi, aduenas se esse simulauerunt, circumscriptum se populus patrum indignari cepit, Iosua tamen pacem, quam dederat, reuocandam non censuit, quia firmata erat Sacramenti religione, ne dum alienam perfidiam redargueret, suam fidem solueret. Item si iuramentum Regi praestitum non obseruaretur, vt illimet aliquid offensionis fieret, transitus de vno malo ad alterum fieri diceretur, videlicet à periurio ad offensionem, sed ita dispositum est, vt quando ad alterum malum transitus fit, iuramentum etiam illicitum semper seruandum sit, cap. Si quis praeventus. § Ecce. causa 22. quæst. 4. in vers. 14. *Vt in aliud malum transeat, illicitum Sacramentum damnabiliter seruatur, sed damnabilius contemnitur, cap. Mulier. §. Ex his. causa 22. quæst. 4. in versic. Vt in aliud malum perniciosum declinet, tantò grauius delinquit, quanto damnabilius peccata peccatis accumulatur.**

mulantur. Ideoque si Papa mandet iuramentum à subditis suo Regi factum, non obseruari, & ita periurium fieri, obediendum non est, quia peccandi licentiam dare non potest, vt probat *Felin.* in cap. Si quando. de rescriptis. & in cap. Accepimus. de fide instrumentorum, Abbas in cap. cum teneamur. de præbendis, Item cum ex eius præcepto aliquod scandalum oritur, aut malum futurum præuidetur, obediendum non est, *Innocentius* in cap. Inquisitioni. de sententia excommunicationis. Abbas in cap. cum parati. num. 10. de appellationibus. Scandalum est aliquod dictum, vel factum, alijs ruinæ occasionem præstans. Aut si alicui impedimentum præstatur in via aliqua, quam prosequi intendebat *Aquinas* in secunda secundæ, quæstione 43. articulo 1.

Multo minus obediendum est, si subditis Regis mandaret ne iuramentum factum obseruarent, atque in Regis personam inuenerent, quoniam anathema faceret, vt expressè dispositum est à *Brucardo & Luone*, quod Diuo *Augustino* ascribitur, & habetur in cap. Si quis laicus. causa 22. quæstione: 5. *Siquis Laicus iuramentum violando prophanas,*

quod Regi, & Domino suo iurat, & postea peruerſe, & doloſe eius regnum tractauerit, & in mortem ipsius aliquo machinamento insidiatur, quia sacrilegium peragit, in Christum Domini manum mittens, anathema sit, &c.

Eſſai, qui inter Iudeos profitebantur executionem verbi Dei, resoluerunt, etiam principes supremos, qualescunque sint, immobiles inter subditos, vt sacratos, & à Deo missos esse debere, vt attestatur *Iosephus* de factis Iudeorum, quoniam lege diuina scriptum est, *Principi populi tui non maledices*, Exodi cap. 22. vers. 28. Actorum cap. 25. vers. 5. In Canone Apostolorum 54. & 83. multò magis prohibitum est, in illum inuehere, nam *Qui potestati resistit, ordinationi Dei resistit*, Ad Roman. cap. 13. & quamuis Principes vitij obnoxij esse consueuerint, tamen potestati detrahendum non est: Nam & filij *Samuelis* degenerabant, & in populo tyrannicè viuebant, ita vt populus iustam occasionem eligendi sibi Regem habere videbatur, tamen consultus Deus, eorum petitionem agretulit, dicens, *Non te, sed me spreuerunt*, 1. libro Regum cap. 8. Celebre dictum *Michaelis Orſauhi Hungariæ Palatini* allegari solitum

solitum est, Nam cum reliqui proceres
Matthiam deijcere cogitarent, *Quemcunque*,
 inquit, *sacra corona coronatum videris*, etiam si
 hos fuerit, adorato, & pro sacrosancto Rege duci-
 to, & obseruato, *Bonfinius* libro 3. Decade 4.
 Quamuis Dominus noster Iesus Christus
 sæpe reprehenderit auaritiã, impietatem, &
 scelera Phariseorum atque Scribarum, ta-
 men iussit eis obtemperari, quia sedebant in
 cathedra, & sede potestatis, *Matth.* cap. 23.
 vers. 17. *Marci* cap. 11. vers. 14. *Lucæ* cap.
 20. vers. 22. Nullus magis tyrannicè impe-
 rauit *Nabuchodonosore* Rege Assyriorum,
 qui inuasit ciuitatem Hierusalem, & pollui-
 it templum, & sanctuarium, diremit do-
 mos, ciuitatemque, necauit Regem Israel, &
 maiorem partem populi, aliam vero alio
 transtulit, iussitque statuam suam adorari,
Daniel cap. 6. & tamen Prophetæ Dei, qui
 sub tyrannide premebantur, tantum abest,
 vt arma contra eum sumenda, eumque ne-
 care consulerent populum, imo contra ius-
 ferunt, continuo pro illo orandum esse, vt
 illi filijsque eius Deus longæuam æternam-
 que vitam concederet, & pro regno eius
Baruch cap. 1. *Hieremiæ* cap. 29. A Christo
 passo

passo usque ad *Diocletianum* propè tertentum anni decursi sunt, & quamuis Christiani innumera, crudeliaque tormenta passi fuerint, & clades atrocissimas, semel viginti millibus necatis, alijs integris populis extinctis, tamen nusquam omnino legitur, Christianos licet pares viribus, & numero fuerint, vi, & armis aduersus leges, & Rempublicam, siue Imperatorem, ac securitatem eorum, ne minimum quidem molitos fuisse, siue rebellasse.

In Concilio Constantiensi, Sessione 15. damnatus est ille articulus, quod quilibet tyrannus possit, & debeat licitè, ac meritorie occidi per quemcumque subditum suum, etiam per insidias, vel blanditias, non obstante quocunque iuramento præstito, Aduersus quem errorem Sancta Synodus statuit, ac definiuit, huiusmodi doctrinam esse erroneam, & scandalosam, & ad proditiones, atque periuria viam aperientem, reprobatur, atque condemnat.

Non potest igitur Papa aduersus legem Dei, aduersus bonos mores, Patrumque constitutiones, quæ in iure canonico suo receptæ fuere, item aduersus dispositionem
Concilij,

Concilij, subditis Regis permittere, ne iuramentum obseruent, & in Regem inuehant: ex hoc maximum scandalum in Ecclesia Dei oriri, manifestum, ideoque obediendum nullo modo est. *Ioannes Gerson* in L. parte suorum operum, in illo tractatu, qui inscribitur *De Auferibilitate Papæ*, consideratione 14. per quam docuit, non esse obediendum Papæ determinanti aliquod scandalosè contra Ecclesiam, aut cum vimali cui Regno inferri iubet, his verbis vtitur. *Fatemur illa duo, suspensionem aut detractionem ab obedientia Papæ fieri non debere, nisi manifestis causis urgentibus, ne in corpore Ecclesiæ deterior, & generalior scissura fiat, & inducatur, dum particularia membra non obedire consuecunt, sicut Aristoteles in Politicis, pessimum esse consuecere, non obedire Principi siue Regi: quanto magis erronea, & damnanda est assertio, quod liceat vnicuique subditorum mox ut aliquis est tyrannus, ipsum omnibus vijs fraudulentis ac dolosis, sine quauis auctoritate, vel declaratione iudicaria morti tradere.*

Clarius infertur eisdem subditos à fidelitatis iuramento absoluerè non posse, nulla potestas ipsi Papæ ad hoc data est, omnia iura

in contrarium clamant: De potentia agitur, propter cuius defectum, quicquid in contrarium facere attentauerit, veluti nullum spernendum, & deridendum est. Imò ne ipsi quidem Rex, cui iuratum est, subditorum homagium relaxare posset, *Innocentius* in cap. Quanto, de iureiurando: Archidiaconus in cap. Auctoritatem, causa 13. questione 3. *Lucas* de penna in L. 3. C. de his qui numero liberorum se excusant libro 11. quos sequitur *Marinus Ereccia* in libro 2. de subfeudis in 2. authoritate, num. 9. ergo multominus Papa sine authoritate potest. Solus Rex regno præiudicium facere non valet, nisi saltem maior procerum pars concurrat, quomodo igitur Papa, etiam si potestatem haberet, facere posset. Quicumque Princeps ius ex contractu quasitum, auferre attentauerit, tyrannus ab omnibus appellatur, *Curtius* in consilio 73. col. 29. in fine. *Io. Gallicus* in consilio 2. num. 117. inter consilia feudalicia diuersorum. Defectus igitur omnis potestatis in Papa est, neque possedicitur, quod cum peccato potest, cap. Faciat, causa 22. questione 2. per quem textum ita probat *Andreas* in cap. 1. de controuersia
inter

inter dominum, & emptorem. *Antonius Capycius* in decisione 166. num. 12. sed auferre ius quaesitum, magnum peccatum est, irritare subditos in dominum contra ius naturale, & diuinum, multò maius. Per homagium factum Regi, ipsi Regno ius quaesitum est, cui neque ipse Rex, neque superior quicumque esset, prauiudicium facere debet, iuramentum rem non integram esse facit, & ideo quicumque contractus, ipsius vi, irreuocabiles fiunt, vt communiter per omnes Doct. in L. Si pecuniam. ff. de condicti-
one causa data, quos refert *Couarruias* in libro 1. Variarum resolutionum cap. 14. num. 10. Ideoque eo ipso quod subditi sacramen-
to homagij praestito contraueniunt, nimirum si absolutionem petierint, respectu Regni in periurium incidunt, cuius equè principaliter interest illud obseruari, & omnis audientia subditis deneganda est periur-
is, si veros fori terminos obseruare volu-
mus, vt est decisio Rotæ 883. parte 1. in illis, quas vocant, Nouissimas, & probant Ad-
dentes super 30. decisione.

Neque exemplum de *Gregorio 7. Henricum*
Imperatorem priuate attentante, neq, aliud

de *Ioanne* 22. excommunicante *Lotharium*, ipsam veritatem impugnare possunt; Nam quantum ad *Henricum* omnia per *Baronium* pro *Gregorio* scripta in annalium tomo 11. sub anno 1077. §. 17. reprobant, falsaque esse probat *Melchior Haiminsfeldius Goldastus* in Constitutionum Imperialium parte 1. fol. 43. & seq. impressionis *Frankofurtensis*, atque ostendit *Henricum Wormatiæ* concilium Episcoporum conuocasse, atque *Gregorium* propter sua scelera, citatum, & non comparentem, fuisse priuatum, Acta ipsius concilij *Wormaciensis* ibidem descripta sunt.

Quod vero ad *Ioannem* 22. licet *Lotharium* excommunicauerit, Vbi in Germania hæc comperta fuerunt ut dicit *Auentinus* in Annalibus lib. 7. *Ludouicus* 4. Imperator, diuini humanique iuris consultissimos quosque in Italia, Germanijs, Gallijs, præcipuè *Bononiæ*, atque *Lutetiæ* iure utroque, atque sacris literis peritos consulit. Hi omnes scripserunt acta, & dogmata *Ioannis* aduersus *Cæsarem Christianæ simplicitati*, & diuine philosophiæ repugnare, extant huiusmodi consilia Theologorum in bibliothecis in membranis scripta contra *Vigesimum secundum*, libros quoque edunt.

edunt hi amici Ludouici, Marfilus Patavinus, Ioannes Gaudunensis, Luitpoldus de Beëburg, Andreas Laudensis, mysta Fruxinensis Augusta magister Epistolarum Vlricus Hangenor Augusta ortus sacro Caesaris scrinio praefectus, Dantes Agorius, &c. Haec Auentinus.

Hedion in Paralipomenis, Discordiae causam, ait, inter Ioannem 22. Papam, & Ludouicum Ba-
uarum, ferunt fuisse quendam Vlrichum de Augusta secretarium, qui in quibusdam Regijs literis, summum Pontificem Vocarit bestiam ortam e mari & alijs conuicijs, idque ignorante Ludonico, eum prosciderit. Cuius Vlrici meminit Albertus Argentinensis, vbi cum connumerat in legatis ab Imperatore ad Pontificem missis, his verbis, Et magister Vldaricus, protonotarius Principis, Decretista.

Hainricus Rebdorffensis, anno 1339. Ludouicus sollemnes nuntios mittit de Consilio Principum ad Papam Benedictum pro reconciliatione, quibus sine suae in Alemaniam reuersis, Principes electores Imperij conueniunt, & per iuramenta diffiniunt. Quod quicumque de cetero ipsum Ludouicum tenet excommunicatum, aut qui cessat à diuinis propter sententias Papales, proscriptus sit

corpore, & in rebus.

Albertus Argentinenſis in Chronic. Poſt hæc Ludouicus Princeps anno Dom. 1338. in Franchfurt vocata Curia, de conſilio quorundam fratrum Minorum, inter alia declarauit, proceſſus quorundam Domini Ioannis Papæ nullos, & quod Papa non poſſit contra Imperatorem talia attentare, cùm iuriſdictiones ſint diſtinctæ, &c.

Albertus Crantzius Metropol. Saxon. lib. 9. cap. 15. Ludouicus &c. In Germaniam reuertitur, conuentuque Regni conuocato permagnifico, Francofordiam, ad quem etiam vocauerat Reges Imperio non parentes. Venerat Rex Angliæ Imperio nihil debens, aderat Rex Bohemiæ Ioannes Henrici VII. filius, cæterique Regni tam ſpirituales, quam temporales Principes. Ibi conſtituta ſunt multa, quæ ex dignitate Imperij tum ſunt viſa, Inter alia vero, quod electus à Principibus, aut à maiore, & ſanioris parte adminiſtrationem habeat, citra aſſenſum Pontificis. Et paulo infra: Quis enim Romanus Pontifex conſecrauit Conſtantinopolitanos Imperatores? Et quis ante Carolum multos Chriſtianos Cæſares? Et ante Conſtantinum Ethnicos quos conſecrauit Imperatores? &c.

Hui-

Huldricus Mutius in *Chronic. dicti anni*,
 Cum autem excommunicatio *Ludouici*, quam ad-
 uersus eum Pontifex *Ioannes xxij.* promulgaret,
 iam rata magis haberetur, quam nunquam antea,
 Imperator inops consilij, ubique querebat consi-
 lium : Consulebat autem Monachos, qui apud
 Principes ob doctrinam & probitatem, adhuc
 in pretio erant, consulentibus igitur quibusdam
 Monachis sancti *Francisci*, conuocat *Francofor-*
diam Principes, & illic ex Comitibus decre-
 tum sub sigillo suo edidit & promulgauit, con-
 tra processus *Ioannis Pontificis*, quod ad ver-
 bum sic sonat, &c.

Cætera omitto, quæ ex *Ioanne Naucle-*
ro Præposito *Tubingensi* in *Chronic.* ge-
 nerat. 45. ex *Hedione* in rerum memora-
 bilium *Paralipomenis* ad *Abbatis Vrsper-*
gensis *Chronicon*, ex *Marquardo Frebero*
Germanicarum rerum scriptore tomo pri-
 mo, in *Appendice* videri poterunt, Eti-
 am *Melchior Haiminsfeldius Goldastus* in ra-
 tionali *Constitutionum Imperialium* in
 parte secunda primæ partis fol. 99. vbi
 legitur constitutio *Ludouici VIII.* Impera-
 toris de iuribus, & excellentia Imperij, &
 fol.

fol. 101. vbi scripta est Apologia eiusdem
Ludouici Imperatoris publicè contra ca-
 lumnias *Ioannis* xxiij. Papæ proposita
 Francofurti, eodem anno 1338. octauo
 Idus Augusti.

CAP. 10.

CAP. X.

De Papatus Diminutione, & extinctione ipsius.

Propter iniustitias enim suas humiliati sunt, Psalm. 106. Regnumq; à gente in gentem transferetur propter iniustitias, & iniurias, & contumelias, ac diuersos dolos, Ecclesiastic. cap. 10. Cùm Papa in libidine dominandi in præceps abierit, ita vt quicquid sibi liberet, licitum esset, voluntatemque suam contra mores maiorum, contra leges, & contra auspicia accommodauerit, fucusque factus fuerit Christianus, multas constitutiones condere exorsus est, eisque Christianos ligare, donec pecunia, ab impetrantibus harum legum gratiam, illi solueretur: Nummus igitur diuitibus licitum facit, quod pauperibus prohibitum remanebat, illicitisque his legum, & constitutionum humanarum retibus, non modò magna nummorum copia expiscata est, sed & maxima inter æquè Christianos orta iniquitas, plena offendicula, & simultates, dum

Bb

pauperes

pauperes his laqueis se illaqueatos remanere viderint, non ob aliud, nisi, quod spinas Euangelicas (ita enim Christus diuitias non semel appellat) non possideant, quod si nummi spes refulserit, iam quod primò erat prohibitum, impunè, ac libere facere licitum erat. Matrimoniorum tam innumera excogitauit obstacula ex affinitatis, publicæque honestatis cognatione spiritali, legali, & consanguinitatis tam multis gradibus originem trahentia, in quibus relaxandis, pauperis, ac diuitis semper diuersa conditio extitit, Principum vero ab alijs diuersa fuit, pro his enim aliquando Papa derogare recusauit, quod minoris gradus soluentibus, passim permittit. Nuptiarum solemnia celebrari à Dominica septuagesimæ prohibuit, sed ita demum interdictum illud proccedit, si gratis facere quis intendat. At si nummi spes refulserit, quod primùm erat prohibitum, impunè, ac libere facere licet.

Sub prætextu pietatis, vel basilicas Romanas construendi, vel profectionem in Turcas parandi, indulgentias concedendo, omnem simplicibus, nimiumque credulis exugit pecuniarum medullam & per has im-

imposturas, & conductitios præcones, venales suas bullas facit, imò pro pretio impunitatem peccandi pollicetur, ex quo mortales nihil amplius horrent, si sibi peccandi licentia, & impunitas ne dum in vita, sed post mortem ære licet immodico comparari à mercatoribus illis indulgentiarum, semel persuasum habent. Quæ pecuniæ postea non in rem fidei, aut reipublicæ Christianæ, sed in propinquorum, luxum, ac subleuandam ipsorum familiam conuertitur. Casus etiam aliquot suæ absolutioni duntaxat reseruat, quod si vnum, aut alterum commiseris, aut aliquid numerandum est, aut absolutione carendum; Ad hoc enim reseruati sunt, vt aliquid reseruanti accrescat, nunquã enim dispensatur, nisi aliquid numeretur, quod si numeretur, ne dum in præsentis constitutionum transgressores, sed etiam in futurum, vt eas ipsas transgredi liceat, indulto, quod vocant, Apostolico permittitur, & ex hoc omnia flagitia ortum habent. Ex pœnitentia peccatorum pecunias colligi vult, easque in tantum aggrauari, & augeri iubet, vt laici priusquam eam satisfactionem acceptare velint, pecunia magis sibi ab illis

immunitatem comparent : Ad huiusmodi pecuniam ex peccatoribus exugendam Papa Cardinalem suum nepotem magnum pœnitentiarium deputat, cui omnes casus Papales absoluendi facultas data est.

Cancellariæ Romanæ regulas excogitauit, quibus omnia beneficia Ecclesiastica Romam protrahantur, atque ad fauorem Nepotis sui, siue Cardinalis, siue aliorum domesticorum aggrauentur, ita vt in alijs Prouincijs nati, vbi beneficia sita sunt, non aliunde, quàm ex consanguineis, & familiaribus Papæ, magna pecunia numerata, aut magna pensione annua reseruata assequi possint. Neque in hoc inexplibilis nepotis illius auri sitis quiescit, qui nouas quotidie artes excogitat, qualis est illa, cùm super beneficio aliquo vacaturo duo, aut tria millia aureorum ad futuros casus reseruantur, collatoribus ordinarijs, tam Ecclesiasticis, quàm secularibus, eorumq; iuri ordinario, ac ipsis denique Ecclesiasticis beneficijs in prægrande exitium, pernitiem, attenuationem, & detrimentum, Num cùm casus aliquis futurarum reservationum existit, assequiturque is beneficium, cui prius reserua-

ta erant super hoc millia, tum ad supremam opem, confingunt permutationem, reservationem, surrogationem, referuantes sibi ingressum, regressum, accessum, atque alias id genus fraudes, quibus ius ordinariorum collatorum ita exhauritur, & attenuatur, vt aut nunquam, aut vix tandem post multorum annorum curricula patroni, ac collatores ordinarij ad ius suum peruenire possint. Huius generis sunt gratiæ, reservationes pectorales, mentales, generales, speciales, regressus, accessus, incorporaciones, uniones, & concordata, quæ suis vocant excogitatis nominibus, ob pecuniæ & priuati lucri amorem super beneficijs, & prælaturis vbique existentibus, quæ pro nepotum & consanguineorum vtilitate, atque etiam familiarium introducta fuere, Imo aliquando societatibus mercatorum diuitum conceduntur, cum onere soluendi aut censum, aut debita quoque alicuius extinguendi, quamobrem beneficia sæpius personis inidoneis, ac inhonestis conferuntur, qui plus pensionis, atque istius promptam extinctionem per quinque annatas anticipatim solutas offerant, ita vt ouibus Christi præfecti pasto-

res sint, quorum & si voces fortè audierint, non intelligant. Præterea Abbatia multæ commendatæ sunt in tutelam, & incorporantur, quò factum est, vt ita Abbatia & monasteria attenuata, & exhausta sint, quòd cum ante hac in vno illorum quadraginta, vel quinquaginta personæ satis commodè foueri potuerint, nunc quatuor, vel quinque; necessarijs vix prouideri possint alimentis : omnis res in priuata compendia, & commoda excogitata est. Annatarum etiam solutio ab omnibus Ecclesiasticis, & prælatis exigenda, pro paranda contra Turcas defensione, quæ non contra Turcas, sed ad propria commoda conuertuntur. Præterea quosdam Nuncios, & collectores pecuniarum Cameræ deputat, qui auri sacra pelli-cti fame, scœnus illicitum ne dum non interdunt, sed & passim per Regna vbi deputantur, permittunt, fouent, atque tutantur, Insuper etiam clericos, & religiosos, ac seculares, accepto ab eisdem annuo censu, publicè cum concubinis, & meretricibus cohabitare, & spurios procreare sinunt : Ita fit, vt impudentia magna avaritiam, apertis oculis, palpebris sanguineis, & crassis, corpo-
req;

req; parū puro lucri cupiditatem affectent.

Quis igitur non abominetur hoc avaritię Regnum flagitiorum domum, omnisque sceleris profligatissimi quoddam contubernium? Quis non accuset Papam, qui nouis dogmatibus sacrosanctam doctrinam adulterat, diuinas literas falsò interpretando, suę causę & voluntati seruire cogit; sacra prophanis, diuinis humana commiscet, vtrumque iuxta polluit, simulata religione decipit, defraudat, circumuenit supremi numinis legem, in qua ipse quoque se ligauit, soluit: Vtrumque imperium, & pontificatum sicut decreti, & falsorum Deorum cultores factitare consueuerunt vsurpat. Quis istud assertum religionis caput non accuset? Quis illius religionis incolam non irrideat, vel si prohibeatur à fletu, in tanta calamitate degentium non misereatur, quis quęso in hac religione simulatorum, diuinis legibus destituta, vbi nummis peccandi licentia conceditur, oculos prohibebit à libidine, linguas à contumelia, manus à rapina, audaces à cęde, vt alia omittam.

An igitur cum pessimo hominum genere conuersandum est? Execratur sapiens huiusmodi

iustmodi societatem, *Ecclesiastic. cap. 13. Qui tetigerit picem, inquinabitur ab ea, & qui communicabit superbo, induet superbiam, Et Proverb. cap. 24. Ne emuleris viros malos, nec desideres esse cum eis, quia rapinas meditatur mens eorum, & fraudes labia eorum loquuntur.* Primi hominum, quoniam callidissimi serpentis colloquio vti sunt, virulentis mortiferisque eiusdem sollicitati suasionibus, à mandato Dei desciiuerunt, & amissa Paradisi amœnitate, ad huius vitæ misérias redacti fuere, *Genes. cap. 3. Thobias cum filium suum in Mediam mittere vellet, Perge nunc, inquit, & inquire tibi aliquem fidelem virum, qui eat tecum, quem ille inuentum percontatus est, vnde esset & an viam, quæ in Mediam ducit, sciret, Thob. ca. 3. Iosaphat Rex Iuda, licet rectè vixisse, prædicetur coram Domino, quia tamen amicitia illi intercesserat cum Ochozia Rege omnium pessimo, per Prophetam arguitur, & classis, quam cum ipso communem habebat, priusquam in Tharsis, qui missa fuerat, peruenisset, naufragio periit, Rursum alias naues, cōmunicatis impensis ædificare cum Ochozia tentatus, renuit, iam damno satis edoctus, ne innocentem quidem securū esse, cū perditis*

tis hominibus commercium habentem, 3:
Regum ca. 22. Petrus ipse Apostolus, Christi
 amore inter omnes ardentissimus, tunc qui-
 dem refrixit, cum atrium *Caiphæ* ingressus
 impiorum hominum se implicauit collo-
 quijs, compulsusq; est negare se illum nosse,
 quem paulo ante, Dei viuentis filium con-
 fessus fuerat, *Math. cap. 26*. Iccirco Dominus
 noster, petenti discipulo, vt abiens parenta-
 ret patri, non permisit, ne infidelium cogna-
 torum, quos affore funeri necesse erat, con-
 sortio macularetur: *Sine*, inquit, *mortui sepeli-*
ant mortuos suos, tu me sequere, quia scilicet, ego
 vita sum, mecum viue, & dimitte mortuos,
 ne fortè & ipse simul moriaris, *Math. cap. 8*.
Luc. cap. 9.

Hinc factum est, permittente Deo, vt à
 Papæ Romani deuotione, & vltronea obe-
 dientia discesserint, Anglia, Boemia Mora-
 uia, Slesia, Lusatia, Transilvania, magna pars
 Poloniæ, Suetia, Dania, Noruegia, Irlandia,
 Lapia, Grolandia, Scotia, maxima Alemanix
 pars, bene magna Franciæ, itemque Belgiæ,
 Geneua Italiæ proximior, & in ipsa Italia
 (simplicibus, atque idiotis circumscriptis)
 paucissimi sunt, qui Papistarum, & Papæ vi-

tia non abhorreant, & ab illis liberari non optitent.

EPISCOPORVM
GALLIÆ ET GERMANIÆ
EPISTOLA

AD ANASTASIVM II.
Pontificem Romanum

EX CONCILIO:

Qua Papam, & Italicos Episcopos monent vt
sele missos faciant, nec deinceps super eos
tyrannidem exercere pergant.

Nongè aliud sunt Pontificales sedes, &
aliud Præsidentes; Proinde honor, &
dignitas cuiusq; sedis venerabiliter ob-
seruanda sunt, præsidentes autem si deuiauerint
per deuia sequendi non sunt. Hinc est, quòd botros
carpere & spinas cauere oportet. Non putatiue,
sed veraciter adfirmant Episcopi, ex multis aucto-
ritatibus dicentes, maiorem esse auctoritatem
Conciliorum, quàm vnius Papæ Anastasij. Paulus
Apostolus, qui clamat, Imitatores estote mei, in
faciem restitit Apostolorum Principi Petro, quia
reprehensibilis erat, eò quòd Gentiles in quibus-
dam Iudaizare cogeret; scandali enim seminarium
est,

est, dum Episcopi super Episcopos procellas excitant in sancta Ecclesia, ubi summa pax esse debet, surda aure cordis audientes Scripturam dicentem; Quod tibi non vis fieri, alteri ne feceris. Nec imitantur humilitatem boni pastoris, qui animam suam posuit pro ouibus, qui non secundum aurium auditum, nec secundum visum oculorum iudicat, sed secundum id, quod est scrutator cordium. Audiant igitur, vel Apostolum clamantem, Attendite vobis, & cuncto gregi, in quo vos Spiritus sanctus posuit Episcopos regere Ecclesiam, quam acquisiuit sanguine suo. Igitur non subito cum temeritate sunt proferenda sententia Episcoporum contra Episcopos, volentium irritas facere potestates aliorum Episcoporum. Anacletus Papa, dicit, Accusatores autem, & testes esse non poterunt, qui ante externum, & nudi tertius diem inimici fuerunt, ne irati nocere cupiant, & ne lesi iudicium conuertant in suam ultionem: Hinc Sixtus Papa dicit, Accusatoribus suspectis, vel de domo inimicorum prodeuntibus, non est credendum. Papa Thelesphorus dicit, Iustitie palmam non obtinebimus apud eos, qui testes iidem sunt, qui & iudices, & insuper accusatores; Nullius sententia opponatur, ut scripturarum veritas annuletur.

Præterea iuxta literam, intellectus noster re-

fugit nouitatem compassionis, qua otuntur erga infirmitatem Franciæ medici Italiæ. Continuis febribus agitantur, qui curare nostros Episcopos volunt; cæci sunt, qui lumen eis promittunt: gibberos, & obtortos nostros esse putant, qui habentes strumam auaritiæ angustam portam non intrant. Oves suos errare permittunt, & pastores nostros ad viam Veritatis reuocant, cum spiritualium morborum medicinam, hoc est, absolutionem animarum, Romæ esse adferunt; Sed ire ad ipsam coram, inter arma, quæ sunt intra fines per viam, nostros compellunt. An in tota Italia nullus est, qui agrotet? Si in nostris solis exercere vires sui iudicij volunt, audiant Paulum sapientem, dicentem, Nolite iudicare ante tempus, quoad usque veniat Dominus, qui illuminabit abscondita tenebrarum, & manifestabit confilia cordis, & tunc erit laus vnicuique à Deo. At sic audacter eos in auribus vulgi reprehendere cessaremus, si & post nostros, per gratiam Dei sanos, cauterium non inferrent. Quod si cauterium suum adhuc aduersus nostros mouere disponunt, Gallicam in sese veritatem sentient, quam sine causa in se prouocant. Non enim putandus est ille medicus sani capitis esse, qui antea vult agrotos inflammare, & ferro secare, quam qualitates

qualitates egritudinis cognoscere. Si autem amplius affirmauerint, Episcopos Galliae spiritualiter aegrotare, sciant igitur Dominicum praeceptum, iuxta illud Infirmum visitatem; Non enim currere debet aegrotus ad medicum, sed medicus ad aegrotum, Quod si renuunt, sciant nos habere perfectum, & optimum, & Euangelicum antidotum filij Dei, quo à nobis pœnitius repelluntur spirituales molestiae. Monendi sunt Episcopi, ne damnent occultas conscientias nostrorum Episcoporum, & ne prætendant illis, quasi per zelum nimiae iustitiae insidias Regij iudicij, ne compellantur Euangelicè respondere. QVI SINE PECCATO EST, de Episcopis Italiae PRIMVS LAPIDEM MITTAT. Hoc dicimus, ne per duriciam suæ mentis, auctoritatem, quam suam esse putant, in Episcopis nostris feriant, quia non est impossibile iectum præiudicij sui in eos resilere, maxime cum nostri nunquam didicere plus, quàm necesse est, formidare; Fateamur hodie tamen ante Christum, qui liberauit Socrum Petri de febribus, quia consolatores onerosi sunt Episcopi Italiae, quos Ioannes à Patmo insula re vera à numero electorum vidit abstractos; dum inter cetera dicit, Misit draconem, & traxit tertiam partem stellarum, Hi dum nituntur abstrahere à nostris pastoribus lu-

men laudis, inuoluuntur glaucomate sui erroris, quos ita faciemus, ut qui viderint, non videant, Fama enim, hoc est odor male fame, exit in fines orbis terra eorum, qui habitant ultra montem Iouis, sagittans ultra lapidem salutis, quod non sint plantati in domo Domini secundum ordinem Melchisedech, quibus expedit, ut suspendatur mola asinaria in collo eorum, quod conati sunt suauitate pastores nostros scandalizare. Sed si ualuerunt, quantum ad illam copiam, quam habent, nihil nocere, quos patet in die, & in nocte obuolutos esse umbra sui somnij, ita si aestimant in Gallia defecisse hæc tria, verbum, ferrum, ingenium. Ne ergo fumam suæ voluntatis in vanum spargant, discant, & taceant, ut discendo, & tacendo pulchriores fiant; Etiam si inclinata esset arca testamenti nostri, calcitrantibus tauris Gallie nostrorum Episcoporum esset, & non illorum inclinatam releuare. Quod si in arcam Ecclesie nostræ sollicitè lingua crimen intendant, ruinam interius cum Oza leuita habere poterunt. Fatemur autem, quoniam si vitulos cogitationum nostrarum agnoscere possent, suum summum bonum esse dicerent, si noti non fuissent, & dialecticum hunc syllogismum vigilanter intelligant. Si omnibus Episcopis vna inest potestas, est & vni, est autem omnibus vna potestas, igitur & vni.

EPIS.

EPISCOPORVM
GERMANIÆ ET BELGII
EPISTOLA
AD NICOLAVM I. PON-
TIFICEM Romanum

Ex Synodo Colonienſi, ſub LVDOVICO
Iuniore Imperatore,

NICOLAO. PONTIFICI
GVNTHERVVS, ET THE-
ODOGVTHO.

Patres Episcopi, & fratres coepiscopi no-
stri, nos ad te miserè, ipsi quoque sponte
Romam venimus, acta tibi obtulimus,
ut si quid in his peccatum, erratumque videretur,
tanquam parens pientissimus. benigne, & modeste
ut praeceptorem decet, commonesceres. Tu verò
accepto libello nostro, viginti amplius diebus, nul-
lum omnino, vel per internuncios responsum reddi-
disti, tantum absuit, ut in conspectum tuum admit-
teres. Nos otiosi sedimus Romæ; post demum
ensem ferè nos accersitos, ubi absque cunctatione
aduolauimus, & nihil mali suspicantes, quasi more
latronum oppressisti, nam statim ubi in aedes re-
cepti

cepti sumus, pessulo foribus obdito, circumdatos
 turba paganorum, expoliatos, itaque omni spe hu-
 mano, & Comites nostros sacris, prophanisque ex-
 clusisti, ibi contra fas, contra decreta, moremque
 maiorum, sine cœtu Ecclesiastico, cum circumste-
 tisset nemo Archiepiscopus, nemo Pontificum, &
 Symmistarum accessit, neque tu aut de errore no-
 stro quicquam differuisti, aut ratione aliqua, testi-
 monio, scripto, aut argumentis errorem per te ar-
 guisti, nec quicquam penitus tu deseruisti, sed su-
 bito & improviso, cum lateri tuo haberet Anasta-
 sius monachus ambitus condemnatus, sententiam
 contra nos iniustam, temerariam, & nefariam,
 & Christianæ religioni repugnantem, de cartula
 effudisti, & satis proterue tuis fratribus, atque
 conseruis verbis illuisti.

Immortalis Imperator Augustam, & sponsam
 suam clara, æternaque supellectile instruxit, dore
 fragili, ac caduca condecorauit, sed perpetuo dia-
 demate, ac sceptro prouexit. Fecit eidem potesta-
 tem atque copiam, Ut diuos consecraret, Cælo ad-
 sereret, egros curaret, mortuos immortalitate do-
 naret; quæ beneficia, tu veluti latro intercipis,
 templo Dei praripis, in teque transfers, atque lu-
 pus factus es ouibus, viuos occidis, fortes superis
 detrahis, Vulneribus ad inferos extrudis, gladi-

um mellitum condis, mortuos ** quibus per te re-
 uiuiscere, non licet. Tu Pontificis quidem perso-
 nam præ te fers, at tyrannum agitas, sub cultu,
 & habitu pastoris lupum sentimus, citulus paren-
 tem mentitur, tu te factis louem ostentas: Cum
 sis seruus seruorum, Dominus Dominantium esse
 contendis. At qui iuxta disciplinam Christi, Ser-
 uatoris nostri infimus es, omnium ministrorum
 templi Dei. Tu uero libidine dominandi in præ-
 ceptis abis: quicquid tibi libet, licet, fucusque factus
 es Christianus. His de causis nos cum fratribus
 nostris, & collegis, neque edictis tuis stamus, ne-
 que vocem tuam agnoscimus, neque tuas bullas,
 tonitruaque tua timemus. Tu eos, qui senatuscon-
 sultis non parent, impietatis condemnas, ysdem
 sacrificijs interdicis. Nos tuo te ense iugulamus,
 qui edictum Domini Deique nostri conspuit, con-
 cordiam collegij discindis, pacem, immortalem, cæ-
 lestis Principis tesseram, violas, Spiritus Sanctus
 auctor est omnium Ecclesiarum, qua longissime,
 & latissime terrarum orbis porrigitur, Ciuitas
 Dei nostri, cuius municipes sumus ad vniuersos
 cæli cardines pertinet, maiorque est Vrbe, qua
 Babilonia à sacris vatibus appellatur, ut qua di-
 uinitatem vsurpet, cælo se aequet, se eternam fore
 iactitet; perinde ac si esset Deus, immortalisque

sapiens, neque vniquam se errasse, aut errare posse, mendaciter gloriatur.

De ambarum epistolarum veritate, consule *Goldastum* in Constitutionum Imperialium rationali parte. 1. fol. 48. & fol. 50.

Nunc de Papatus extinctione agendum, de qua duo duntaxat scripsere, quos ipse viderim, *Nouus homo*, in libro, cuius titulus est, *Supplicatio ad Imperatorem Reges, Principes &c.* impressus est Londini anno 1613. & *Adamus Mulseus*, qui in illum commentatus fuit anno 1615. Liber est in quarto cartarum 187. In Italia forte, sed apud quem impressus erat non apparebat.

Et quidem si primam Noui hominis rationem perpendamus, illa omnia probat: Cum enim tam de iure, quàm de immemoriali consuetudine receptum sit, quod Papa super successore eligendo nouam legem, nouamque formam statuere possit, qua non seruata electio aliter facta, nulla existat, Euenit quod *Iulius* Papa 11. qui per simoniam regiminis culmen rapuerat erroris sui poenitens, super simoniaca Papæ electione nouam legem sanciuuit, quam postea *Andreas*
Gambarus

Gambarus illius familiaris interpretatus est, & ille Pontifex commentariorum dedicationem, his verbis factam patienter sustulit, *Lator Pater sancte, Simoniam, quam in tui electione commisisti, cum tanto horrore prohibere* &c. Commentarij ad ipsam nouam *Iulij* constitutionem scripti Romæ primum impressi fuere, postea sæpius editi, Nunc inter repetitiones Canonicas Venerijs impressas simul cum hac epistola legi poterunt: Cumque epistola veritatem diceret, nemo vsque ad hæc tempora contradicere ausus est: Et quamuis conditor sua constitutione non ligetur, tamen omnia iura clamant electionem simoniacam nullam, atque inuvalidam esse; Item simoniace electum excommunicatum, ab Ecclesia exclusum, &, Iccirco in Papatu intrusum dici oportere. Quare, quod Nouus homo à *Sixto V.* incepit, à *Iulio* 11. exordiri oportebat.

Sed illius rationem prosequendo, Constitutio illa ita decreuit, *Si contigerit postquam nos, vel successores nostros successiue, Deus ab huiusmodi vniuersalis Ecclesie regimine absoluerit (humani generis inimico procurante & ambitione, vel cupiditate ad hoc inclinante) electionem*

Romani Pontificis, ab eo, quem eligi contigerit, vel ab aliquo, seu aliquibus de cœtu Cardinalium quomodo libet votum dantibus, per simoniacam hæresim in dando, promittendo, vel recipiendo bona cuiuscunque generis castra, officia, vel beneficia, seu promissiones, & obligationes, commissam per se, vel per alium, seu alios quomodocunque, & qualitercumque, & in duarum partium vel omnium Cardinalium unanimi concordia, quomodolibet, etiam per viam assumptionis unanimiter, etiam sine scrutinio facto celebrari, vel fieri, nō solum huiusmodi electio, vel assumptio eo ipso nulla existat, & nullam eidem sic electo, vel assumpto administrandi in spiritualibus, & temporalibus facultatem tribuat, sed etiam contra dictum sic electum, vel assumptum, de simoniaca labe à quocunque Cardinali (qui eidem electioni interfuerit) opponi, & excipi possit, sicut de vera, & indubitata hæresi, ita ut à nullo pro Romano Pontifice habeatur, &c. Nec huiusmodi simoniaca electio per subsequentem ipsius inthronizationē, seu temporis cursum, aut etiam omnium Cardinalium adorationem, seu obedientiam, ullo unquam tempore conualecat. Liceat omnibus, & singulis Cardinalibus, etiam illis, qui huiusmodi simoniaca electioni, sine assumptioni consenserint, etiam post inthronizationem,

onem, sue adorationem, & obedientiam, ac etiam
 vniuerso clero, populo Romano, nec non subditis,
 & sancti Angeli de vrbe, & quarumuis aliarum
 arcium prefectis, Castellanis, Capitaneis & alijs
 officialibus à talis electi, & inthronizati obedien-
 tia, ac deuotione, impune, & quomodocumq; disce-
 dere, & eum vt Magum, Ethnicum, Publicanum,
 & heresiarcham euitare; Et insuper liceat Cardi-
 nalibus, qui electioni simoniacæ interfuerint, & à
 prefato sic electo discesserint, &c. Concilium gene-
 rale indicere, ac conuocare in loco idoneo, prout eis
 videbitur expedire.

Minorem propositionē agit ita *Novus Ho-*
mo, Sixtum V. per simoniā electū esse, nemo dubi-
tat, Nam vt Papa eligeretur, suffragia Cardinalis
Estensis, Cardinaliumq; ab illo pendentium emit,
eidemque mediante scriptura sua manu subscripta
promisit, nunquam in suo Pontificatu Hierony-
num Mattheum (qui inimicus Estēsi erat) se crea-
turum Cardinalem si Estensis, cum suis in proxima
electione Sixtum suffragijs suis ad Papatum vel-
lent promouere, Et cū mediante Estensi factus
fuiſſet Pontifex opus, se manuum suarum esse,
professus est.

Hic est casus Bullæ Iulij 11. quæ adhuc in re-
 centi viget obseruantia, ita vt omnes Cardinales,

cum primū conclaue ingrediuntur, bullam illam
obseruare, tactis sacris in se recipiant.

Ipsum factum simoniace electionis Sixti quinti
notorium factum est; Nam cum Sixtus datam
Eſtensi fidem violasset, Hieronymumque Matthe-
um Cardinalem creasset, Eſtensis præ nimio dolore
ægotans, antequā moreretur, illam apoccham Sixti
V. manu subscriptam ad Regem Catholicum Phi-
lippum II. transmisiſit qui anno 1589. Ducem Sueſ-
ſæ Oratorem extraordinarium Romam miſit, ad
intimandum ipſi Sixto generale Concilium super
declaratione simoniace electionis, & ad requiren-
dum D. D. Cardinales à prædeceſſoribus creatos,
aliosque Eccleſiaſticos ad comparendum in Conci-
lio Hiſpalenſi; Itaque ipſa apoccha, ipſumque fa-
ctum in iudicium deduētum, notorium factum eſt:
ſed quia intimatione facta Sixtus præ deſperati-
one mortuus eſt, negotium ulterius progreſſum
non eſt. Hæc Nouus Homo, cætera ommit-
tuntur multa, quæ in eius libro videri po-
terunt.

Ergo ſiue incipiamus à Iulio II. ſiue à
Sixto V. ſi vtrumque intruſum fuiſſe in Pa-
patu, conſtat, Cardinales ab illis facti, qui
poteltatem nullam habebant, tales verè non
erant. Nemo enim dat, quod non habet,
ergo

ergo electionis iure carere omnino dicebantur, quod veris Cardinalibus, non autem intrusis, datum esse, In Concilio Constantiensi in electione *Martini* quinti definitum, & receptum extitit: Quamobrem omnis Papatus, omnium Cardinalium dignitas extincta est. Quod nullum est ab initio, à non habente potestatem ad validitatem reduci nullo modo potest, Papa igitur nulliter electus, intrusionem suam purgare non potuit: licet sententiæ, declarationesque, & iudicialiter expedita, rata esse debeant, neque in dubium refricari, quoniam publica utilitate suadente, recepta fuere, multò magis si in alijs Regnis observata extiterunt, quoniam tunc ex consuetudine cum titulo putatio introducta dici possunt, Imò cum titulo vero, si ab alijs illorum Regnorum Episcopis approbata fuerint, quorum non esse minorem potestatem, quàm Episcopus Romæ habeat, in primo huius libri capite satis probatum est.

Ex præfatis extinctionem Papatus optime probari, credo: Interdum ex eo solo, quòd Papa in concilij excommunicationem inciderit, ab Ecclesia exclusum dici, atque Papatum defecisse tractatum est, Cùm de
anno

anno 1504. *Michael* Archiepiscopus Constantinopolis Nouæ Romæ Patriarcha Oecumenicus, ita prætenderet, opponere enim contra Concilij Ephesini decretum in Symbolo fidei, illud verbum (*Filioque*) addidisse, Ideo *Constantinus Iconomachus* Imperator, omnes Latinorum Ecclesias velut interdictas claudi iussit, amplissima literatis viris præmia dono dedit, qui super hac veritate libros conscriberent, vt testatur *Io. Bute- rus* in Relationibus totius Orbis, parte 3. libro 1. vbi agit de Græcis Europæ, ibi quæ ibi multa alia ad hoc propositum legi possunt.

F I N I S.



